

# Иоанн' падвы Маймбабцо Юн

Нум' Падарм' пэртя Институт  
Москва  
2014

# **Иоанн' падвы Маймаббцо Юн**

Хэтувнда” вадида” тюкон’ падыда”:

ibt\_inform@ibt.org.ru

## **Толаңгода нина”!**

Тюку маниенара” падар” Иоанн’ падвы «Маймбабцо Юн», тикэра” Едэй Нум’ Вато’ ңоб” терда. Едэй Нум’ Вато Невхы Нум’ Вато’ ня’ Нум’ Падар’ пеляха’. Ңабцакаванда тики падаркат Падар”, ңока юр’ поё вэталамба си”ив я’ понұганы сымянхат толабада падарць, теда’ лахана толабада падарнә толы.

«Евангелия» вада грек” тэнз мэта ненәцие” вада-хат ңадимы вада, хамәдита «Маймбабцо Юн». Иисус Христос Харта ңо” тохолирта ңани’ тарем’ нюмдесарь. Едэй Нум’ Ватохона ңэда” ңобнзер’ тет Маймбабцо Юн, пыдо’ мал’ ңокхандо’ Иисус Христос’ ила’ нямна, манзара”манда нямна ңа”. Иисус’ тохолир”, ханзер” мутри ңадимдембаса, ханзер” ха”махаданда яңор’ илелца”, тики” падарка”на ңани’ пады”.

Едэй Нум’ Ватохона падда” сер” маня” илело”-мана” тяхана нюрте”э юр” похона, Палестинам’ нюбета яхана ңэвы” сер”. Та’ мальңгана Палестинам’ Рим’ паралюда” таңылмадамбавэдо’. Хуркавна ңо” тики яхана иленя” иудей” харто’ пунрёбцомдо’ лэтрамбавэдо’. Пунрёбциондо’ лэдэхэв, Моисей’ сер’ няндо’ Нум’ ми”мы Вато ңэвы. Моисей’ пуд мале ңока Нум’ Вади вадета” Мессия – Нум’ Тэравы’

товам’ ваде”мы”. Пыдо’ ненэции хэбяхаход, хавахад үэдавнданэ Сита ваде”ңа. Невхы я’ тер” пунрёбцондо’ ңарка малан’ тэв”махад, та’ ёльцыңгана Палестина яхана үэда Вифлеемам’ нюбета нюдя хардакохона пон’ ңатевы Мессия – Иисус Христос соя (Христос – грек” тэнз мэта ненэции” вадахат ңа, хамэдита Масармы). Маймбабцо Юн хусувэй я’ тирмана миңа, Нум’ Ню’ сер’ ңадимы үэдангова’ нямна ңа, тики Юн ңамгэри яхана иленя, хуркари вадавна лаханани” ненэции” ет’ ңа.

Иоанн’ падвы Маймбабцо Юн маня” илело”мана” тяхана нюрте”э юр” по’ пуданахана ңани нита пуд падвы. Тики падаркананда Христос’ Нум’ үэвамда ңадимдемби, тадтикахад ңули” нюрте”э’ Христос – Вада үэвам’ ңани’ манэ”лабтамбид. Харта Пыда Нум’, Вада – Логос, Няданда хусувэй илenя ңадимы. Тюку Маймбабцо Юнм’ падвы Иисус Христос’ хахаяда тохоламбадахат ңопойдо’ үэвы, нюмда Ңэдаравы Иоанн. Пыда падвы падаркананда ханзер” Иудея яхана Христос манзараса мал’ падабида. Тики’ хавна Иисус’ панаць мэ”мы или’ саирм’, таци” манзара”мида ңани’ тасламбид. Маймбабцо Юн грек” тэнз мэта ненэции” вадавна пады, хуркавно յо” сидя ёнар” по’ Христосан’ пунрёда ненэця’ илева’ ямбан’ ңока ненэции” вади” тэнзан’ падвы.

Нари” теда’ Маймбабцо Юн, Иоанн’ падвы ңули” нюрте”э’ хасава вадавна ңадимя. Ңани ё” вадаха” Нум’ Падарм’ падыбада Институт Иоанн’ падвы Маймбабцо Юнм’ хасава вадавна тэвравэн’, Иоанн’

## Толангода нина”

падвы Маймбабцо Юн’ вади тидхалембадаҳа’, тики’ хавна юани сава вади Маймбабцо Юнм’ хасава вадавна юадимдембада нядабавэхэ” сейхад юэда сава вади хэтаби. Нум’ Падар’ пелям’ харта” вадавнанда” падда юадимян’, харта” вадавнанда” тад нерня’ толабаваханда” маня” маймбива”.

*Нум’ Падарм’ пэртэя Институт манзарана”*



# Иоанн' падвы Маймбабцо Юн

## 1-й пеляда *Вада\* ненэцяүэ хэ”мя*

<sup>1</sup>Сямянхат ңули” нюрте”э’ Вада танявы, Вада Нумгана мэвы, Пыда Нум’ ңэвы. <sup>2</sup>Вада нюрте”эхэд Нумгана мэвы. <sup>3</sup>Хусувэй џамгэ Няданда ңадимы. Хусувэй ңадимы џамгэ Пыдасиципой” ңадимзь нивэда пирас”. <sup>4</sup>Вадахана ил’ танявы, тики ил’ ненэцие” яляңэ таравы. <sup>5</sup>Тики Яля пэвдяхартахана ялэмды, пэвдя Сита пирда”ле ни пирас”. <sup>6</sup>Нум’ ңэдаравы ңопой хасава танявы, нюмда Иоанн ңэвы. <sup>7</sup>Пыда Яля” нямна ненэсям’ ваде”манзь товы. Тиканда хусувэй хибя сита намд”махаданда Ялян’ пунрангу”ни”им’. <sup>8</sup>Пыдахавада Яля нивы ңа”, хуркавна ңо” пыда Яля” нямна ненэсям’ ваде”манзь Нум’ ңэдаравэда. <sup>9</sup>Яляхав, ненэся Яляхав, хусувэй ненэцям’ ялэмдамбада, мале та’ мальңгана я’ тир’ ни’ ңадимдавы. <sup>10</sup>Пыда я’ тирканы танявы, я’ тир” Няданда ңадимы ңэбта ңод”, я’ тир’ тер” Сита ни” хамэда”. <sup>11</sup>Пыда Харта

---

\* 1:1 Иисус.

њамгэхэта то. Харта ненэциеда Сита сейхато' ня"маван' ни" харва".<sup>12</sup> Сита сейхато' ня"амвэхэв" Нянда\* пуурэяд". Тики ненэцяңг" Пыда Нум' ню" юесь ватодамдо' ми"џа.<sup>13</sup> Пыдо' ненэця' пангхад, пыхыд' харвабцоход, ненэця' ватоход соявы" ни" ја", Нумгад соявы".<sup>14</sup> Вада ненэцяңэ хая, поңгана" илелъй". Пыда тихинда сяналасавэй, ненэсясавэй. Маня" Юнанда танявам' манэ"џаваць. Тики Юнда юпой Ню юэванда е"эмня Нисянда ми"мы.<sup>15</sup> Иоанн Пыда нямнанда ненэсям' ваде"џась, ненэцяңг" сёнда ѡардан' лахана: «Ваде"мэми – Тики, Ти Мэна. Мань тарем' мадамзь: «Пудни Тованды нядни ва"џа, соявани нерня мале ѡаха"на танясь». <sup>16</sup> Маня" малмбой' Няданда юэда сянаам' етри' панаць ня"марпива".<sup>17</sup> Моисей' сер' Ватом' ня"маваць, Иисус Христос' сер' сянаам', ненэсям' ня"мава".<sup>18</sup> Сяхаңгарт' хибяхарт Нуум' нивэда манэс". Нисянда сейхана мэна юпой Нюрида – Нум' няна" Нум' хурка юэвамда юдимдеда.

### *Хэхэдаңгода Иоанн' сыро"ма (Мт 3:1-12; Мк 1:2-8; Лк 3:15-17)*

<sup>19</sup> Иудей"\*\* Иерусалим маркад ханондани, левит\*\* хибя юэвамда хонраванзь юэдарабто', Иоанн' сыро"мид

---

\* 1:12 Тид" тарем' пады: «Нюмганда».

\* 1:19 Иоанн' падвы Маймбабцо Юнхана, тики" – иудей" юэвахана мэна".

\*\* 1:19 Левий' пангхад юэда ненэця". Хэбидя Хардахана нядангода ханонданаңэ манзарана".

тарцяць. <sup>20</sup> Иоанн хуркари таялци”, тидпой” вахалъй”: «Мань Христосадм’ нидм’ ја”. <sup>21</sup> Пыдо’ сита хонра”: «Тиканда хибян? Илиян юэдакэн?» Пыда ма: «Нидм’ ја”. Јани’ хонрадо’: «Тики Нум’ Вади вадетан?»\* Пыда јани’ ма: «Нидм’ ја”. <sup>22</sup> Пыдо’ нянда вахалъяд”: «Тиканда хибян? Сидна” юэдаравэхэ”на” јамгэм’ хетаңгугува”? Харт нямнанд јамгэм’ вадетан?» <sup>23</sup> Нум’ Вади вадета Исаия’ вади”мана Иоанн тарем’ вахалъй”: «Мань вэнго яхана тюрыта вабцадм’: «Нум’ Ерв’ сехэрым’ тидхалера”»\*. <sup>24</sup> Тики товы” ненэцие” поңгана фарисей” танявы”. <sup>25</sup> Пыдо’ сита хонра”: «Христосан ниб”нанд ја”, Илиян ниб”нанд ја”, Тики Нум’ Вади вадетан ниб”-нанд ја”, јамгэ хэхэдангтурџан?» <sup>26</sup> Иоанн няндо’ вахалъй”: «Маньзяван икана хэхэдангтурџадм’. Поңгананда” хибяхав ну, пыдара” ехэрара”. <sup>27</sup> Пыдахавада пудни Тованда, маньзяв нянани Те”мехэртада ека ни серос?». <sup>28</sup> Тики” сер” Иордан яха’ тяхана юэда Вифанияхана юэвы”. Тики яхахана сяхари’ Иоанн хэхэдангурмы.

### *Нум’ Ху’\* Сую*

<sup>29</sup> Нябимдей яляхана Иоанн нянда миндя Иисусм’ манэць вахалъй”: «Нум’ Ху’ Сую, Ти Мэна! Я’ тир’

---

\* <sup>1:21</sup> Иудей” Христос’ това’ нерциюна хуркари Нум’ Вади вадети” товам’ юатець. Ханяны” иудей” Иоаннм’ пон’ юатевы Нум’ Вади вадетаңэ пэрмэдо’ (Мк 6:15).

\* <sup>1:23</sup> Исаия 40:3.

\* <sup>1:29</sup> Ханяны ненэй ненэцие” илесь’ яхана «ювциянэ» нюомдебидо’.

хэбяхам’ Пыда ха”авраванда. <sup>30</sup> Пыда Нямнанда мань тарем’ лаханадамзь: «Пудни Тованда нядни ва”на, Пыда соявани нерня мале юха”на танясь». <sup>31</sup> Мань Сита ехэрэдамзь, Израиль’ тер” Сита хамэдавандо’ е”эмня юадьбя”ни икана хэхэнгованзь тодамзь». <sup>32</sup> Иоанн манэ”мыда вадець лахана: «Хэбидя Индад’ голубым’ нюбета нув’ сармикадрев’ нув’ няд Ниндя ха”мавам’, тадтикахад Нинянда хаёвам’ манэ”юадамзь. <sup>33</sup> Мань Сита ехэрэдамзь. Си”ми икана хэхэнгэнго Үэдаравы няни тарем’ мась: «Хэбидя Индад’ хибя ни’ ха”мавам’, тадтикахад Нинянда хаёвам’ пыдар манэтар, Тики, Хэбидя Индкана хэхэнгогода». <sup>34</sup> Мань манэ”юавась, юадьбя”ни тидпой” мадм’: Тики – Нум’ Ню».

### *Нюртэ”э Иисус’ тохоламбада”*

<sup>35</sup> Тад нябимдей яляхана Иоанн юани’ сидя тохоламбадамда няць ну. <sup>36</sup> Иисус хэвувнанда ядвы. Сита манэ”манда сер’ Иоанн ма: «Нум’ Хү’ Сую, Ти Мэна!» <sup>37</sup> Тики вадида намда, сидя тохоламбадаюда Иисус’ пумна яльяха’. <sup>38</sup> Иисус пуня’ сылы”, Пумнанда яднаха” манэць хонарку: «Намгэн’ харвади”?» Пыди’ маюха’: «Равви (хамэдита – «сидна” тохоламбадава”»), Пыдо’ юбканы хая”, ханяна Илевамда пыди’ манэ”-юади’, тики яля’ Иисусхана мэнхаха’. Та’ мальнгана ялей тет час юэвы. <sup>40</sup> Нябиюм’ Иоанн’ вади намдавы, тадтикахад Иисус’ пумна ял”мы” – Андрей. Пыда Симон Пётр’ папа юэвы. <sup>41</sup> Нюртэ”э’ Андрей хасава

нямда – Симонм’ хо, нянда ма: «Мани’ Мессиям’\* хони». (Тики грек’ вадавна «Христос».) <sup>42</sup> Андрей хасава нямда Иисусан’ тэврада. Иисус нянда сылаванда сер’ ма: «Пыдар Симонан, Иоанн’ хасава нюн. Тад нерня’ нюмл Кифа\* юэнту». (Тики грек’ вадавна «Пётр»\*\*.)

### *Иисус Филиппаха’ Нафанаилаха’ хаџа*

<sup>43</sup> Нябимдэй яляхана Иисус Галилея ян’ хэсь таслада. Филиппам’ хованда сер’ нянда ма: «Пумнани ту”». <sup>44</sup> Филиппхав Вифсаида хардахад юэвы. Андрейха’ Пётарк’ юани’ таняд юэвэхэ’. <sup>45</sup> Филипп Нафанаилм’ хо”махаданда ма: «Маня” Моисей Ватохонанда падвым’, Нум’ Вади вадети” падвым’ хова”. Пыда Иисус – Иосиф’ хасава ню, Назаретхад юа». <sup>46</sup> Нафанаил ма: «Назаретхад\* юамгэ сава таняңгу?» Филипп нянда ма: «Ту”, манэтарава». <sup>47</sup> Иисус Нянда миндя Нафанаилм’ манэць, няннанда вахалъй”: «Ненэся Израиль’ терхав ти, пыда хэдта яңгу». <sup>48</sup> Нафанаил Нянда ма: «Ханяд си”ми теневан?» Иисус ма”нив”: «Филипп’ сит хаё”мя’ нерня, смоковницам’ нюбета юдя’ пя’ юылна мэнаханд сит манэ”юадамзь».

---

\* 1:41 Еврей’ вада, хамэдита – «юритевы».

\* 1:42 Арам’ вада, хамэдита – «пэ».

\*\* 1:42 Хамэдита – «пэ».

\* 1:46 Назарет юули” нюдякоця харад юэвы. Иисус’ я’ ни’ това’ нерциюна юбкарт’ Нум’ Падар’ пеляхана тики харад’ нямна падда падар” яңгувы.

<sup>49</sup> Нафанаил Нянда ма: «Равви! Пыдар Нум' Нюн, Пыдар Израиль' Параңодан». <sup>50</sup> Иисус тики вади намда, тарем' вахальй": «Смоковницам' нюбета пя' җылна мэ"мамд нянд вадесо"махадани Няни пунрэйн? Ненэй манэ"мандахабид тамна неры"». <sup>51</sup> Иисус тамна тяха' лахана: «Ненэся, ненэся нянда" мадм', пыдара" нув' няра' сидя' ня' няңгармам' манэтада". Ненэця' Нюңэ нюмдебада' ни' Нум' юне ядэлани" тю"уд ха"мормам', танаңгавам' манэтада"».

## 2-й пеляда

### *Канахана җэвы тюва яля*

<sup>1</sup> Няхаромдэй яляхана Галилея яхана җэда Кана хардахана тюва яля җэвы. Таняна Иисус' небя мэвы. <sup>2</sup> Иисус җо" тохоламбадита ня' җобтарем' таня' хамы" җэвы". <sup>3</sup> Няръяна сяркандо' сусава' сер', Иисус' небя Иисусан' вахальй": «Сяркадо' суса». <sup>4</sup> Иисус нянда ма: «Неңэй, мани' тикахана җамгэ серони' таня"? Мань ёльциами тамна товдавэй». <sup>5</sup> Небяда манзаранаха" ма: «Пыда ханзер" ма, пыдара" тарем' җада"». <sup>6</sup> Таняна мат" җарка"я пэ ид' ед танявы. Иудей" тики ед' тер' икана нибтарасетвы". Хусувэй ед юр' мян' литрам' тер"мы\*. <sup>7</sup> Иисус манзаранаха" ма"нив": «Ед икана панаңь тердейда"». Пыдо' икана тю"уй варандо' җэсонд'

---

\* <sup>2:6</sup> Еврей" тарця серто' танявы: җавормандо' нерня җудидо', хыдидо' халтамба таравы. Тарем' мэта ито' яңга пэхэд серставы җарка хыдя' мюния сюрсетвы, тарцяри хыдя' мюния и" няроңэ хаюрсетвы.

пандэйдо’. <sup>8</sup>Тики’ пуд Иисус няндо’ ма: «Тедахав’ таняд идм’ сахалңада”, тадтикахад тюва яля’ серм’ пэртан’ ханара”». Тадтикахад пыдо’ тики ненэцянд’ идм’ хана”. <sup>9</sup>Тюва яля’ серм’ пэрта няръяна сярканэ хэвы идм’ ңэрҗада. Пыда тики сярка ханяд ңэвахад ехэрась, идм’ сахалмыри” теневаць. Тюва яля’ серм’ пэрта нелебада хасавам’ хаңа, <sup>10</sup>тадтиkad ма: «Хусувэй ненэць’ нерде сава сяркам’ ңадимдесеты, ненэзие” ябело”махад вэва сяркамда ңабтасеты, пыдахавар сава сяркам’ тев’ ёльцянд’ лэтмбавэранё”». <sup>11</sup>Тики сер” Иисус’ Галилея яхана ңэда Кана хардахана сертавы нюртей ненадо сер” ңэвы. Таняна Юнамда ңадимдеда, тиканда тохоламбадида Нянда пунрэяд”. <sup>12</sup>Тики’ пуд Небямда няць, Нида няць, Тохоламбадида няць Капернауман’ хая. Сянхав яля’ таняна мэ”.

### *Хэбидя Харадм’ нярумда”ма (Mt 21:12-13; Mk 11:15-17; Lk 19:45-46)*

<sup>13</sup>Иудей” Пасха’ хахаялма’ сер’, Иисус Иерусалиман’ то. <sup>14</sup>Хэбидя Хардахана хороби, хуво, голубьм’ нюбета нув’ сармик мирдапади манэ”ңа. Тики” хавна таняна ңамдёвы есь тадабади манэ”ңа. <sup>15</sup>Иисус иняхад садкосям’ серта, Хэбидя Хардахад мирдатини хоробисавэй’, хувосавэй’ мал’ ңокхандо’ питарьяда, есь тадабади” есьдо’ вабтъяда, тольдо’ пынделабтэйда. <sup>16</sup>Голубь мирдападаха” тарем’ ма: «Тюку мал’ хэвня’ ханэйда”! Нисяни мядм’ ңавори мирдапалава мя”ңэ нёра” сертабю”!» <sup>17</sup>Тохоламбадида Хэбидя Падаркана падвы тюку вади тензибте”: «Мят ялыба харвобставами

сёнзяни мюд Си”ми юаворја”\*. <sup>18</sup> Тиканда иудей” Иисусан’ ма”: «Тарем’ юэсь Ватомд юамгэ ненадо серка”на манэ”лабта пиртар?». <sup>19</sup> Иисус няндо’ ма: «Тюку Хэбидя Харадм’ тахабтара”, Манъзяван няхар” яля’ пирка”на яңор’ юабтангув!» <sup>20</sup> Иудей” тики вадаха” тарем’ ма”: «Тет юкад вата мат” по’ тюку Хэбидя Харадм’ сертабидонзь, Пыдахавар няхарли” яля’ яңор’ юабтаванзь пэрңар?» <sup>21</sup> Иисусхав Хэбидя Харадм’ вадець, Харта Пыхыданда нямна лаханась. <sup>22</sup> Иисус’ ха”махаданда илелманда сер’, Тохоламбадида тики Вадида тензибтевы”. Тики’ пуд Хэбидя Падарт’, Иисус’ ваде”мы вадаха” пунрэяд”.

### *Иисус хусувэй ненэцям’ тенева*

<sup>23</sup> Пасха хэбидя ялэ” ямбхана Иисус’ Иерусалимхана мэванда малыңгана юка ненэць’ ненадо серо Сертавамда манэ”юаць, тадтикахад Нянда\* пунрэйдаць. <sup>24</sup> Иисусхав хусувэй ненэцям’ тенева, няндо’ нись ен”. <sup>25</sup> Пыда ненэця’ сёнзя’ мюй’ юамгэ хадкэнгавахад теневавы. Надьбята ненэця’ нямна юэда манэ”лабт” Нянанда нивы тара”.

### **3-й пеляда** *Иисус няби Никодим*

<sup>1</sup>Фарисей” поңгана Никодимам’ нюбета, иудей” юоб” юарктадо’ танявы. <sup>2</sup> Юобңуна пи’ пыда

---

\* <sup>2:17</sup> Нумд’ юэда сё 68:10.

\* <sup>2:23</sup> Тид” тарем’ пады: «Нюмганда».

Иисусан' то, Нянда тарем' вахалтый": «Равви, маня" тенева, Пыдар Нум' нэдаравы сидна" тохоламбадава". Нумзяда ненэць" Пыдар сертабада не надо серод серта нида пирас"». <sup>3</sup> Иисус ма: «Мань ненэся, ненэся нянд мадм', хибя яңор' нибта соя", тики Нум' Параңодадавам' манэць нида пирас"». <sup>4</sup> Никодим Нянда ма: «Ңармы ненэць" ханзер" яңор' сояңгу? Ненэць" яңор' ню' ңэся" мю' пакалць пир"ңада? Тики" пуд нябимдей" соябта серо"ңа?» <sup>5</sup> Иисус ма: «Ненэся, ненэся нянд мадм', хибя икад, Хэбидя Индкад нибта соя", тики Нум' Параңодадаван' тюсь нида пирас". <sup>6</sup> Ңаяхад соявы – ңая, Индкад соявы – инд". <sup>7</sup> Мань ваде"мэхэ"ни нён пысанг": «Пыдара" тю"уд соябта" тара». <sup>8</sup> Мерця ханяд харва, таняд пупида. Мунда намдорпат յо", пыдар ханяд ңэвахаданда, ханя" хэвахаданда ехэран. Хусувэй Хэбидя Индкад соявы ңани" тарця». <sup>9</sup> Никодим Сита хонра: «Ханзер" тарця ңэсь пир"ңада?» <sup>10</sup> Иисус тики вадахата ма: «Пыдар Израильм' тохоламбадананё", ханзер" тарцям' нир хамэдамбю"? <sup>11</sup> Мань ненэся, ненэся нянд мадм': маня" ңамгэм' теневава", тикым' ваде"ңава", ңамгэм' манэцева", тикым' манэ"лабтамбива". Пыдахавара" манэ"лабтма" сёнзяханда" нида" пэмбю". <sup>12</sup> Я' ила' нямна ңэда Лахарёхортха"ни нида"нё" пунрю", ханзер" нув' нямна ңэда Лахарёхо"ни пунраңгуда"? <sup>13</sup> Нумгад ңэда Ненэця" Нюңэ нюомдебада" хавна, хибяхарт нув' няю" хэвэ ненэць" яңгу. <sup>14</sup> Ханзер"

вэнго яхана Моисей юабтацавэй халым”\* тю”у’ иласа, тарем’ Ненэця’ Нюнэ нюмдебада тю”у’ илавы юэнгу. <sup>15</sup> Надьбята хусувэй Нянда пунрёда [ни хаңгу”,]\* Няданда малсяда илам’ ня”маңгу. <sup>16</sup> Нум’ тюку я’ тир’ терм’ саць мэневанда нид, Нопой Нюримда ми”мы. Нюхунда пунрёда хусувэй хибя ни хаңгу”, малсяда илам’ ня”маңгу. <sup>17</sup> Нум’ Нюмда я’ тир’ терм’ судева’ е”эмня юэдравэда ни ю”, Нюнда сер’ я’ тир’ терм’ юэдаванзь юэдаравэда. <sup>18</sup> Нюхунда пунрёда судевы ни юэнгу”. Нянда ниня пунрёдахав мале судевы. Пыда Нум’ Нопой Нюнда нюмд’ ниць пунра”. <sup>19</sup> Яля я’ тир’ теран’ юадимясь. Ненэцяңгав” яляхад пэвдям’ саць мэневандо’ нид, мале танаравы”. Пыдо’ сертабада серодо’ вэнзукубытци. <sup>20</sup> Вэвам’ сертабада хусувэй хибя ялям’ волтамби, харта серода нива юадима’ е”эмня ялян’ ни мий”. [Пыдо’ вэнзу”].\*

<sup>21</sup> Ненэсявна иленахав ялян’ минд”нив’. Сертавы серода Нувм’ няд”мяць юэвандо’ е”эмня серода юадяңгу”ни”им’».

---

\* 3:14 Невхы Нум’ Ватоход самляңг падармана таслаб” (Толыр” 21:4-6) Моисей Израиль’ тер Египетхад вэнго явна минреванда мальгана, пыдо’ Нумд’ вадебярць пэвыд”. Тиканда Нум’ ненэции танараванда е”эмня юабтацавэй ямб халы юэдара. Израиль’ тер” вэва юэвамдо’ хамэда, вадебярць юэвадэяд”. Нум’ Моисейм’ няравахад ямб халым’ серта табэда. Тики’ пуд няравахад сертавы халын’ сырта хусувэй сято”лавы Израиль’ тер мал’ сензүэ хан”мы.

\* 3:15, 20 Ханяңы юдахана падвы падарка”на пады.

### *Иисус няби хэхэдаңгода Иоанн*

<sup>22</sup> Тики’ пуд Иисус тохоламбадиа няць Иудея ян’ хая. Таняна нянандо’ иле, ненэцие хэхэдамби. <sup>23</sup> Та’ мальңгана ю”, Салимахад хахаяда Енон яхана Иоанн ненэцие хэхэдамбись. Таняна и” Ѳока ѱэвы. Ненэця” нянда хэхэдаңгурманзь турмы”. <sup>24</sup> Та’ мальңгана Иоаннм’ тамна нивэдо’ сяр”. <sup>25</sup> Иоанн’ тохоламбада” иудей’ тэнэм’ мэта ненэця’ ня’ нярумдава’ нямна тасалкурць пэяд”. <sup>26</sup> Иоаннан’ тэввандо’ сер’ хонрадо’: «Равви, ти, Иордан яха’ тяханяна нянанд мэвы Ненэцял – ненэцяңг” ваде”мэр, ненэцие хэхэдамби. Тиканда хусувэй хибя Нянда миң». <sup>27</sup> Иоанн няндо’ ма: «Нум’ тарем’ таслаб”, ненэць’ ѱамгэхэртм’ ни ня”маңгу”. <sup>28</sup> Йамгэм’ вадесо”махани пыдара” харта” инзеледаци”, вадини тарцяци”: «Мань Христосадм’nidm’ ѱа”, Пыда Тованда нерциона, Нум’ си”ми ѱэдарась». <sup>29</sup> Нем’ мэмбадахав – нелевнда хасава. Нелевнда хасава’ сава няхав тэри тиканда нухуя, нянда инзеле. Вабцамда намдванда сер’ маймбаңгу. Мань ю” теда’ сёнзяни мюй маймбабцохона пан”юа. <sup>30</sup> Пыдахавада теда’ тю”у’ мимбата тара”нив’, маньзяван таси’ мимба”ни тара. <sup>31</sup> Тю”уд ха”амвэхэв сямянхат ва”юа. Я’ ниня иленахав яхад пере, вадетида я’ ила’ няримна ѱа”. Нув’ няд ха”амвэхэв сямянхат ва”юа. <sup>32</sup> Манэ”мыда, намдвыда вадепата ю”, Манэ”лабтата хибяхарт сейханда нида ня”ам”. <sup>33</sup> Манэ”лабтата сейханда ня”амвэхэв Нум’ не-нэся ѱэвам’ тид” манэ”лабтамби. <sup>34</sup> Нум’ Йэдаравым’ Нум’ Хэбидя Индкана пандамбида, ѱадьбята Пыда

Нум' Вади мэ”џа. <sup>35</sup> Нисяюм' Нюомда ёльце мэневандада нид, Үудахата хусувэй юамгэм' мал' ми”мыда. <sup>36</sup> Хибя Нум' Нюон' пунры, тики малсяда илүгана иле. Нум' Ню' мунд' ниня намданахав илам' нига манэт”, Нум' няданда пили” нензюмда».

#### **4-й пеляда** *Иисус няби Самария я' тер не*

<sup>1</sup> Иисус' тохоламбадида, хэхэдамбада ненэциеда Иоаннхад юока юэва юн фарисейха” тэввүү”. <sup>2</sup> Үабцакаванда Иисус нивы хэхэданггу”, Тохоламбадида хэхэданговы”. <sup>3</sup> Иисус тарця муунм' намда, Иудея яхад хая, юани' Галилея ян' нэкалнада. <sup>4</sup> Самария явна хэбта таравы. <sup>5</sup> Самария яхана юэда Сихарьм' нюобета хардавна юадимя. Тики харад лата я' хэвхана юэвы. Тюку я юавнанда Иаков хасава нюухунда – Иосифан' ми”мэда\*. <sup>6</sup> Таняна Иаков' нелава танявы. Иисус пэдёмда юэдабтамба, нелава' хэван' юамды”. Яля' ер' ёльць' юэвы. <sup>7</sup> Таня' Самария я' тер юоб” не нерманьзь то. Иисус хонрада: «Итами та”ма». <sup>8</sup> Та' мальнгана Иисус' тохоламбадида юаврадамдо' тэмдаванзь хардан' хэвүү”. <sup>9</sup> Самария я' тер не Иисусан' ма: «Пыдар Иудея я' тернанё”, ханзер” нядни – Самария я' терхад идм' хаңан?» Иудей” Самария я' тер” ня' поёдо’

---

\* <sup>4:5</sup> Невхы Нум' Ватоход самлянг падармана таслаб” (Ила' юадиво”ма 33:19), Иаков – еврей” тэнз' нисянато' нися Авраам' ню' ню. Пыда ёндаванда мальнгана тюку ям' тэмдавы. Тад пуна тики яхана хасава нюомда – Иосифам' яңгуво”махаданда сюрмэдо’.

вэва” ёэвы”. <sup>10</sup> Иисус нянда вахалъй”: «Пыдар Нум’ тамбада ёамгэ’ нямна теневавы ёэб”нанд, Хибя няданд идм’ хамам’ теневавы ёэб”нанд, пыдар харт Няданда ханангунась, тадтикахад Пыда Харта нянд илена идм’ татась». <sup>11</sup> Не ма: «Мань ервав! Нелава та’ пирувнанда ёрыва, Пыдар сахалкосянгартар яңгунё». Тиканда ханяд илена идм’ ханангур? <sup>12</sup> Иаков нисяхадана” ўаркаңэ Пыхыдамд тосар? Пыда няна” тюку нелавам’ тавы. Пыда, хасава нюда, тадтикахад харта вадавы сармикада тюку нелавахад идарнаць». <sup>13</sup> Иисус нянда вахалъй”: «Хусувэй хибя тюку идм’ ўэрта яңор’ идарман’ харбилаңу. <sup>14</sup> Мань мипада икавахадани хибяри-хибя ит’ харвабцоходанда юрангү. Мань ми”-манда икавами нянанда малсяда илан’ сита минрена лохорта и” ўэ ханда». <sup>15</sup> Не Нянда ма: «Ервэй! Тарця итами та”ма, тиканда мань ит’ харвабцоми яңгод”-нив’, нерманзь тюкон’ вунидм’ турт”. <sup>16</sup> Иисус нянда ма: «Хань”, вэсул хай”, тадтикахад юани’ туин». <sup>17</sup> Не ма”нив”: «Мань вэсу”ми яңгу». Иисус нянда ма: «Пыдар ненэсян, вэсул ненэся яңгу. <sup>18</sup> Пыдар самл-яңг вэсулась, теда’ нятахавар вэсул вуни юа”. Вадид ненэся”». <sup>19</sup> Не Нянда ма: «Нум’ Ерв! Мань сырпа”-ни, Пыдар Нум’ Вади вадетан. <sup>20</sup> Нисянана” тюку хой’ ния түёцты”, пыдахавара” мада”нё”: «Түёць’ я Иерусалимхана юа». <sup>21</sup> Иисус нянда ма: «Не ўэй, Няни пунрю”, ёльцянда тоб”, Нисяхани туё”мар” тюку хойхана ни ўэнгү”, Иерусалимхана ни ўэнгү”. <sup>22</sup> Пыдара” ехэрана ёамгэн’ түё”нада”, маньязвана” хибян’ түё”махадана” теневава”. Йэдангова иудейхат

ја. <sup>23</sup>Ёльцяnda тоб”, ћабџакаванда малe тэвы”ма, не-нэсявна туёта” Индадм’ няд”мяць, ненэсям’ няд”мяць Нисяхани туёта”. Нисями ю”, Нянда тарем’ туёти пюрна. <sup>24</sup>Нум’ – Инд” нэ”нив’. Нянда туёта” Индадм’ няд”мяць, ненэсям’ няд”мяць туёпato’ тара». <sup>25</sup>Не Нянда ма: «Христосм’ нюбета Мессия’ товахад мань теневадм’. Пыдахавада то”махаданда, няна” хусувэй ћамгэм’ вадета». <sup>26</sup>Тики’ пуд Иисус нянда ма: «Мань тидамнё”, нянанд теда’ лаханакурџадамнё”».

<sup>27</sup>Та’ ёльцыңгана Иисус’ тохоламбада” то”. Иисус’ нехэна лаханакурмам’ манэ”мандо’ сер’ пысэйд”. Иисус’ ћамгэн’ харвава’ нямна, ћамгэ не’ ня’ лаханава’ нямна ћобкартадо’ Сита ни хонра”. <sup>28</sup>Тики не ита ћэсям’ хае, харад’ няна хая. Ненэцяңг” ма: <sup>29</sup>«Хаяда”, техэ малханда хурка ћэвами явнанда ваде”мы Ненэцям’ манэ”џара”! Христосхав ниб”нандав’ ю”?» <sup>30</sup>Хардахад ненэця” Иисусан’ хая”.

<sup>31</sup>Тики ёльцыңгана Тохоламбадида Сита хонрамби”: «Равви, ћамгэcodар ћав”ма». <sup>32</sup>Пыдахавада няндо’ тарем’ ма: «Манъзыван пыдара” ехэрана ћаврами таня». <sup>33</sup>Надьбято’ тохоламбадида помнандо’ нидо’ хонрамба пя”: «Нянда хибяхав ћаварм’ тэврамбавэкы?» <sup>34</sup>Иисус няндо’ ма: «Си”ми Џэдаравэни ватом’ сертабавами, тадтикахад Серта малевами – Џаврахаюни, тихи”. <sup>35</sup>Пыдара” тарем’ нисяда” лахан”?: «Тет иры’ хэ”мяхад нянь’ ћуво” сэв ма”ламбава’ ёльць’ тута\*.

---

\* <sup>4:35</sup> Палестина яхана нянь’ ћуво” сэв моёсо”махад тет иры’ хэ”мяхад нянь’ ћуво” сэв вадё”ми ма”ламбасетыдо’.

Нянда” мадм’, сыркарнада”, нянь’ ңуво” сэв” вадюла-ва я” ялмыд”, мале малкова’ ёльць’ то. <sup>36</sup>Нянь’ ңуво” сэв ма”ламбада недбям’ ня”ма, малсяда илан’ тэвва’ е”эмня таром’ сертаби. Нянь’ ңуво” сэв моёпадаха’, нянь’ ңуво” сэв ма”ламбадаха’ ңобкана маймбаңгуху”. <sup>37</sup>Тюку вада’ хара явнанда җа, тарця: «Нюрте”эюм’ нянь’ ңуво” сэв моёпи, нябиом’ нянь’ ңуво” сэв ма”ламби». <sup>38</sup>Мань ңани нита” манзара”мавна малкурманзь сидда” ңэдарадм’. Ңабцакаванда нида” варемдо’ мэць манза-раць, пыдахавара” нита” манзара”маха” таркэйда”».

<sup>39</sup>Самария я’ тер нехэв манэ”мыда-намдавыда ха-няримна-таняримна ваде”яд: «Пыда ңахат иле”мя-ми ңарханда ваде”ңадась». Тикым’ намдвандо’ сер’ тики хардахад ңэда ңока Самария я’ тер Иисусан’ пунрэяд”. <sup>40</sup>Иисусан’ тэв”махадандо’, Самария я’ тер” Сита нянандо’ мэсь хонрамби”. Пыда таняна сидя яля’ мэ. <sup>41</sup>Нянда инзеле”мяхадандо’ тамна ңока ненэць’ Нянда пунрэяд”. <sup>42</sup>Пыдо’ нен’ ма”: «Теда-хав’ пыдар ваде”мэрихитат вунива” пунрю”, хар”на” Нянда инзеле”мяхадана” пунрыва”. Тедахав’ маня” теневава”, Пыда ненэся я’ тир’ тер” Ңэдангода».

*Парауода’ марцыхы’ хасава нюм’  
савумда”ма  
(Mt 8:5-13; Лк 7:1-10)*

<sup>43</sup>Сидя яля’ хэ”мяхад, тики яхад Иисус Галилея ян’ хая. <sup>44</sup>Тад յо” Пыда Харта явнанда лаханась: «Харта яхананда Нум’ Вади вадетам’ нидо’ таро”ла”». <sup>45</sup>Иисус Иерусалимхана мэванда мальңгана, хэбидя

яляхана хуркари ненадо серо сертававы. Ҙока Галилея я' тер хэбидя ялян' товы", тикан' сырмы". Ҙадьбято' Галилея ян' товы Иисусм' манэ"мандо' сер', пыдо' маймба ядабтадо'. <sup>46</sup>Тики' пуд Иисус Галилея яхана үэда Кана хардакон' үани' тэвы". Сяхангав' тики хардахана идм' няръяна сяркаңэ сертадась. Та' мальңгана таняна үопой паранода' марцыхы мэвы. Капернаум хардакохона хасава нюда ханѓурць юседавы. <sup>47</sup> Иисус' Иудеяхад Галилеян' товам' намда, пыда Иисусан' то, хынумба пядя: «Капернауман' нянани ту"ма. Хаван' харвана хасава нюоми савумдадва». <sup>48</sup> Иисус нянда ма: «Хибяхартара" ненадо серо, и' хэбиле"мя серо манэ"мадавэй' пунра нида пирас"». <sup>49</sup> Паранода' марцыхы Нянда ма: «Нум' Ервами, нюни хава' нерня ту"ма». <sup>50</sup> Иисус нянда ма: «Мяканд хань", нюор иленгү». Тики ненэць' Иисус' вадаха" пунрэй", тадтикахад хая. <sup>51</sup> Ядаванда сер' хабида сита хо", ма": «Нюор иле». <sup>52</sup> Ҙацекы' нися сяха' нюонда савуво"мам' хонра. Хабида ма": «Теняна яля' ер' үопой часхана үаянда ядё ха"мыць». <sup>53</sup> Ҙацекы' нися нюонда сяха' едясялмам' хамэдада. Иисус' нянда тарем' мама' мальңгана: «Мяканд хань", нюор иленгү», та' мальңгана нюда едясялмы. Тиканда пыда мяд' терсавэй' Иисусан' пунрэяд". <sup>54</sup> Тики сер" Иисус' Иудеяхад Галилеян' тэв"махаданда нябимдей ненадо сертавы Серта үэвы.

### 5-й пеляда

#### *Вифезда меңгахана хангурутам’ савумда”ма*

<sup>1</sup>Тики’ пуд Иисус иудей” хэбидя яля’ ёльцыңгана Иерусалиман’ хая. <sup>2</sup>Таняна Хуво” Вад’ хэвхана менга танявы, тики менга’ нюом’ еврей’ вадавна «Вифезда»\*. Самляңг синдёда тюңгалавада танявы. <sup>3</sup>Мюнянда хуркари” хангурута”, сэвсяда”, мэдна”, хэвдо’ хабэй” юседа”. [Пыдо’ ид’ манзадавам’ үатевы”]. <sup>4</sup>Нум’ Ерв’ юне ядэлана ханяңэхэ”на ит’ ха”махая, идм’ манзаб-тамбасеты. Нюртэ”э” манзарана ит’ ха”мавы хибя-ри, сата хабцяңгана хангурупата үо”, сензуормы.]\*

<sup>5</sup>Таняна тет юд’ няю’ сидндэт по”\* хангурута ненэць” танявы. <sup>6</sup>Иисус, юседана ненэцям’ манэ”манда сер’, таминда пон’ хангурумамда хамэдада, ма: «Савуман’ харван?» <sup>7</sup>Хангурута ненэць” Нянда ма: «Ервами, ид’ манзадава’ ёльцыңгана, ит’ си”ми тэвравндами харта яңгу. Хар”н таня’ сыңгтаб”нани, хибяхав ма-ле си”ми нертесеты». <sup>8</sup>Иисус нянда ма: «Юркад”, пэнэр ня”ам”, тадтикахад ядэр”». <sup>9</sup>Таминда савума, пэнамда ня”махая хая. Тики яля еврей” ныланава яля үэвы. <sup>10</sup>Надьбято’ иудей” хангурумы ненэцянд’ тарем’ лахана”: «Тюку яля еврей” ныланава яля, пэнамд тюку яля’ вунир минарт”». <sup>11</sup>Пыдахавада

---

\* 5:2 Хамэдита – «Сянась’ мя”».

\* 5:4 Ханяны үудахана падвы невхы падарка”на пады.

\* 5:5 Няхар” ю” сидндэт по’.

тарем' няндо' ма: «Си”ми Савумдавыми няни тарем' мась: «Пэңар ня”мад, ядэр”». <sup>12</sup> Иудей” сита хонра”: «Тарем' нянд лаханавы Тики Хибя: «Пэңар ня”мад, ядэр”»?» <sup>13</sup> Сензумы ненэць' нянда тарем' Лаханавым' ехэравэда, тад ю” ёэсь ю” Иисус таняна мэвы ненэцие” помна сэявы. <sup>14</sup> Тад пуна Иисус сензумы ненэцям' Хэбидя Харад' мюня хода, нянда ма: «Ти, тедахав' савуман, тамна вэвако юамгэ нянанд хадкэвонгад, тад нерня' сяхангарт' нён хэбяхамдю”». <sup>15</sup> Тики ненэць' хэ”мяхаданда, иудейха” ма: «Си”ми савумдавы – Иисус». <sup>16</sup> Иудей”, еврей” ныланава яляхана Иисус' тарця серо сертабаванда нид, Сита таңылмдамба пя”. <sup>17</sup> Иисусхав няндо' ма: «Мань Нисями теда' лахана манзара, юдьбя”ни Мань јани' манзарадм'». <sup>18</sup> Тики вади намд”махадандо' иудей” ханяцей' саць Иисусм' хадаван' харбиладо'. Еврей” ныланава яляри' ватом' мадаванда нид ни ја”, не-ноховавна Нуvm' Харта Нисяданда нюмдебава' сер', Пыхыдамда Нум' јарнэ пэрма' е”эмня.

### *Нүм' Ню' вато*

<sup>19</sup> Иисус няндо' ма: «Ненэся, ненэся нянда” мадм’, Нисянда манзаям’ манэ”мадавэй’, Хасава Нююнгав’ Харта няданда юамгэхэртм’ серта ни пирас”. Тад ю” Нисяюм’ юамгэм’ сертаби, тикым’ Нююм’ јани’ сертаби. <sup>20</sup> Тад ю” Нисяюм’ Нюомда мэневанда нид, хусувэй юамгэм’ Харта сертабадамда Нюхунда манэ”лабтамбида. Тики’ хавна тамна ваць јарка серо Нюхунда манэ”лабтангуда. Пыдара” пысангуда”.

<sup>21</sup>Ханзер” Нисяюм’ хальмернэ хэвым’ юркабтахая илбетемби, тарем’ Нююм’ ю” хибям’ илбетеван’ харва, тикым’ илбетенгу. <sup>22-23</sup>Хусувэй ненэць’ Хасава Нюомда Нисянда пирувна џарцу”манда е”эмня, Нисяюм’ хибяхартм’ ни судебю”, суденговам’ мал’ Нюхунда ми”мэда. Нюомда ниня џарцула, Нюомда џэдаравы Нисяюм’ џани’ нига џарцус”. <sup>24</sup>Ненэся, ненэся нянда” мадм’, Вадахани инзелена, Си”ми џэдаравы Нисяхани пунрёда малсяда илнгана мэ, судевы ни џэнгу”. Пыда хавахад иланд’ тэвы”. <sup>25</sup>Ненэся, ненэся нянда” мадм’, ёльцянда тома, мале тэвы”. Хавы ненэця” Нум’ Ню’ вабцам’ намдвандо’ сер’ илелтыд”. <sup>26</sup>Ханзер” Нисянда ил’ Харта Нянанда џа, тарем’ ила’ Хасава Нюхунанда џэва’ е”эмня, Нянда џани’ илам’ ми”мы. <sup>27</sup>Ненэця’ Ню џэванда е”эмня, Нянда суденгова ныхым’ ми”мы. <sup>28</sup>Нёда” пысаңг”! Пэмбад’ мюня мэна хусувэй хальмер’ Ненэця’ Ню’ вабцам’ намдва’ ёльць’ хахаялма. <sup>29</sup>Пыдо’ пэмбдото’ мюд тарпаңгуд”. Сава серо сертавы” ила’ е”эмня юркангуд”. Вэва серо сертававэхэв” сиддо’ судева’ е”эмня юркангуд”. <sup>30</sup>Харкван хар”н нядни џамгэхэртм’ серта нидм’ пирас”. Намдормани сер’ суденгудм’. Мань судми ненэся. Хар”н ватоми нидм’ нёракус”, Си”ми џэдаравэни ватом’ нёраку”џадм’».

### *Иисус’ нямна үэда манэ”лабтэр”*

<sup>31</sup>«Мань Хар”н Пыхыдами вадепа”ни, Вадини ныхыси”. <sup>32</sup>Дани Хибяри Мань нямнани тид” лаханана таня. Мань теневадм’, Мань нямнани үэда

Вадида ненэся”. <sup>33</sup>Пыдара” Иоаннан’ ненэцие үэдарааванда” мальңгана, пыда ненэся’ нямна явнанда лаханась. <sup>34</sup>Тики Вадини ненэця’ Нямнани лаханава’ е”эмня нин хэтыбы”, үэданговам’ ня”маванда” е”эмня хэтыбин. <sup>35</sup>Иоаннхав лэёмбада, яберена серекабт” үэвэ. Үамгэ’ пират’ пыдара” яляхаданда маймбаван’ харвадаць. <sup>36</sup>Маньзяв манэ”лабтавнами Иоанн’ манэ”лабтэркад ва”џа. Нисяни тавы серо Мань малебидм’. Тики Серони Нисяни Мань Си”ми үэдаравам’ манэ”лабтамби”. <sup>37-38</sup>Мань Си”-ми үэдаравэми – Нисями, мале Мань нямнани явнанда лаханась. Пыдахавара” Пыда Үэдаравэхэнда нига” пунрю”. Үадьбята” пыдара” Нисяни вабцам’ намд”мар” яңгу, Пыхыдамда манэсо”мар” яңгу, Пыда Вадида нянанда” ни” иле”. <sup>39</sup>Пыдара” ихихананда”, малсяда ил’ Хэбидя Падаркана үэ”нив”. Үадьбята” тяхасовна Хэбидя Падарм’ тохоламбира”. Хэбидя Падаркав Мань хибя үэвами манэ”лабтамби. <sup>40</sup>Пыдахавара” илам’ ня”маванда” е”эмня Няни тован’ нига” харва”. <sup>41</sup>Мань ненэцяңгат юндами нидм’ ня”марпю”. <sup>42</sup>Мань сидда” теневадм’, пыдара” сейхананда” Нуvm’ мэнебцора” яңгу. <sup>43</sup>Мань Нисяни нювм’ няд”мяць тодамзь. Пыдара” сейханда” Си”ми нига” пэй”. Үани хибяри харта нюомда ныхым’ мэць тоб”нанда, тикахавм’ сейханда” пэндара”. <sup>44</sup>Харта” няхатата” юнм’ ня”марпида”. Үопой, Нуmgад үэда юнхавм’ нира” пюр”. Тиканда ханзер” пунрё пиртара”? <sup>45</sup>Нисяни сякана Мань сидда” нидм’ вомдартамбангу”. Танымна ибеда” нёя” ядэр”. Сидда”

вомдартавандахав пыдара” енанара” – Моисей.  
⁴⁶ Моисей Мань нямнани паднась. Надьбята” ненэ-  
сявна Моисеян’ пунрёвы үэб”нанда”, Няни үани’  
пунрангудаць. ⁴⁷ Тад Моисей’ падвэхэ” ниб”нанда”  
пунрю”, ханзер” Мань вадаха”ни пунрангуда”?»

### **6-й пеляда**

#### **Самляңг ёнарм’ малебте”мя**

*(Mt 14:13-21; Mk 6:30-44; Lk 9:10-17)*

<sup>¹</sup> Тики’ пуд, Иисус Галилея то’ тяха’ хая. Няби  
нюомда Тивериада то үэвы. <sup>²</sup> Хуркари ненадо серо  
Иисус’ хангуртха” сертабавам’ манэсо”махадан-  
до’, үока ненэць’ Пумнанда хаяць. <sup>³</sup> Иисус хой’ ни’  
тана”махаданда, Тохоламбадита ня’ таня’ үамдыд”.  
<sup>⁴</sup> Иудей” хэбидя яля – Пасха хахаялмы. <sup>⁵</sup> Иисус са-  
нюомда үэдараванда сер’ Нянда миндя үока ненэцям’  
манэ”я. Филиппан’ ма: «Сиддо’ үавлава’ е”эмня  
ханяд нянё тэмдангува”?» <sup>⁶</sup> Иисусхав үамгэм’ Харта  
сертавахаданда теневась. Сюри сита хорпа, тарем’  
хонрамбida. <sup>⁷</sup> Филипп Нянда вахалъй”: «Сидя юр”  
динарийхана\* тэмдавы няняхад хусувэмдо’ тянём-  
бовна үавлахарта ни томд”. <sup>⁸</sup> Иисус’ үопой тохо-  
ламбадада – Симон Пётр’ папа, Андрей Иисусан’  
ма: <sup>⁹</sup> «Тюкохона үопой хасава үацекы’ ячменьхад  
сертавы самляңг нянькоцяда, сидя халякоцяда та-  
ня”. Тиқыко”е таңок ненэцие үавла нена” тянё”нё”?»

---

\* <sup>6:7</sup> Рим парајода я’ ненэй еся. Үопой динарий – яля’  
недбя.

<sup>10</sup> Иисус ма: «Ненэця” таня үамдыдамд”». Таняна нув” үока” нэвы”. Ненэця” тикан’ үамдыд”. Тикахана мэни” понгана хасавари самляңг ёнар” нэвы.

<sup>11</sup> Тадтикахад Иисус няньм’ ня”махая, Нумд’ сава вади хэт”махаданда няньм’ үамдёдаха” ми”үада. Халям’ үани’ тарем’ мэда. Үаворман’ харванаха” харвабцондо’ пирувна ми”я. <sup>12</sup> Үаворць ёльце”мяхадандо’, Иисус тохоламбадахата ма: «Хаёда үавар” ма”лэйда”, үамгэхэрт тэри нёя хаю”. <sup>13</sup> Үавар’ хаё”-ми ма”лэйдо’, ячменьхад сертавы самляңг мардавы нянъхад юкад вата сидя пангалмы едм’ терде”.

<sup>14</sup> Иисус’ сертавы тики ненадо серм’ манэ”мандо’ сер’, ненэця” тарем’ ма”: «Пыда ненэсянда я’ тир’ ни’ тованданэ воде”мы – Тики Нум’ Вади Вадета».

<sup>15</sup> Иисусхав хамэдада, пыдо’ ныхыри’ Сита паројодадандо’ сертаван’ харва”. Үадьбята Пыда үани’ үопой ялнда пэхэ” хая.

### *Иисус’ ид’ нимня ядэро”ма*

<sup>16</sup> Нумда пэвсюмзь, Иисус’ тохоламбада” то’ няю’ хая”. <sup>17</sup> Үано’ мю’ тихия, то’ тяхана үэда Капернаум’ нэкалүадо’. Нумда пэвсюмб” үод”, Иисус няндо’ тамна ни ту”. <sup>18</sup> Мерцяда сахама, ита манзада. <sup>19</sup> Пыдо’ мат’, самляңг’ мян’ километр’ пирувна үанута”, та’ ёльцыңгана ид’ нимня миндям’ – үаномдо’ хахаялтембада Иисусм’ манэць сейдо’ хая”. <sup>20</sup> Пыдахавада няндо’ вахальй”: «Манней! Сейда” нёя пин”». <sup>21</sup> Пыдо’ үанондо’ мю’ тибтеван’ харвадонзь. Лакри’ үанодо’ мале минханда яндо’ варан’ тэввү”.

### *Илам' тамбада Нянь – Иисус*

<sup>22</sup> Тад нябимдей яляхана то' няби вархана нувы" не-нэця" ќопойри ќано' хавна ќани ќаном' манэ"мэдо' яңгу. Щано' мю' Иисус тохоламбадаха"ната ниць ти". Тохоламбадида харто' ќанута хаяць. <sup>23</sup> Тивериадахад ќани" ќано" тоць. Нум' Ерв' тики я' хэвхана Нумд' сава вадесо"махаданда, ненэця" нянё ќавормыць. <sup>24</sup> Ненэця" Иисусм' тохоламбадита ня' таняна нидо' ху". Пыдо' ќану" мю' тияд", Капернауман' Иисусм' пюрць нэкалңадо'. <sup>25</sup> Няби то' вархана Иисусм' хо"махадандо', хонрамба пядо': «Равви, Пыдар сяха' тюкон' тэвын?» <sup>26</sup> Иисус няндо' ма: «Ненэся, ненэся нянда" мадм', пы-дара" ненадо серо манэ"манда" нид Си"ми вунида" пюр", нянё ќаво"махаданда" малеванда" нид Си"ми пюрјада". <sup>27</sup> Тиманда ќавар' е"эмня нига" манзара", та' екававна малсяда илам' минрена ќавар' е"эмня манзара". Ненэця" Нюңэ вадета тики ќаварм' нянда" тата. Нум' Нися тики' е"эмня Нянда Пидте"мямда ќабтась». <sup>28</sup> Тадтикахад ненэця" Иисусм' хонра": «Нум' сяканा сава серм' сертавана" е"эмня ханзер" ќэб"на" тара?» <sup>29</sup> Иисус няндо' ма: «Пыда Щэдаравэхэнда пунрёбта", тикахана Нум' сяканा сава серм' сертабида"». <sup>30</sup> Ненэця" тиканда Нянда ма": «Нянд пунравана" е"эмня, ќам-гэ ненадо серм' манэ"лабтаңгун? Щамгэм' сертаңгун? <sup>31</sup> Нисянана" вәнго яхана маннам'\* ќаворңаць. Тики'

---

\* 6:31 Израиль' тер" вәнго явна ёндормандо' мальңгана, Нум' няндо' щэдаравы мутра ќавар.

нямна Хэбидя Падаркана тарем' пады: «Пыда няндо' ювараңэ нумгад юэда няньм' ми"на»\*\*. <sup>32</sup> Иисус няндо' маси": «Ненэся, ненэся нянда" мадм', Моисей нумгад юэда няньм' нянда" нись та", Нисями нумгад юэда ненэся няньм' нянда" тамби. <sup>33</sup> Нум' тамбада нянхав – нув' няд ха"морта, я' тирк" илам' мипи». <sup>34</sup> Пыдо' Нянда ма": «Нум' Ервава", хусувэхэ"на тарця няньдава" мипю"». <sup>35</sup> Иисусхав няндо' ма"нив": «Манъзяван ила' нянядм! Няни турта ни юрцяңгу". Тад юани' Няни пунрёда сяхангарт' ит' харвабцода яңугуда. <sup>36</sup> Мань нянда" маңгава мадамзи", Си"ми манэкава манэ"ңадаци", хуркавна юд" Няни нида"нё" пунрю". <sup>37</sup> Нисяни Няни тамбада хусувэй ненэць' Няни тута, Няни турти" ханяңэхэртамдо' Мань нидм' питарт". <sup>38</sup> Хар"н Ини сер' юэвани е"эмня Мань нув' няд вунисядм' ха"ам". Си"ми Ңэдаравэни ватом' серставанзы тодамзь. <sup>39</sup> Си"ми Ңэдаравэни ватода тарця: Тавэхэданда Мань юамгэхэртм' ёпа"ни ни тара", пудана яляхана Мань мал' яңор' илебтеб"ни тара. <sup>40</sup> Нисяни вато тарця: хусувэй хибя Нюмда мание Нянда пунрёда, малсяда илам' ня"маңгу. Пудана яляхана Мань сита яңор' илебтенгудм'». <sup>41</sup> Иисус' тарця вади хэт"махад: «Мань нумгад ха"амвы нянядм», иудей" помнандо' Пыда нямнанда лаханорць пэяд". <sup>42</sup> Пыдо' ма": «Тюкохова Иосиф' хасава ню – Иисуснё", Небяхаюда-Нисяхаюда маня" теневаңахаюна"нё". Пыда ханзер" тарем' лахана: «Мань нумгад ха"мыдамзь?» <sup>43</sup> Иисус няндо' вахалъй": «Помнанда" хараси" нёда"

---

\*\* 6:31 Египетхад хэ"мя 16:4, 15.

лаханор”. <sup>44</sup> Си”ми юэдаравэни – Нисяни хахаялтева’ хавна, Няни хибяхарт тось нида пирас”. Няни тонахавм’ Мань пудана яляхана илебтенгув. <sup>45</sup> Нум’ Вади вадети” падарка”на тарем’ падыси”: «Пыдо’ сиддо’ мал’ Нум’ тохолаңгу». Хусувэй хибя Нисями намдорта, Няданда тохолковы Няни турна. <sup>46</sup> Нумгад юэда Ненэця’ хавна хибяхарт Нисям’\* нивэда манэс”. Пыдарида Нисям’\* манэ”мэда. <sup>47</sup> Ненэся, ненэся нянда” мадм’, Няни пунрёдахана малсяда ил’ таня. <sup>48</sup> Мань ила’ нянядм’. <sup>49</sup> Нисянада” вэнгэ яхана маннам’ ювормы” юэбо’ ю”, хуркавна ю”, пыдо’ хаць. <sup>50</sup> Тики няньхав нумгад ха”-морта нянь. Тики нянё ювортаги хангугу”. <sup>51</sup> Тики иления няньхав нумгад ха”амвы Мань юэ”нидам’. Хусувэй хибя тики няньм’ ювортаги иланда малсяңгу. Нянда” мипада Няньми – Мань Пыхыдами! Тики нянь хусувэй я’ тер’ илева’ е”эмня юадьбя”ни мипадами». <sup>52</sup> Тики Вадита пуд, иудей” помнандо’ няхато’ пэйтэйд”, тарем’ лаханорна”: «Пыда ханзер” Харта Пыхыдамда няна” юамзь тась пир”юада?» <sup>53</sup> Тики вадахато’ Иисус тарем’ ма: «Ненэся, ненэся нянда” мадм’, Ненэця’ Нюңэ вадета’ Пыхыдм’ нибта” юав”, Вэямда нибта” юэр”, нянданда” ил’ яңгу. <sup>54</sup> Мань Пыхыдами ювортахана, Мань Вэями юэрпадахана малсяда ил’ таня. Тикым’ пудана яляхана Мань илебтенгув. <sup>55</sup> Мань Пыхыдами ненэся юавар, Мань Вэями ненэся юэрпада юамгэ. <sup>56</sup> Мань Пыхыдами ювортаги, Мань Вэями юэрпада Мюняни мэ, Мань ю” нянданда мэдм’. <sup>57</sup> Ханзер” иленя Нисями

---

\* <sup>6:46</sup> Нум’ Нисям’.

Си”ми ңэдарааса, ханзер” Мань Нисяхадани иледм’, тарем’ Си”ми ңавараң мэта Нядни илеңгу. <sup>58</sup>Тюку нянь нумгад ха”мыць, Нисяната” ңавормы’ то”лаха ни ңа”. Тикым’ ңаворпато’ ңод”, пыдо’ хуркавна ңо” хаць. Тюку няным’ ңавортыхав ңоб’ илеңгү». <sup>59</sup>Тики вадида Иисус Капернаумхана ңэда ма”люңгалава мякана, ненэзие тохоламбаванда сер’ ваде”ядась.

### *Малсяда ила’ вада”*

<sup>60</sup>Тарця вади намда, Тохоламбадита ңокаюм’ пелядо’ тарем’ лаханаць: «Тики вадета Вадида намдорма’ то”лаха ни” ңа”. Теда’ хибя тики Вадахата инзеленгү?» <sup>61</sup>Иисусхав нибта ңо” намдор”, тохоламбадита ңамгэм’ ваде”мэхэт теневась. Пыда няндо’ тарем’ ма: «Сёнзяхата” вэваковна тэвыид”? <sup>62</sup>Ненэця’ Нюнжэ вадетам’ ңахат мэ”маханда тананаңэ манэпата”, тикахана ханзер” ңэнгуда”? <sup>63</sup>Илам’ тамбада, тики Инд” ңэ”нив’. Пыхыдахав ңамгэхэрт ни ңа”. Нянда” хэтвы Вадини Инд” ңэ”нив’, ил’ ңэ”нив’. <sup>64</sup>Набца-кавата поңгананда” ниня пунрёдида” таня”». Иисус ңули” нюрте”эхэд хибя Нянда ниня пунрёдахад, Сита хусаравандахад теневась. <sup>65</sup>Иисус ма: «Надьбя”ни Мань нянда” тарем’ мадамзь: Нисянни тарем’ табековдавэй’ хибяхарт Няни тось нида пирас”». <sup>66</sup>Тики’ пуд Тохоламбадита поңгад ңокаюм’ пелядо’ Сита хae”, сян’ Нянанда ни” ядэр”. <sup>67</sup>Иисус юкаад вата сидямда хонра: «Пыдара” ңани’ хэван’ нида” харва”?» <sup>68</sup>Симон Пётр вахалъй”: «Нум’ Ервава”, маня” хибян’ хандава”? Малсяда ила’ вада” Пыдар нянанд

на”нё”. <sup>69</sup> Маня” Пыдар Хэбидя үэваханд, Нумгад товахаданд\* пунрэйна”, хамэдава”». <sup>70</sup> Иисус няндо’ ма: «Юкад вата сидяңэ мал’ Мань сидда” нисядам’ тэра”? Хуркавна յо” үопойра” յа». <sup>71</sup> Пыда Кариот’ тер Симон’ хасава ню – Иуда’ нямна лаханась. Иуда юкад вата сидяхад үопойдонзь, пыда Иисусм’ хусарованзь хамекусь.

### 7-й пеляда

#### *Иисус’ харта хасава нита Нянда нива пунрё”ма*

<sup>1</sup> Тад пуна Иисус Галилея явна ядэрјась. Иудея яхана иудей” Сита хадаван’ харваць, үадьбята Пыда танымна ядэрман’ нись харва”. <sup>2</sup> Иудей” Үум’ Мя” хэбидя яля\* хахаялмась. <sup>3</sup> Иисус’ хасава нида Нянда ма”: «Тюкоход хэбат тара, Иудея ян’ хэбат сава. Таняна тохоламбадид сертабада серод манэт”ни”им’. <sup>4</sup>Хусувэй ненэць’ харта пыхыдамда манэ”лабтава’ е”эмня сертабадида ниданё” такалпю”. Тарця серо сертабадаңэ, я’ тир’ ненэцяңг” Пыхыдамд манэ”лабтамбадава».

---

\* <sup>6:69</sup> Ханяңы үудахана падвы падарка”на тарем’ пады: «Маня” Пыдар Христос үэваханд, Нум’ Ню үэваханд».

\* <sup>7:2</sup> Тики хэбидя яляха”на еврей” харто’ мято’ хаехэя, мято’ хэвхана пя’ таркахат үум’ мятамдо’ мярасеты”. Хэбидя ялэ” си”ив яля’ ямбан’ үаха”на Египетхад тарп”-махадандо’ вэнго яхана ханзер” иле”мямдо’ тензибтехэя тики үум’ мяка”нато’ илесеты”.

<sup>5</sup>Харта хасава нихиртада Нянда ниць пунрю”. <sup>6</sup>Иисус няндо’ тарем’ ма: «Маньзяв Ёльцями тамна товдавэй. Пыдахавара” юб’ ёльцяра” таня. <sup>7</sup>Пыдара” сидда” я’ тир’ ненэця” волтамба ни” пирас”. Маньзяв Си”-ми, серото’ вэнзу” юэвам’ Ваде”мани нид, сэхэда”. <sup>8</sup>Пыдара” хэбидя ялян’ хаяда”. Маньзяв тюку хэбидя ялян’ нидм’ тут”, Ёльцями тамна товдавэй». <sup>9</sup>Тики Вадида хэт”махаданда Галилеяхана хай.

### *Иисус’ хэбидя ялян’ хэ”мя*

<sup>10</sup>Хасев” нита хэбидя ялян’ хэ”мяхад, Иисус хуркавна ю” талерка хэбидя ялям’ манэ”манзь хая. <sup>11</sup>Иудей”, хэбидя яляхана, Иисусм’ пюрна”, тарем’ хонарку”: «Пыда ханяна мэ?» <sup>12</sup>Ненэцие” помна Пыда нямнанда юэда хуркари” лахарё” ядэрна”. Ханяңы” ненэця” тарем’ лахана”: «Пыда сава ненэць». Ханяңыдо’ тарем’ лаханорна”: «Нијо”, ненэцие хараси” сиякаха” тэво”ла». <sup>13</sup>Иудейха” сейто’ пинава’ нид, хибяхарт юркавна Нямнанда нись лахан”. <sup>14</sup>Хэбидя яля’ няби пеляхана Иисус Хэбидя Хардавна юадимя, ненэцие тохоламба пя. <sup>15</sup>Иудей” тэри пысанга”, ма”: «Тохолко”мада яңгуси”, ханяд Хэбидя Падарм”\* теневада?» <sup>16</sup>Тики вадахато’ Иисус тарем’ вахалъй”: «Тохолир”ми Нядни ни ю”, Си”ми Ҥэдаравэхэдни юа. <sup>17</sup>Нум’ вато’ сер’ юэван’ харванахав Мань тохолир”ми Нумгад юэвамда, юули” юэбта, Мань хар”н нядни юэда вади юэвам’ хамэдангуда. <sup>18</sup>Харта няданда

---

\* <sup>7:15</sup> Тид” тарем’ пады: «падарм’».

лахананахав харта юндамда пюрја. Сита Ҥэдаравы’ юнм’ пюртахав ненэся, сиякада яңгу. <sup>19</sup>Нянда” Моисей Ватом’ нися та”? Хуркавна յо” хибяхартара” тики Вато’ сер’ ниню” иле”. Ҥамгэ Си”ми хадаван’ харвада”?» <sup>20</sup>Ненэця” Нянда ма”: «Нянанд үүлека ни мы”? Хибя Сит хадаван’ харва?» <sup>21</sup>Иисус тики вадахато’ тарем’ ма: «Ҥопой сертавы Серкадани пыдара” мал’ пысангада”нё”. <sup>22</sup>Моисей нянда” матнава мэсүдм’\* тась (ҹабџакаванда тики мэсы” Моисей-хартахад ни ҹа”. Нисянато’ нися-нисяхат ҹа), пыдахавара” еврей” ныланава яляхартахана матнада”нё”. <sup>23</sup>Пыдара” Моисей’ Ватом’ мадавонгаданда” еврей” ныланава яляхана ненэця”мана матнада”нё”. Ҥамгэ еврей” ныланава яляхана хәңгүртам’ ҹарханда савумдавани е”эмня Мань няни я”авлыда”? <sup>24</sup>Тю”-уримна ҹавори’ нямна суденго ҥэвадэйда”, тадхав ненэся судвана суденго пэйда”».

### *Иисус – Христосхарт үэбтав’?*

<sup>25</sup>Ханяңы” Иерусалим’ тер” тарем’ ма”: «Тики хадаван’ харванадо’ ни ҹа”? <sup>26</sup>Ти, Пыда тид” лахана. Пыдо’ ҥамгэхэртм’ Нянда ни” хэтыбю”. Сита ерв” ненэся Христосңэ таславэкы”? <sup>27</sup>Пыда ханяд ҥэваханда маня” теневава”нё”. Христос’ тоб”нанда, ханяд Товахаданда хибяхарт ехэрәнгү». <sup>28</sup>Иисус, Хэбидя

---

\* <sup>7:22</sup>Еврей” тарця мэсүто’ танявы: ҹаябэй хасава ҹацекы’ соя”махаданда, сидндетимдей яляхана лэ”морта мал’ ниня ҥэда хобам’ мадабавэдо’.

Хардахана ненэцие тохоламбаванда сер’, юркавна тарем’ лахана: «Си”ми теневавэда”нё”, ханяд Товахадани теневавэда”нё”. Йабцакаванда Мань Хар”н ини сер’ товэдм’ нидм’ юа”, Си”ми Йэдаравэми ненэся. Пыдахавара” Сита ехэрода”.<sup>29</sup> Маньзяв ханяв тенев”, Мань Няданда юэ”nidam”, Пыда Си”ми юэдарась». <sup>30</sup> Тиканда ненэця” Иисусм’ ня”маван’ харвадонзь, юпой, юбкартадо’ юудамда Нянда ила я”мась. Тад ю” юэсь ю” Ёльцянда тамна товдавэйсь. <sup>31</sup> Ненэцие” мандалкад юокаюм’ пелядо’ Нянда пунрэйдаць. Пыдо’ тарем’ лаханаць: «Христос’ тоб”нанда, тюку ненэця” сертавы серкад тамна юка ненадо серо сертаңгудакы?» <sup>32</sup> Иисус’ нямна юэда ненэцие” лахарё” фарисей” хаха” тэвыид”. Йарка” ханондана”, Фарисей” Иисусм’ ня”маванзь манзаранидо’ юэдара”. <sup>33</sup> Иисус няндо’ тарем’ ма: «Нянанда” Мэвани ёльць тянёмя. Тадри’ Си”ми Йэдаравэхэни хандадм’. <sup>34</sup> Си”ми иб” пюрг”нанда”, Си”ми нида” хонгу”. Мэсь Яхани тось нира” пират”». <sup>35</sup> Тадтикахад иудей” помнандо’ тарем’ ма”: «Пыда ханя” хэванзь пэрпата? Маня” Сита ховоңгадна” тарем’ лахананакы? Еллин\* ненэцие” поңгана иленя няха”на” ханданакы? Еллин ненэцие тохоламбаңгудакы? <sup>36</sup> Пыда тарем’ лаханабта: «Си”ми пюрг”нанда”, Си”ми нида” хонгу”. Мэсь Яхани тось нира” пират”», тики Вадида ханзер” хамэдаб” сава”?»

---

\* 7:35 Иудейхад янгня ненэцие” тэнз”, грек’ вадавна лаханана”, поңганандо’ грек” таня”.

### *Илена и” – Иисус*

<sup>37</sup>Хэбидя яля’ пудана яляхана – сямян џарка яляхана, Иисус нулкая, џарка”явана вахальй”: «Хибя идарман’ харва, Няни тоя, идарңая! <sup>38</sup>Хэбидя Падаркана падвы вади” сер’, Няни пунрёда сёнзяхаданда илена ид’ яха” хурнаңгу”». <sup>39</sup>Иисус Нянда пунравы” ненэцие” Хэбидя Индадм’ ня”мава’ нямна лаханась. Иисус’ юн тамна џармадавэйсь, џадьбята Хэбидя Инд” ненэцяңг” ниць тэв”.

### *Иисус’ нямна тасалкурма*

<sup>40</sup>Ненэцие” мандал’ поңгана мэни” ханяңыдо’ Иисус’ вади намда, тарем’ ма”: «Пыда ненэсиятики Нум’ Вади вадета!»\* <sup>41</sup>Ханяңэхэв” тамна тарем’ лахана”: «Тюкохов Христос!» Тамна џани ханяңэхэв” тарем’ лаханорңа”: «Галилея яхавахад Христос тось пиртада? <sup>42</sup>Хэбидя Падаркана тарем’ нися паду”? : «Христосхав Давид’ паңгхад ни үэңгү”? Вифлеем хардахад – Давид’ иле мэ”мы яхад ни тут”?»\* <sup>43</sup>Та’ ёльцыңана ненэцие” мандал” Иисус’ нямна тасалкодахандо’ вадидо’ тодо’ я”мана хая”. <sup>44</sup>Ханяңы” ненэцяңгав” Сита ня”маван’ харва”, յопой, յобкартадо’ Нянда җудамда ила я”ма.

---

\* <sup>7:40</sup> Ин 1:21.

\* <sup>7:42</sup> Нябимдей паражоди” иле”мя 7:12.

### *Иудей” ерво” нива пунрёва*

<sup>45</sup> Манзарапидо’ юарка ханонданаха”, фарисейха” то”махадандо’, няби” сиддо’ хонрамба пя”: «Намгэ нира” тэвра”?» <sup>46</sup> Манзарапидо’ ма”: «Тики Ненэця” тотрев’ хуна сяхангарт’ юбкарт хибяхарт тарем’ нись лахан”». <sup>47</sup> Фарисей” няндо’ тарем’ ма”: «Пыдахартара” юани’ нельтерейда”? <sup>48</sup> Ненэцие” юарктахат, фарисейхат Нянда пунрана таня? <sup>49</sup> Тики ненэцие” мандалкав” юамгэхэртм’ Ватохона ни” хамэдамбю”, пыдо’ мэтравы”? <sup>50</sup> Фарисей” понгана Никодимам’ нюбета ненэць’ танявы, пыда юахат Иисусан’ ханцеты. Пыда фарисейха” тарем’ ма: <sup>51</sup> «Ненэцям’ тасалковдавэй”, Ватохонана” судеба серо”юа? Нирте”э”, няданда вадида намд”махад, юамгэм’ серта”мамда тасла ни тара”?» <sup>52</sup> Пыдо’ нянда ма”: «Пыдар юани’ Галилеяхад нин юа”? Хэбидя Падарм’ сомбовна манэт, тикахана манэтар, Нум’ Вади вадета Галилеяхад ни тут”?» <sup>53</sup> Тики вади” пуд мал’ мядо”манато’ хая”.

### **8-й пеляда**

#### *Саена не*

<sup>1</sup>Иисусхав Елеон хоян’ хая. <sup>2</sup>Нодь’ ялэмгава, Иисус юани’ Хэбидя Хардан’ то. Хэвханда ненэця” мал’ ма”-лыд”. Тиканда юамдахая, тохоламба пяйда. <sup>3</sup>Моисей” Ватом’ теневана”, фарисей” юб” нем’ тэвра”. Тики нем’ юани несэй хасавахана хонёдаханда ня”мавэдо’. Тики нем’ ненэцие” сяк” нултадо’, <sup>4</sup>Иисусан’ тарем’ ма”: «Сидна” тохоламбадава”, тюку нем’ юани несэй

хасавахана хонёдаханда ня”мава”.<sup>5</sup> Моисейхав Вато-хонанда тики’ то”лаха не манябэхэна ладорпа сидна” табэдась. Пыдар ха”мандан?»\*<sup>6</sup> Пыдо’ сюри тарем’ Нянда лаханавы”. Хэтувнда Вадахананда Сита вом-дартаван’ харвавы”. Иисус таси’ нибклэй”, ңуданда таркахана явна ңамгэхэвм’ падыба пя. <sup>7</sup>Пыдахавадо’ тамна Сита хонрамби”. Тадтикахад Пыда нуло”ма-хаданда вахалъй”: «Ханяңэра” хэбяхаси”, тикара” нерде нен’ манябэм’ моя». <sup>8</sup>Иисус ңани’ таси’ нибклэй”, явна падна пэй”. <sup>9</sup>Тарця вади намда, ненэця” ңоб”лад’ тодо’ яха” хая”, сямянхат ңаркыдо’ нито’ нерня’ хая”. Та’ ёльцыңгана Иисус не’ ня’ харти’ хайхи’. Нехэв нер” ханяна нуса, тикахана тамна ну. <sup>10</sup>Иисус нулъй”, [не’ хавна хибяхартм’ нись мание”],\* нен’ вахалъй”: «Неңэй,nid ханяна хая”? Хибяхарт сит ни вомдарта”?» <sup>11</sup>Не ма: «Мань Ервав, хибяхарт си”ми ни вомдарта?». Иисус нянда ма: «Мань յо” сит ңани’nid’ вомдартамбю”. Мяканд хань”, тад нерня’ ңани’ сяхангарт’ нён хэбяхамдю”».

### *Иисус – я’ тир’ яля*

<sup>12</sup>Иисус ңани’ ненэцяңг” вахалъй”: «Мань я’ тир’ ялядм’! Пумнани ялтахав сяхангарт’ пэвдявна ни ядэрт”, ила’ яля нянанда ңэңгу». <sup>13</sup>Тиканда фарисей” Нянда ма”: «Пыдар Харт Пыхыдамд ваде”ңан. Пы-дар ваде”мыд ненэся” вуни” ңа”». <sup>14</sup>Иисус няндо’ ма:

---

\* 8:5 Левит 20:10.

\* 8:10 Ханяңы ңудахана падвы падарка”на пады.

«Хар”н Пыхыданы нямна лаханаб”ни юд”, Лахана”-мини ненэся”. Тад ю” юэсь ю” ханяд то”махадани, ханя’ хэвахадани теневадм’, пыдахавара” Мань ханяд то”махадани, ханя’ хэвахадани ехэрода”. <sup>15</sup> Пыда-ра” хибярим’ я’ тир’ судебава’ пирувна\* судебира”. Маньзяв хибяхартм’ нидм’ судебю”. <sup>16</sup> Судеб”ни юд”, Мань судми ненэся, тад ю” Мань юпойдм’ нидм’ юа”. Нянани Си”ми юэдаравы Нисями мэ. <sup>17</sup> Пыдара” Ватохонанда” тарем’ падынё”: «Сидя сырмэхэ’ вадити’ юбт’ ха”морпрато”, пыди’ вадиди’ ныхы”юа”». <sup>18</sup> Мань Хар”н нямнани лаханадм’, тикахад Мань нямнани Си”ми юэдаравы Нисями лахана». <sup>19</sup> Тиканда пыдо” Иисусан’ ма”: «Пыдар Нисяр ханяна мэ?» Тики вадахато’ Иисус ма: «Пыдара” Си”ми ехэрода”, Нисями юани’ ехэрара”. Тиканда Си”ми теневавы” юэб”нанда”, Нисями юани’ теневангуралаць». <sup>20</sup> Тики Вадида, Хэбидя Харад’ мюня ненээции тохоламбаванда ёльцы-югана, есь” ларас’ хэвхана хэтыдась. Сита хибяхарт ни ня”ам”, тад ю” Ёльцианда тэувувдавэйсь.

### *Хэсь Яхани тось нира” пирас”*

<sup>21</sup> Иисус юани’ няндо’ ма: «Мань хандадм’, Си”ми пүртада”, хуркавна юд” хэбяхахаданда” хангуда”. Мань хэсь яхани тось нира” пирас”». <sup>22</sup> Иудей” Вадахата тарем’ ма”: «Ненэся Харта Пыхыдамда маядаванзы пэртакы? Тарем’ манё”: «Мань хэсь яхани

---

\* <sup>8:15</sup> Тид” тарем’ пады: «пыхыдавнанда”».

\* <sup>8:17</sup> Нябимдей Нум’ Вато 19:15, 17:6.

тось нира” пирас”». <sup>23</sup> Иисус няндо’ ма: «Пыдара” тасид юада”, Маньзяв тю”уд юадм’. Пыдара” тюку я’ тиркад юада”, Маньзяв тюку я’ тиркад нидм’ юа”. <sup>24</sup> Мань нянда” тарем’ мадамзы: «Пыдара” хэбяхахата” хангуда”. Хибя Ңэвахани ниб”нанда” пунрю”, пыдара” хэбяхасавэйңэ хангуда”». <sup>25</sup> Тадтикахад Си-та хонра”: «Тиканда, Пыдар хибян?» Иисус няндо’ ма: «Сямян нюрте”эхэд Хибя Ңэвани нямна нянда” лахан”нидам’. <sup>26</sup> Пыдара” нямнанда” Ваде”манда-ми юока”, Судевандами юока”. Си”ми Ңэдаравэми ненэся. Няданда намдыны и тир’ терха” ваде”ян». <sup>27</sup> Пыдо’ Иисус’ Нисянда нямна лаханавам’ нидо’ хамэда”. <sup>28</sup> Тиканда Иисус няндо’ ма: «Ненэця’ Нюңэ вадетам’ сяха’ тю”у” илангура”, пыдара” тикирихина Тики Мань ңэвами хамэдангура”. Мань Хар”н нядни յамгэхэртм’ нидм’ сертабю”. Нисями յамгэн’ Си”ми тохоласа, Мань тикири ваде”юадм’. Тикым’ юани’ хамэдангура”. <sup>29</sup> Си”ми Ңэдаравы Нянани мэ, юпойңэ Си”ми нись хае”. Тад юо” Сёнзяхананда յамгэ пои, Мань тиким’ юоб’ сертабив». <sup>30</sup> Тики Вадида хэт”махаданда юока иудей Нянда пунрэйдаць.

### *Ненэся сидда” үэдаңгу*

<sup>31</sup> Нянда пунравы иудейха” Иисус тарем’ ма: «Пыдара” Мань вади”ни сер’ юб’ юэбта”, тикахана не-нэся Мань тохоламбадини. <sup>32</sup> Тадтикахад ненэсям’ хамэдангура”, ненэся сидда” юэдангу”. <sup>33</sup> Пыдо’ Нянда ма”: «Маня” Авраамхад перенава”, хуна сяхангарт’ хибяхарт’ хабива” ниваць юа”. Пыдар ханзер” тарем’

лаханан: «Пыдара” үэдавы үэнгуда”?»<sup>34</sup> Иисус няндо’ ма: «Ненэся, ненэся нянда” мадм’, хибяри-хибя хэбяхам’ сертабада — хэбяха’ хаби. <sup>35</sup> Хаби пили” мякананда ни хаёд”, хасава нюхув пили” мякананда хаёда. <sup>36</sup> Тадхав Хасава Ню сидда” үэдабата, тикахана ненэсявна үэдавы үэнгуда”. <sup>37</sup> Авраамхад переня” үэвахаданда” Мань теневадм’. Тарем’ үод” Вадини сёнзянда” мю’ пэмбаван’ нида” харва”. Үадьбята” Си”ми хадаван’ харвада”. <sup>38</sup> Маньзяв нянда” Нисяхадани манэ”мыни вадес”нидам’, пыдахавара” харта” нисяхаданда” намдавыда”\* сертабида”».

### *Ня’ ню”*

<sup>39</sup> Пыдо’ Иисусан’ ма”: «Маня” нисява” — Авраам». Иисус тики вадахато’ тарем’ ма: «Ненэся Авраам’ ню” ню” үэвы үэбта”, пыдара” Авраам’ серо сертабаңгудаць. <sup>40</sup> Тедахав’ Нумгад намдавы ненэсям’ нянда” хэтвэнүэ, Си”ми хадаван’ харвада”нё”, Авраамхав тарця нись үа”. <sup>41</sup> Харта” нисяра” ханзер” үэса, пыдара” тарем’ үада”нё”. Тики Вадахата пыдо’ тарем’ ма”: «Маня” тэри ховы нюва” нива” үа! Маня” үопой Нисява”, Пыда Нум’». <sup>42</sup> Иисус няндо’ ма: «Пыдара” Нисяра” Нум’ үэвы үэбта, пыдара” Си”ми мэненгугацаць. Тад үо” үэсь үо” Мань Нумгад тодамзь, теда’ Мань тюкохона мэдм’. Хар”н ини сер’ нидамзь ту”, Пыда Си”ми үэдараась. <sup>43</sup> Пыдара” хэтыбада Вадини

---

\* 8:38 Ханяңы үудахана падвы падарка”на тарем’ пады: «манэ”мыда”».

њамгэ нида” хамэдамбю”? Ҙабцата” пыдара” Вадини намда нида” пирас”. <sup>44</sup> Пыдара” юхад юда”, пыдара” нисяра” – юа. Пыдара” нисянда” харвабцу сертаван’ харвада”. Нюрте” эхэд пыда хавыдик юэвы, ненэсям’ няд”мяць нидаась пирас”, Ҙабцата пыда нянанда ненэся яңгу. Сиякавна лаханабта пыда явнанда пэрҗада, Ҙабцата пыда юарханда сияк. Сияк’ нися – пыда ти. <sup>45</sup> Мань ненэсям’ хэтыбидм’, юадьбята” пыдара” Няни нида” пунрю”. <sup>46</sup> Ханяյэра” теда’ Си”ми хэбяхам’ сертанаңэ манэць пирта? Ненэсям’ хэтыбаб”нани юамгэ Няни нида” пунрю”? <sup>47</sup> Нумгад юэдахав Нум’ вадаха” инзеле. Пыдахавара” Нумгад нида” юа”, юадьбята” Нум’ вадаха” нида” инзеле”».

### *Авраам’ перня Мань танядамзъ*

<sup>48</sup> Иудей” Иисусан’ ма”: «Пыдар Сит Самария я’ тернэ вадепа”на”, тадтикахад Нянанд юлека мэвам’ вадепа”на”, ненэсивна нива” лахан”?» <sup>49</sup> Иисус няндо’ ма: «Мань нянани юлека яңгу. Мань Хар”н Нисями юарк”юадм’, пыдахавара” Си”ми сяцялмдембida”. <sup>50</sup> Мань Юндами ниdm’ пюр”. Тикым’ Пюрта таня, Пыда Суденгода. <sup>51</sup> Ненэся, ненэся нянда” мадм’, Мань вадини нёракута сяхангарт’ ни хаңгу”\*\*». <sup>52</sup> Иудей” Нянда ма”: «Тедахав’ маня” таслава”, юлека Нянанд мэ. Авраам хась, Нум’ Вади вадета” юани’ хаць. Пыдар тарем’ лаханананё”: «Мань вадини нёракута сяхангарт’ ни хаңгу”». <sup>53</sup> Тиканда Авраам

---

\* <sup>8:51</sup> Тид” тарем’ пады: «сяхангарт’ хавам’ нида манэт”».

нисяхадана” Пыхыдамд յаркаңэ тосар? Авраам хась, Нум’ Вади вадета” յани’ хаць. Хибяңэ Пыхыдамд толабир?»<sup>54</sup> Тики вадахато’ Иисус тарем’ ма: «Хар”н юнами յармдамбавы үэб”нани, тиканда Мань юнами тароси. Пыдара” Нумданда” вадетара” – Нисями, Мань юнами յармдамбida. <sup>55</sup> Пыдара” Сита ехэрада”, Манъязв теневав. Мамб”нани *«Ехэрэв»*, тикахана сидта” тотрев’ сиякадм’ үэңгудм’. Үабцани Сита теневадм’, Ваданда сер’ үадм’. <sup>56</sup> Авраам нисяра” Мань ялями манэ”манданда няю’ маймбись. Хуркавна үод”, тики ялям’ манэ”үада, тадтикахад май”». <sup>57</sup> Тики Вадахата иудей” тарем’ ма”: «Самляңг ю” похортар яңгунё”, тарем’ үо” Авраамам’ манэцан?» <sup>58</sup> Иисус няндо’ ма: «Ненэся, ненэся нянда” мадм’, Авраам тамна соявдавэй”, Манъязв мале танядамзь, теда’ үо” танядм’». <sup>59</sup> Тиканда, ладормандо’ е”эмня ненэця” манябэ ня”ма”. Иисусхав тэмзы”, Хэбидя Хардахад тарпы”. [Ненэцие” помна хая, тэри нялкар.]\*

### **9-й пеляда**

#### ***Сэвсядаңэ сояым’ савумда”ма***

<sup>1</sup> Иисус миманда сер’, соя”манда мальңгэхэд сэвсядам’ манэ”яа. <sup>2</sup> Тохоламбадида Сита хонра”: «Равви, тюку ненэць’ үамгэ сэвси” соявы? Ханяңэдо’ хэбяхам’ сертавы? Пыда? Үули”, нисяхаюда-небяхаюда үэдакэхэ”?» <sup>3</sup> Иисус ма: «Тарця үэвада тики хасава’ хэбяхахад ни үа”, нисяхаюта-небяхаюта

---

\* <sup>8:59</sup> Ханяңы үудахана падвы падарка”на пады.

хэбяхаад үани’ ни үа”. Нум’ сертабада манзая няннанда үадимя’ е”эмня тарця. <sup>4</sup>Ялянда ныклавдавэй’ Си”ми үэдаравы Нум’ серо сертаб”на” тара. Пинэ хэ”мяхаданда хибяхарт үамгэхэртм’ серта ни пирас”. <sup>5</sup>Я’ тиркана Мэвахани Мань я’ тир’ ялядм’. “Тики Вадида хэт”махаданда ян’ сабци”. Сабцямда я’ сибякохона хулцо”үада, тадтикахад тикахананда сэвсяда сэв масарңа. <sup>7</sup>Тадтикахад Иисус нянда ма: «Силоамам’ нюбета халтаңгось’ ян’ хань”, сэвад халта”. Силоам хамэдита – «Үэдаравы». Тиканда пыда хая, сэвда халта. Таняд сэвсавэйнэ пуня’ то. <sup>8</sup>Төньяны нида, үахат сита үэванаңэ\* манэ”мы” тарем’ лахана”: «Тикава” үахат үамдё мындамда хынумбавы ни үа”?» <sup>9</sup>Ханяңыдо’ тарем’ ма”: «Пыданё”. Үани ханяңыдо’ тарем’ лахана”: «Ниңо”, тэри сита то”лаханё”. Пыда үо” маси”: «Мань үэ”нидам’». <sup>10</sup>Тадтикахад ненэця” сита хонра”: «Ханзер” сэвад сыйыд”?» <sup>11</sup>Пыда няндо’ ма: «Иисусм’ нюбета ненэць’ я’ сибякохона хулцо”мы сабцяхананда сэвни масарңась, тадтикахад няни тарем’ мась: «Силоам халтаңгось’ ян’ хань”, сэвад халта”. Тадтикахад таня’ хаядамзь, сэвни халтадамзь. Тики’ пуд сэвни сыйыд”?». <sup>12</sup>Ненэця” нянда ма”: «Тики ненэць’ ханяна мэ?» Пыда ма: «Ехэрладм’».

---

\* <sup>9:8</sup> Үули” маңгбада, ненэцяңгат үамгэдамда ханана. Ханяңы үудахана падвы падарка”на «сэвсяданэ» пады.

**Фарисей” сэвсяда’ саву”мам’  
хонрамби”**

<sup>13</sup>Тадтикахад ненэця” үахат сэвсявым’ фарисейха” ханадо’. <sup>14</sup>Иисус’ я’ сибякохона хулцо”мы сабцяханда сэвсяда’ сэв сылабта”ма яля, еврей” ныланава яля үэвы. <sup>15</sup>Надьято’ фарисей” сэвсявым’ ханзер” сэвта сылавам’ үани’ хонрамбавы”. Пыда няндо’ ма: «Я’ сибякохона сабцямда хулцосо”мам’ Пыда сэвхани масарнадась, тики’ пуд сэвни халтадамзь, тадтикахад сэвни сылыд”». <sup>16</sup>Фарисей” поңгат ханяңыдо’ тарем’ лахана”: «Тики Ненэць’ Нумгад ни үа”, Пыда еврей” ныланава ялям’ нида нёда”. Ханяңэхэбидо’ тарем’ ма”: «Ханзер” хэбяхасавэй ненэць’ тарця ненадо серо серта пиртыда?» Тадтикахад пыдо’ помнандо’ поёма”. <sup>17</sup>Сэвсявы ненэцям’ үани’ хонрамба пядо’: «Тики Ненэць’ сэвад сылабтаси”, Нямнанда үамгэм’ хэтангун?» Пыда ма: «Тики Ненэць’ Нум’ Вади вадета». <sup>18</sup>Небяхаюда-нисяхаюда хамдавэй’ иудей” үахат сэвсяваханда, тадтикахад савуво”маханда нид” пунра”. <sup>19</sup>Тадтикахад небяхаюда-нисяхаюда хонрамба пя”: «Үыхы соя”махаданда сэвсяданэ вадетари’ пыдари’ нюри”? Теда’ ханзер” пыда сылы”?» <sup>20</sup>Небяхаюда-нисяхаюда няндо’ маңаха’: «Мани’ тенева, тюку мани’ нюми’, пыда сэвсяданэ соясь. <sup>21</sup>Ханзер” теда’ сэвта сыло”махад, хибя сэвда сылабта”махад мани’ ехэрани’. Пыда мале үарка, сита хонрада”, харта нямнанда пыда харта лаханаңгу». <sup>22</sup>Иудейха” сейти’ пинава’ нид небяхаюда-нисяхаюда тарем’

лаханаңаханзь. Иудей” мале помнандо’ тарем’ тасал-курнаңы: «Хибя Иисусм’ Христоснэ вадетада, тики ма”люнгалава мякад питармы ңэңгү». <sup>23</sup> Ңадьбыти’ небяхаюда-нисяхаюда тарем’ лаханавэхэ’: «Пыда мале ңарка, сита хонрада”». <sup>24</sup> Тиканда фарисей” сэвсявы ненэцям’ нябимдей’ няндо’ хангая ма”: «Нувм’ савус”\*, маня” теневава”, Тики Ненэць’ хэбяхасавэй». <sup>25</sup> Сэвсявы няндо’ ма: «Хэбяхасавэй Ңэвахаданда мань ехэрладм’. Ңопой, сэвсявы ңэвахадани, теда’ сырмахадани теневадм’». <sup>26</sup> Тики’ пуд ңани’ хонрамба пядо’: «Ханзер” сит пэрца? Ханзер” сэвад сылабтэйда?”» <sup>27</sup> Пыда няндо’ ма: «Мань нянда” ваде”ңаваси”, пыдара” няни нида”нё” инзеле”. Ңамгэ’ е”эмня ңани’ яңор’ тикым’ намдаван’ харвада”? Пыдара” ңани’ Пыда тохоламбаданда хэван’ харванакэда”?» <sup>28</sup> Пыдахавадо’ сита тэдорпа пя”, тарем’ ма”: «Пыдар харт Пыда тохоламбадада, манъязвана” Моисей’ тохоламбадава”. <sup>29</sup> Маня” тенева, Моисейхана Нум’ лаханакурнаңы. Ңари” Тики Ненэць’ ханяд ңэвахаданда маня” ехэрава”». <sup>30</sup> Сэвда сылавы ненэць’ няндо’ ма: «Тарси” мэкаданё”! Ханяд Ңэвахаданда ехэравэда”нё”. Манъязв сэвни Пыда сылабтэйдась. <sup>31</sup> Маня” тенева, Нум’ хэбяхасавэйха” ни инзеле”. Нувм’ ңарктахаби, Ватонда сер’ ңэдахаби Пыда намдоръяд. <sup>32</sup> Хуна сяхаңгарт’ хибяхарт сэвсяданә соявы’ сэв сылабта”мам’ намд”мада яңгу. <sup>33</sup> Пыда

---

\* <sup>9:24</sup> Ненэсия хамэдита тарци: «Нум’ сяканы ненэсиям’ ваде”манзы ватор”».

Нумгад нивы юэбта ю”, юамгэхэртм’ серта я”маңгусь”. <sup>34</sup> Пыдо’ вадахата тарем’ ма”: «Пыдар хэбяхы” поңгана соянаси”, тамна ю” сидна” тохоламбин?» Тики вадито’ пуд хэвня’ питарнадо’.

### *Индкана сэвсява*

<sup>35</sup> Иисусхав фарисей” сэвсявым’ хэвня’ питар”мам’ намд”махаданда сэвсявым’ хода, нянда ма: «Пыдар Ненэця’ Нюон<sup>\*</sup> пунрын?» <sup>36</sup> Сэвсявы ма: «Ервами, Пыда хибя юэвамда няни хэтад, тиканда мань Нянда пунрангудм’». <sup>37</sup> Иисус нянда ма: «Пыдар Сита ма-нэ”юанаси”. Теда’ Пыда нянанд лаханакурна». <sup>38</sup> Тиканда сэвсявы Нянда ма: «Нум’ Ервами, пунрыдм’!» Тадтикахад Иисусан’ ниблэй”. <sup>39</sup> Иисус ма: «Тюку я’ тир’ ни’ Мань суденгованзь тодамзь, сэвсяда” сылавандо’ е”эмня, сэвсавэй” сэвсялмандо’ е”эмня тодамзь». <sup>40</sup> Иисус’ хэвхана мэвы” ханяңы” фарисей” тики Вадида намдавы”, Нянда ма”: «Маня” юани” сэвсядакэва”?» <sup>41</sup> Иисус няндо’ ма: «Сэвсявы юэвы юэб”нанда”, хэбяхасяյгудаць. Тедахав’ мада”нё”: «Сэвсавэйва”. Тиканда хэбяха нянанда” хаи».

### **10-й пеляда Малкода, ху”**

<sup>1</sup> «Ненэся, ненэся нянда” мадм’, хибяхав хуво” мэсь’ ян’ нё” сивна нибта мятию”, юанинзер’ пакал-

---

\* 9:35 Ханяңы юдахана падвы падарка”на «Нум’ Нюон» пады.

тахав – талей, мартик. <sup>2</sup> Нё’ сивна мятюнахав – хуво” малкода. <sup>3</sup> Нё’ сим’ ерамбада е”эмнянда нё’ сим’ нэмбида. Хухув” муңганда намдорңа”. Пыда юд” хусувэй хумда нюмнанда хангая тарпо”лада. <sup>4</sup> Хувода мал’ пин’ хана”махаданда, харта нерандо’ няна миңа. Хухув”, вабцамда тенева, пумнанда яда”. <sup>5</sup> Ңани несэй ненэця’ пумна сяхангарт’ нид” ялт”. Вабцамда ехравандо’ нид няданда хунангуд”». <sup>6</sup> Иисус тикихара явна ңэда лахарём’ няндо’ ваде”ңада. Тарем’ յо” пыдо’ Ваде”мэхэданда ңамгэхэртм’ ни” хамэда”.

### *Сава малкода – Иисус*

<sup>7</sup> Иисус няндо’ ңани’ вахалъй”: «Ненэся, ненэся нянда” мадм’, Мань хуво” тюңгалавадм’. <sup>8</sup> Нер”ни няна сянри յока турмы” ңэбто’ յо”, пыдо’ мал’ талей”, мартик”. Ху” няндо’ ниць намдор”. <sup>9</sup> Мань – тюңгала-вадм’. Си”ни сер’ мятюна ңэдавы ңэнгү. Пыда мятюңгу, тарпаңгу”, хадырць ядамда хонгуг. <sup>10</sup> Талейхав талэрманда е”ливна, хавыдаванда е”ливна, яңгумдаванда е”ливна нив’ тур”. Маньзяв иландо’ танява’ е”эмня, иламдо’ панаць ня”мава’ е”эмня тодамзь. <sup>11</sup> Мань сава малкодадм’. Сава малкода хувота ила’ е”эмня иламда миңе хамэды. <sup>12</sup> Недва”лембадахав малкода вуни ңа”. Ху” пыда ңавэда вуни” ңа”. Ңадьбята пивна ядэртам’ манэпата, хуво хае хунаңгу”. Тиканда пивна ядэрта хуво пябта, тодо’ яха” лядтыда. <sup>13</sup> Недва”лембадахав хуво” нямна серта яңгу. Недва”лембада ңэванда нид хунаңгу”ни”им’. <sup>14</sup> Мань сава малкодадм’. Мань хар”н ңавэни теневын, пыдо’ յо” ңобтарем’ Си”ми тенева”.

<sup>15</sup>Ханзер” Нисями Си”ми тенева, Мань тарем’ Нисяв теневав. Хар”н илми хуво”ни е”эмня митав. <sup>16</sup>Тюку хуво” мэсь’ яхад ниня юэда юани” Хувони таня”. Сиддо’ юани’ Няни тэвраб”ни тара. Пыдо’ Вабцами намдаңгудо’, тадтикахад юпой юсынүэ ханда”, юпой Малкодадо’ юэнгу. <sup>17</sup>Илми яңор’ пуня’ ня”мавани е”эмня Илми мипидм’, тики’ е”эмня Нисями Си”ми мэне. <sup>18</sup>Хибяхарт Илми Нядни нида март”, юпой, Мань Хар”н мипив. Илми миць, илми пуня’ ня”-ма Ныхыми таня. Тики табеком’ Мань Нисяходани ня”мавась». <sup>19</sup>Иудей” тики Вадида намд”махадандо’ помнандо’ юани’ поёма”. <sup>20</sup>Юкаюм’ пелядо’ тарем’ лахана”: «Пыда нянанда юылека таня, ханзосяламби. Нямгэ Нянда инзеледа”?» <sup>21</sup>Ханяңыдо’ тарем’ ма”: «Тюку мэта Вадахабида ня”маравы’ вада” ниню” юа”. Сэвсяда ненээcie” сэв юылека сылабта пиртыда?»

### *Иудей” Иисусан’ нива пунрёва*

<sup>22</sup>Иерусалимхана Несэймданүг”ма хэбидя яля\* юэвы. Сырэй” юэвы”. <sup>23</sup>Хэбидя Хардахана юэда Соломонм’ нюбета синдёда тюнгалававна Иисус ядэрна. <sup>24</sup>Иудей” Сита сюртехэя ма”: «Пон’ сидна” ерменяңэ пэрмандан? Христос’ юэб”нанд тидпой” няна” ман”». <sup>25</sup>Иисус няндо’ ма: «Мань нянда” мадамзи”, хурковна юд” пыдара” Мань Няни нида”нё” пунрю”. Серони Нисяни нювм’ няд”мяць сертабин, тики серони

---

\* 10:22 Хэбидя Харадм’ Несэймда”ма хэбидя яля «Ханукаңэ» нюмдебидо’.

Мань хибя үэвами манэ”лабтамби”. <sup>26</sup> Пыдара” Мань хувони нида” ёа”. Үадьбята” Няни нида” пунрю”. <sup>27</sup> Манъязван хувони Мунгани инзеле”. Мань теневын, пыдо’ Пумнани яда”. <sup>28</sup> Мань няндо’ малсяда илам’ мипидм’, пыдо’ сяхангарт’ ни” хаңгу”, хибяхарт Үудахатани нида март”. <sup>29</sup> Сиддо’ Няни тавы Мань Нисями сямянхат ўарка, Мань Нисяни үудахат хибяхарт сиддо’ марць ни пирас”. <sup>30</sup> Мань, Нисяни ня’ юпой үамгэни”. <sup>31</sup> Иудей” Сита ладормандо’ е”эмня үани’ манябэ ня”марна”. <sup>32</sup> Иисус няндо’ ма: «Нисяхадани үэда үока сава үамгэм’ нянда” манэ”лабтадамзь. Ханяңэндо’ е”эмня Си”ми пэхэ”на ладорман’ харвада”?» <sup>33</sup> Иудей” Нянда ма”: «Сава Серот е”эмня Сит пэхэ”на ладорман’ нива” харва”. Пыдар Нуvm’ вомдартамбин. Ненэцянданё”, тарем’ ю” Пыхыдамд Нумџэ толабир! Тики е”эмня Сит ладорман’ харвава”. <sup>34</sup> Иисус няндо’ ма: «Пыдара” Ватохонанда” тарем’ ни паду”? : «Мань мадм’, пыдара” хэхэда”?\* <sup>35</sup> Нум’ Вадам’ ня”мавы Нум’ хэхэнэ вадепата, тикахана Хэбидя Падар” таросяламзь нида пирас”. <sup>36</sup> Нисяни нярумдавэнэ, я’ тирт’ үэдаравэ-нэ Мань тарем’ лаханаб”нани: «Мань Нум’ Нюодм’, пыдара” үамгэ тарем’ мада”? : «Пыдар Нуvm’ вомдартамбин». <sup>37</sup> Нисяни серо ниб”ни сертабю”, Няни нёда” пунрю”. <sup>38</sup> Серо сертабаб”нани Няни нибта” ю” пунрю”, Мань сертабада серка”ни пунрыда”. Тиканда Нисяни Нянани мэвам’, Мань Нисяханани

---

\* 10:34 Нумд’ үэда сё 81:6.

мэвами теневаңгуралы”, хамэдангуралы”\*. <sup>39</sup> Тиканда иудей” Иисусм’ ңани’ ня”маван’ харвадонзь, Пыдахавада ңудахатато’ тэри нялкара. <sup>40</sup> Иисус Иордан яха’ тяханя’ пырдари’ хая, таняна хай. Сяхаңгав’ таняна Иоанн ненэцье хэхэдамбись. <sup>41</sup> Ңока ненэця” Иисусан’ тоць. Пыдо’ тарем’ лаханаць: «Иоаннхав ненадо серо сертавэда янгубата ңод”, хуркавна ңо” Тюку Ненэця’ нямна ңэда вадахабида мал’ ненэсэй». <sup>42</sup> Таняны яхана ңока ненэць’ Иисусан’ пунрэйць.

### 11-й пеляда *Лазарь’ яңгуво”ма*

<sup>1</sup> Лазаръм’ нюбета ңоб” ненэць’ хангурмы. Пыда Вифания’ тер ңэвы, Мария Марфа ненянда ня’ ңани’ тики хардакоход ңэвэхэ’. <sup>2</sup> Марияхав сяхаңгав’ Нум’ Ервм’ ё”йда юрканы масармэда, тадтикахад Ңэда ңэванда тарка”на тэ”мыда\*. Пыда хангурта Лазарь’ неня ңэвы. <sup>3</sup> Не нясха’ Иисусан’ тарця вади ңэдараңаха’: «Нум’ Ервава”! Пыдар мэненар хангурнанё”. <sup>4</sup> Иисусхав тарця вади намда, тарем’ ма: «Тики хабцянда хаванда няю’ ни ңа”, Нуvm’ ңарка”ма’ няю’ ңа, тики хабця’ сер’ Нум’ Ню’ юнда ңарамда». <sup>5</sup> Иисусхав Марфам’, тадтикахад ненямда, Лазаръм’ мэневыда. ‘Лазарь’ хангурмам’ намдбата ңод”, Иисус тамна сидя яля’, мэсь’ Яхананда мэсь.

---

\* 10:38 Ханяны ңудахана падвы падарка”на тарем’ пады: «пунрангуда”».

\* 11:2 Ин 12:3.

<sup>7</sup> Тики’ пуд Тохоламбадахата ма: «Иудея ян’ юани’ хэхэва”». <sup>8</sup> Тохоламбадида Нянда ма”: «Равви, тандая’ иудей” Сит пэхэ”на ладорман’ харваци”, таня’ юани’ хэван’ харван?» <sup>9</sup> Иисус ма: «Ялей яля юкад вата сидя час ни юа”? Яля’ ядэрта тюку я’ тир’ ялям’ мание, ни тапхалаң”. <sup>10</sup> Пи’ ядэртахав нянанда яляда яңгу, юадьбята тапхалаңга». <sup>11</sup> Тики Вадида хэт”махаданда няндо’ ма: «Лазарь нява” хонарэй”. Манъзяван сита сидеванзь хандадм”. <sup>12</sup> Тохоламбадида ма”: «Нум’ Ервава”, хонарахавабта савумд”нив’». <sup>13</sup> Иисусхав Лазарь’ хава’ нямна лаханась, Тохоламбадахабида Лазарь’ хонёва’ нямна Лахананаңэ пэрңадонзь. <sup>14</sup> Тиканда Иисус няндо’ тидпой” ма: «Лазарь вэ’ хая, <sup>15</sup> таняна нива Мэвахани е”эмнянда” маймбидм’. Тиканда пыдара” пунраңгу”нида”ам’. Тадхава нянда хэхэва”». <sup>16</sup> Тиканда Фома, няби нюмда Яхас, няхата ма: «Хэхэва”, маня” ю” юани’ нянанда хангува”ма».

### *Иисус – илело”ма, ил’*

<sup>17</sup> Иисус тэв”махаданда, мале тет яля’ Лазарь’ пэмбекана мэвам’ намда. <sup>18</sup> Вифания Иерусалимхад хубта ни юа”, няхарпой” километр. <sup>19</sup> Хасава нянди’ яңгуво”махад Марфаха’, Марияха’ сейди’ таңгумдаванзь юока иудей” нянди’ турңаць. <sup>20</sup> Иисус’ товам’ намда Марфа Неранда няд яльй”, Марияхав мякананда юамды. <sup>21</sup> Марфа Иисусан’ ма: «Нум’ Ервав, Пыдар тюкохона мэвы юэбат, хасава нями вунзя яңгумд”. <sup>22</sup> Теда’ ю” теневадм’, Пыдар юамгэм’ Нумгад хаңан, Нум’ Няндтарцям’ тата». <sup>23</sup> Иисус нянда ма: «Хасава няр илелты”».

<sup>24</sup> Марфа Нянда вахалъй”: «Теневадм’, юули” пудана яляхана, янгумы” илело”ма” ёльцынгана яюор’ илелты”». <sup>25</sup> Иисус нянда ма: «Мань илело”мадм’, иландм’. Няни пунрёда хабта ю”, иленгу. <sup>26</sup> Хусувэй иления Няни пунрёда сяхаңгарт’ ни хангу”. Тикан’ пунрын?» <sup>27</sup> Пыда ма: «Наха”, Нум’ Ервав, я’ тирт’ тованды Христос юваханд, Нум’ Ню юваханд пунрыдм’».

### *Иисус’ сэвта хаял” хая”*

<sup>28</sup> Тики вадида хэт”махаданда Марфа хая, тале Мариям’ – ненямда ханзь ма: «Сидна” тохоламбадава” тюкохона мэ, сит хаңа». <sup>29</sup> Мария тики вади намдванда сер’ мер’ санэй”, Иисусан’ хая. <sup>30</sup> Иисусхав хардан’ тэвүвдэвэй’ Марфа’ Сита хо”ма яхана тамна ну. <sup>31</sup> Мариям’ сеймлембада иудей” мякананда мэць. Пыдо’ санана Мариям’ манэць, пэмбад’ ня’ ярманзь хэвандаңэ пэрјадонзь. Надьбято’ пумнанда хая”. <sup>32</sup> Марияхав Иисус’ мэсъ’ ян’ тэвы”, Иисусм’ манэ”манда сер’ Нэта хэван’ пулыта ни’ мо”нахая, вахалъй”: «Нум’ Ервав, тюкохона мэвы юэбат, хасава нями вунзя янгумд”». <sup>33</sup> Иисус ярта Мариям’, нянданда товы ярти иудей манэ”манда сер’, Харта ю” Инда вома’ нид Сейда нерцилы”. <sup>34</sup> Пыда хонарку: «Ханя’ сюрцара”?» Пыдо’ ма”: «Нум’ Ервнэ, хань”-ма, манэтава». <sup>35</sup> Иисус’ сэвта хаял” хая”. <sup>36</sup> Тиканда иудей” тарем’ ма”: «Манэкарнара”, тарси” саць Пыда Лазарым’ мэневэда!» <sup>37</sup> Ханяны” ненэцяңгав” тарем’ лахана”: «Ханзер” сэвсяда’ сэв сылабтавы тюку не-нэцям’ янгумзь юэдарада?»

### *Иисус' Лазарьм' илебте”мя*

<sup>38</sup> Иисус ңани’ инда вэва үэсь, сюрась’ ян’ то. Тики сюрась’ я пэ хоркадё үэвы, тюңгалауда ңарка”я пэхэна талы”. <sup>39</sup> Иисус ма: «Пэм’ хэвня’ мэра”!» Яңгумы’ неня – Марфа Нянда вахалъй”: «Нум’ Ервав, мале тет яля’ пэмбкана юседа, ңабтада я”авлы». <sup>40</sup> Иисус нянда ма: «Няни пунрёб”нанд Нум’ юнм’ манэтан. Мань нянд тарем’ нисядам’ ман”?» <sup>41</sup> Тиканда ненэць” пэм’ манрыла хэвня’ мэдо’. Иисус саңомда нув’ няран’ үэдара, тарем’ ма: «Нисёв”, Си”ми Намдванд няю’ ңарка вада. <sup>42</sup> Мань теневадм’, Си”ми յоб’ намдорнан. Тюку Вадахабини тюкохона нуна ненэцие” е”эмня, Си”ми Үэдараваханд пунравандо’ е”эмня хэтыбадани». <sup>43</sup> Тики Вадида хэт”махаданда ңарка”- явана төрэй”: «Лазарь, тарпад”!» <sup>44</sup> Яңгумы ненэць’ үэта, үудита сыхыдё, сята үоксяңгана синдё тикавна үадимя. Иисус няндо’ ма: «Сыхыда”мida өкэйда”, таня ядая».

### *Иисусм’ маядамбава’ нямна тасалко”ма*

*(Мт 26:1-5; Мк 14:1-2; Лк 22:1-2)*

<sup>45</sup> Тики’ пуд Мариян’ товы” үока” иудей” Иисус’ үадимдевы серо манэсо”махадандо’ Иисусан’ пунрэяд”. <sup>46</sup> Ханяңэхбидо’ фарисейха” хая”, Иисус’ сертавы серо няндо’ ваде”ядо’. <sup>47</sup> Тадтикахад ңарка ханондана”, фарисей” серо тасламбада мандалм’ ма”ла”, тарем’ ма”: «Ханзер” үэнгува”? Тики ненэць’ үока ненадо серо сертабинё”. <sup>48</sup> Сита тарем’ хаеба”на”, Нянда хусувэй

ненэць’ пунрангү”, тадтикахад Рим’ тер” тута”, ява” марта”\*, ненэциена” ханангудо’». <sup>49</sup> Серо тасламбада мандалкад үопойдо’ – Каиафам’ нюбета хасава тики похона үарка ханонданаң таравы. Пыда тарем’ няхата ма: «Пыдара” юамгэхэртм’ ехэрода”, <sup>50</sup> Ибеда” ядэркар-њая”, ненэцие” тэнз” мал’ хава’ екававна, үопой ненэця’ юани ненэнсие” е”эмня хава пыдара” нянанда”\* сава ни ңа”?» <sup>51</sup> Тики вадида Каиафа харта няданда хэтвы-да ни ңа”, тики по’ үарка ханондана ңэсь, ненэцие” е”эмня Иисус’ хавам’ неранда ня’ ваде” ңадась. <sup>52</sup> Тики ненэцие” е”ливна Иисус’ хавам’ нись вадес”, тики’ хавна тодо’ яха” на иленя Нум’ ню үобт’ Ма”лаванда е”эмня Хавамда ваде” ңась. <sup>53</sup> Тики яляхад Иисусм’ хадаван’ харбиладо’. <sup>54</sup> Ңадьбята Иисус иудей” помна ңадя ядэрць үэвадэй”. Пыда таняхад вэнго я’ хэвхы Ефраимам’ нюбета хардан’ хая, Тохоламбадида няць таняна хай. <sup>55</sup> Иудей” хэбидя яля – Пасха хахаяламзь, ңока ненэця” тодо’ яхад пыхыдадо’ нярумдаванзь Пас-ха’ нерня Иерусалиман’ хая”. <sup>56</sup> Пыдо’ Иисусм’ пюрңа”, Хэбидя Хардахана нухуя, нидо’ хонрамби”: «Ханзер” ибеда” ядэрна”, хэбидя ялян’ Пыда тутнакы?» <sup>57</sup> Ҥар-ка ханонданахав” фарисей” ня’ Иисусм’ ня”мавандо’ е”эмня тарем’ табекурмыць: «Хибя Иисусм’ манэта, ханяна Мэвамда вадепата тара».

---

\* 11:48 Ҥани хамэдита тарця: «Хэбидя Хардева” тахабтаң-гудо’».

\* 11:50 Ҳаняңы ңудахана падвы падарка” на тарем’ пады: «маня” нянана”».

## 12-й пеляда

*Мария ё”йда юркана Иисус” үэ масарни*

*(Mt 26:6-13; Mk 14:3-9)*

<sup>1</sup> Пасха’ мат” яля’ нерцюна Иисус Вифаниян’ то. Таняна Иисус’ илебтевы Лазарь илевы. <sup>2</sup> Таняна Иисус’ е”эмня лата тольм’ хамэдавы”. Марфа ненэцье манзая”џа. Иисус’ хэвхана мэна ненэцье” поңгана мэвы үобто’ Лазарь үэвы. <sup>3</sup> Марияхав тацьда, мирета нардм’ үюбета юрм’ литр’ пелям’ Иисус’ үэхэ” масарнада, тадтикахад харта үэбтхананда тэ”йда. Тики’ пуд мята миой ё”йда юр’ үабтхана паны”. <sup>4</sup> Үоб” Тохоламбадада Кариот’ тер Иуда – вад’ Иисусм’ хусараванда, тарем’ ма: <sup>5</sup> «Тюку юрм’ няхар” юр” динарийхана\* мирдаць савасянё”, недва”мы есь маңгбадаха” митертыдаць». <sup>6</sup> Тики вадида маңгбади сянзь хэтвыда ни үа”. Пыда талей үэвы. Нянанда ма”ламбади” есь” ларасаком’ минармы. Таня’ пэрти” есяхат есь талебавы. <sup>7</sup> Иисусхав маси”: «Нёр пэр”! Пыдахавада ё”йда юре Мань Си”ми сюрпава яля’ е”эмня лэтмбавыда. <sup>8</sup> Маңгбадахав” үоб’ нянанда” мэнгу”, Маньзяв нянанда” пили” нидм’ мэнгу”».

### *Нарка ханондана” Лазарым’ хадаван’ харва”*

<sup>9</sup> Иудей” поңгад үока ненэця” Иисус’ тикахана мэвам’ намда”. Пыдо’ Иисусрин’ ни” ту”, яңор’

---

\* 12:5 Рим паранода я’ ненэй еся. Үопой динарий – манзарана’ яля’ недбя.

Илебтевэхэнда – Лазарян’ сырманзь ёани’ то”.  
10-11 Лазарь илело”мам’ манэсо”махадандо’ иудей”  
поңгад ёока ненэця” Иисусан’ турна”, тадтикахад  
Нянда пунраңга”. Йадьбято’ юарка ханондана” Лазарым’ ёани’ хадаван’ харбиладо’.

*Иисус’ Иерусалиман’ то”ма*

(Мт 21:1-11; Мк 11:1-11; Лк 19:28-40)

12 Йабимдей яляхана, хэбидя ялян’ товы” юарка”я  
ненэцие” мандал” Иисус’ Иерусалиман’ товам’ намда”.  
13 Пыдо’ пальмам’ нюбета пи” мали ханахая, Иисус’  
нернияд яльяд”, тарем’ тюры”ха”: «Осанна!\*! Нум’ Ерв’  
нүомгана вад’ тованда ялэда сава” юэя”, Израиль’  
Параңода’ ялэда сава” юэя”. 14-15 Хэбидя Падаркана  
тарем’ пады: «Сион’ не ню\*, сеяр нёя пин”! Пара-  
ңодар – ти, нянд миндя, илебей ха ямб юно’ ниня  
Пыда юамды\*. Тики вади” сер’ Иисус илебей ха ямб  
юном’ хо, нинд юамды”. 16 Тохоламбадида нюрте”э’  
тикым’ нидо’ хамэда”. Иисус’ юнда юарво”марихид,  
тики Нямнанда падвы юэвам’, тадтикахад тики ва-  
ди” сер’ ханзер” ненэцие” Сита пэрмам’ тензибте”.  
17 Иисус’ Лазарым’ пэмбкад ханзь илебтева’ мальңга-  
на, тикахана Няннанда мэвы” ненэця” манэ”мэмдо’

---

\* 12:13 Арам’ вада. Тид” юэда хамэдита тарця: «Сидна”  
юэда”!» Нуvm’ савуць мэта вадаңэ хая.

\* 12:14-15 Иерусалим марад’ тер тарем’ нюмдеби. Сион  
мар” – Иерусалим.

\* 12:15 Захария 9:9.

јани ненэцяңг” ваде”ңадо’. <sup>18</sup> Иисус’ ненадо серм’ сертавам’ намдвандо’ сер’, юка ненэця” յадьбято’ Сита неранда няд ядабтаць. <sup>19</sup> Фарисейхав” помнандо’ тарем’ лаханорңа”: «Манэ”ңара”, ңамгэхэртм’ нива” сапдамбю”. Хусувэй я’ тир’ ненэць’ Пумнанда яда!»

***Ханяуы” Еллин ненэця”  
Иисусм’ манэ”ман’ харва”***

<sup>20</sup> Хэбидя яляхана Нумд’ туё”манзь товы” поңгана ханяңыдо’ Еллин ненэця” ңэвь”. <sup>21</sup> Пыдо’ Галилея яхана ңэда Вифсаида’ тер Филиппан’ то”, сита хынумба ма”: «Ервэй, маня” Иисусм’ манэ”ман’ харвава”». <sup>22</sup> Филиппхав Андреян’ хая, тикым’ нянда ваде”ңада, тики’ пуд Андрейха’ Филиппха’ тики вади Иисусан’ ваде”яди’. <sup>23</sup> Иисусхав нянди’ ма”нив”: «Ненэця’ Нюңэ нюомдебада’ юнда ңарк”ма’ ёльцы’ то. <sup>24</sup> Ненэся, ненэся нянда” мадм’, нянь’ ңув’ сэв’ ян’ мантэ”махаданда ниб”нанда ха”, ялнда ңопой ңэнүгү. Хахаваб”нанда юка нянь’ ңуво” сэв тэврангү. <sup>25</sup> Харта иламда сяндахав харта иламда ёта, тюку я’ тиркана харта иламда сэхэданахав малсяда иланд’ тэвванда ңэсонд’ иламда лэтмбаңгуда. <sup>26</sup> Хибяхав Е”эмняни манзарана Пумнани тобта тара. Мэсь’ яханани Мань манзаранами јани’ мэнүгү. Хибя Мань е”эмняни манзара, тикым’ Нисями тю”у’ мэнгуда».

***Ненэця’ Ню тю”у’ илаванда***

<sup>27</sup> «Сёнзяни мюй хэнгосялма, Мань ха”мандадм”? Мань Нисяв, ёльцияnda таль’ Си”ми ңэдара”! Тарем’

ю”, тики’ е”эмня тики ёльцянд’ Мань тодамзь.  
<sup>28</sup> Мань Нисяв, Нюомл џаркамда”!» Тадтикахад нув’ нярахад вабц со: «Жаркамдавась, џани’ џаркамдангув». <sup>29</sup> Тикахана нувы” ненэця” тарця вади намд”махадандо’ тарем’ ма”: «Тики хэхэ’ мун”». Ханяңэхэбидо’ тарем’ лахана”: «Нув’ юне ядэлана Нянда лаханась». <sup>30</sup> Иисус тики вадаха” тарем’ ма: «Тики вабц Мань е”эмняни нись су”, пыдара” е”эмнянда” сось. <sup>31</sup> Тедахав’ тюку я’ тирм’ судева’ ёльцы’. Теда’ я’ тир’ ерв хэвня’ питармы үнэгү. <sup>32</sup> Мань’ яхад тю”у’ пее”раб”нани, ненэцие мал’ Няни хахаялтенгун». <sup>33</sup> Тики Вадида Иисус’ ханзер” хаванда нямна џаць. <sup>34</sup> Ненэця” Нянда ма”: «Маня” Ватоход тарця вади намдава”: «Христос үоб’ иле». Пыдар ханзер” Нум’ Нюңэ нюомдебадам’ тю”у’ илавандаңэ ваде”џар? Нум’ Нюңэ нюомдебада хибя?» <sup>35</sup> Тиканда Иисус няндо’ ма: «Яля’ нянанда” танява џули” тянё. Пэвдя сидда” талмадавонүгад яля’ таняван’ ядэрнада”. Тиканда пэвдяхана ядэртхав ханя’ ядвахаданда ехэра”нив’. <sup>36</sup> Яля’ нянанда” таняван’ ялян’ пунрыда”, яля’ нюда” џада”». Тики вадида хэт”махаданда Иисус хэвняку’ хая, тэри нядандо’ юху.

### *Иудей” нива пунра”ма*

<sup>37</sup> Иисус’ сяңокари ненадо серо няндо’ манэ”лабтаб” џод”, пыдо’ хуркавна ю” Нянда ни” пунрю”. <sup>38</sup> Нум’ Вади вадета Исаия тарем’ мамы: «Нум’ Ервав, хибя маня” нядана” намдвэхэ” пунраса? Хибян’ Нум’

Ерв' юуда юадимза?»\* Тюку мэ”мы вадида явнандо’ хэбто’ тара. <sup>39</sup> Пыдо’ Иисусан’ пунра нидонзь пирас”, тад ю” Исаия юани’ тарем’ мась: <sup>40</sup> «Нум’ ненэцье сэвсялмдевыда, сейдо’ пэнэ сертавыда. Сэвханандо’ маниенадо’ янгу, сейханандо’ хамэдамбададо’ янгу. Сиддо’ Савумдавани е”эмня Няни ни” лаханаңгу”»\*. <sup>41</sup> Тюку вадида Исаия Иисус’ юнм’ манэсо”махаданда Иисус’ нямна ваде”мыда. <sup>42</sup> Ерво” поңгад юка ненэць” Иисусан’ пунрабто’ юод”, фарисейха” сейто’ пинава’ нид, ма”люңгалава мякад сиддо’ питармоңгад, тид” нивы” лахан”. <sup>43</sup> Тад ю” пыдо’ ненэця’ юнм’ Нум’ юнхад саңь мэневэдо’.

### *Пудана яляхана Иисус судеңгода*

<sup>44</sup> Иисусхав юаркавна вахалъй”: «Няни пунрёда Няни ни пунрю”, Си”ми Йэдаравэхэни пунры. <sup>45</sup> Си”ми маниена Мань Си”ми Йэдаравэми мание. <sup>46</sup> Хусувэй Няни пунрёда пэвдяхана хаёвонүгэд, Мань я’ тирт’ яляңэ тодамзь. <sup>47</sup> Мань вадини намдавы Вадини нибта ю” лэтмбю”, Мань нив судеңгу”, Маньди я’ тирм’ судеванзь нидамзь ту”, я’ тирм’ юэдаванзь тодамзь. <sup>48</sup> Си”ми волтамбадахав, Вадини сейханда ниня ня”-марпадахав, харта сита судевндада таня: Мань тюку хэтвы вадами, пудана яляхана, сита судеңгу. <sup>49</sup> Тад ю”, тюку Вадини Хар”н нядни нин хэтыбю”, Си”-ми юэдаравы Нисяхадани хэтыбадани. Пыда Няни

---

\* 12:38 Исаия 53:1.

\* 12:40 Исаия 6:10.

њамгэм’ хэтвани нямна, јамгэм’ ваде”мани нямна табеком’ тась.<sup>50</sup> Мань тенева, Пыда табекода – малсяда ил’. Тадхав ханзер” Нисями Няни лаханаса, Мань тарем’ нянда” лаханадм’».

### 13-й пеляда

#### *Иисус' тохоламбадита юэ халтамба”ма.*

<sup>1</sup> Пасха хэбидя яля хахаялмась. Иисус тюку я’ тиркад Нисяханда хэванда ёльця’ товам’ тенева, я’ тиркана мэна Харта ненэциеда мэнейда, техэ’ малханда мэнейда. <sup>2</sup> Пэвсюмняны юворма’ ёльцынгана, ја Кариот’ тер Симон’ хасава нюон’ – Иудан’ Иисусм’ хусараванзь иңудм’ мале ми”ја. <sup>3</sup> Иисусхав тенева, Нисяда Пыда юдахата хусувэй јамгэм’ мал’ ми”-мыда. Нумгад Џэвахаданда, Нум’ ня’ Хэвахаданда шани’ тенева. <sup>4</sup> Пэвсюмняны юворма’ ёльцынгана толь’ тяхад юркы”, тю”уй Паныда ека, тэцям’ ня”ма Ёнэнда тяха’ сярада. <sup>5</sup> Тадтикахад халтанго хыдям’ икана тердехэя Тохоламбадита юэ халтамба пя. Џэдо’ Ёнэнда тяхана юэвы тэцянгана тэ”яда. <sup>6</sup> Симон Пёстарт’ Иисус хахая тэвва’ сер’, Пётр Нянда ма: «Нум’ Ервав, ханзер” Пыдар юэни халтамбангуд?» <sup>7</sup> Иисус нянда ма: «Теда’ Мань сертабадини пыдар нид хамэдамбю”, пуна хамэдаңгуд». <sup>8</sup> Пётр јани’ Нянда ма: «Џэни хуна сяхаңгарт’ нид халтаңгу”». Иисус нянда ма: «Џэд nib”ни халта”, Нядни перенар юб’ янгу». <sup>9</sup> Симон Пётр Нянда ма: «Нум’ Ервав, юэрини нён халта”, юдини, юэвами јани’ халтан». <sup>10</sup> Иисус нянда ма: «Халтавэхэв юэрида халта тара, пыхыдаха-

вада үарханда хабто. Пыдара” ю” варцида”. Ҕопой, мал’ тарцяда” нида” үа”». <sup>11</sup> Сита хусаравандамда тенева, үадьбята Иисус тарем’ мамы: «Мал’ нида” варцю”». <sup>12</sup> Ҥэдо’ халта”махаданда Паныда сера, юсибитэй”, няндо’ ма: «Намгэм’ нянда” Серставами пыдара” хамэдара”? <sup>13</sup> Пыдара” Си”ми сидда” тохоламбадаңэ, Нум’ Ервнэ нюмдебида”. Тики вадида” ненэся”. Мань тарцядм’. <sup>14</sup> Тадхав Мань Нум’ Ервнэ, сидда” Тохоламбадаңэ пыдара” үэда” халтэйнанё”, пыдара” ю” үани нита” үэ халтабта” тара. <sup>15</sup> Ханзер” үэвамда” Мань нянда” манэ”лабтавась. Мань няннанда” ханзер” үэсадм’, пыдара” үани’ тарем’ үада”. <sup>16</sup> Ненэся, ненэся нянда” мадм’, хаби ервахаданда үарка ни үа”, үэдаравы сита үэдаравэхэданда үарка ни үа”. <sup>17</sup> Тикым’ теневахая, тики’ сер’ үэб”-нанда”, ябда иленгуда”. <sup>18</sup> Хусувэнда” нямна Мань нидм’ лахан”. Мань хибям’ тэравахадани теневадм’. Ҳэбидя Падаркана тарем’ пады: «Няньми\* үаворта Няни енядамда ила\*\*. Тики вада” явнандо’ хэбто’ тара. <sup>19</sup> Тюку вади” хадкэва’ нерня теда’ нянда” мадм’, тики сер’ хадкэва’ ёльцынгана пыдара” Мань Танявахани пунрангу”нида”ам’. <sup>20</sup> Ненэся, ненэся нянда” мадм’, Мань үэдаравэми сейханда ня”мана Мань си”ми сейханда ня”ма. Мань си”ми сейханда ня”мана Си”ми Ҥэдаравэми сейханда ня”ма».

---

\* 13:18 Ҳаняңы үудахана падвы падарка”на тарем’ пады: «Нянани няньм’».

\*\* 13:18 Нумд’ үэда сё 40:10.

*Иисус хибя Сита хусаравам' ваде"уа*  
(Mt 26:20-25; Mk 14:17-21; Lk 22:21-23)

<sup>21</sup>Тики Вадида хэт”махаданда Иисус сёнзянда мюй нерцькабтире тидпой” ма: «Ненэся, ненэся нянда” мадм’, џобла” Си”ми хусараңгу». <sup>22</sup>Тохоламбадида хибя’ нямна Лаханавамда нись хамэда”, индо’ хэбилие няхато’ сырна”. <sup>23</sup>Иисус’ мэнена џоб” тохоламбадада Иисус’ лэмбаран’ тильтё џамды. <sup>24</sup>Симон Пётр хурка мунзипой” Иисус’ хэвхана џамдёдан’ тарем’ мандара-ха: «Хибям’ Ваде”мамда хонрад». <sup>25</sup>Пётр’ хонрамбада Иисус’ лэмбаран’ џани’ тильтей”, тадтикахад хонра-да: «Нум’ Ервав! Пыдар вадетар хибя?». <sup>26</sup>Иисус ма: «Хибян’ палабтавы няньни ютекм’ митав, тики – ти мэна». Иисус нянянда ютекм’ палабтахая, Кариот’ тер Симон’ хасава нюн’ – Иудан’ ми”џада. <sup>27</sup>Иуда’ нянь’ ютекм’ ня”ма”махаданда, сёнзянда мю’ Сатана пакалъй”. Тадтикахад Иисус нянда ма: «Сертавндар мер’ сертад». <sup>28</sup>Тикахана мэвэхэт џобкартадо’ џамгэ тарем’ нянда Лаханавамда нида хамэда”. <sup>29</sup>Есьто’ ларас пили” Иудахана џэсетвы. Ҙадьбято’ пыдо’ ибедо’ тарем’ ядэрна”: «Иисус Иудан’ хэбидя яля’ ед’ тарана џамгэм’ тэмдавнзы лахананакы, тикахавахад харвобта маңгбадаха” џавори ми”манзь лаханана-кы». <sup>30</sup>Иуда нянь’ ютекм’ ня”махая, таминда тарпы”. Мале пиңэ хэвь.

### *Едэй табеко*

<sup>31</sup> Иуда' тарп"махад, Иисус вахалъй": «Тадхав Ненэця' Нюнэ нюмдебада юнда џарамда, Нум' юн Нянанда џани' џарамда. <sup>32</sup> Нум' юн Нянанда џарамб", тиканда Нум' Сита Нянанда џаркта, тадри' Сита џаркта. <sup>33</sup> Ҙацекые", нянанда" Мэвами џули" тянёмя. Иудейха" ваде"мы Вадавнани Си"ми иб" пуртада", Мань минзь яхани тось нира" пират". Тика Вадини џани' теда' нянда" хэтыбин. <sup>34</sup> Нянда" едэй табеком' тадм': нида" мэнейда". Мань ханзер" сидда" мэнесадм', тарем' нида" мэнейда". <sup>35</sup> Нида" мэнебата", тикахана Мань тохоламбадини юэвамда" ненэця" мал' тумдабангудо'».

### *Пётр таялманзь мэ*

*(Мт 26:31-35; Мк 14:27-31; Лк 22:31-34)*

<sup>36</sup> Симон Пётр Иисусан' ма: «Нум' Ервав, Пыдар ханя' хандан?» Иисус нянда ма: «Мань минзь яхани пыдар тось теда' нир пирас». Вад' Пумнани ханян ту"». <sup>37</sup> Пётр Нянда ма: «Нум' Ервав, џамгэ теда' Пумнанд тось нив пирас"? Пыдар е"эмнянд илми митадм'». <sup>38</sup> Иисус нянда ма: «Иламд Е"эмняни митан? Ненэся, ненэся нянд мадм', харад' хоркы' тёревдавэй' Нядни няхар" мэва' таялтын!»

**14-й пеляда**  
***Иисус – минзь’, ненэся, ил’***

<sup>1</sup>«Сейда” нёя няркан”, Нумд’ пунрыда”, Няни юани’ пунрыда”. <sup>2</sup>Нисяни мякана таңга мэсь я җока. Тарця нивы җэбта юа”, Мань нянда” тарем’ мандадамзь: «Мань мэсь ядамда” хамэдаванзь хаядм’. <sup>3</sup>Таня’ хэ”мяхадани, ядамда” хамэдаб”нани, нянда” юани’ тутадм’. Мэсь Яханани мэванда” е”эмня сидда” Няни ханангудм’. <sup>4</sup>Ханя’ Мимахадани теневада”, сехэрым’ вунира” ехэра”. <sup>5</sup>Фома Иисусан’ ма: «Нум’ Ервава”, ханя’ Мимахаданд маня” ехэрара”, тиканда маня” ханзер” сехэрым’ теневангува”?» <sup>6</sup>Иисус нянда ма: «Мань минадм’, ненэсядм’, иландм’. Нисяхани хибяхарт тось нига пирас”, җопой, Мань Си”ни серли’ тось пиртада. <sup>7</sup>Си”ми теневавы җэб”нанда”, Нисями юани’ теневангураць. Тад нерня’ Сита теневада”, Сита манэ”җадаць». <sup>8</sup>Филипп Нянда ма: «Нум’ Ервава”, Нисямд няна” манэ”лабтавар нянана” та’ мась җэнгу». <sup>9</sup>Иисус нянда ма: «Филиппэ! Нянанда” понхав’ мэдамнё”, пыдар тамна Си”ми ехэрэн? Си”ми манэ”мы, Нисями манэ”җась. Ханзер” теда’ пыдар тарем’ лаханан: «Нисямд няна” манэ”лабтад?» <sup>10</sup>Нисяхани Мань мэвахани, Нисяни Нянани мэван’ нин пунрю”? Нянда” хэтыбада Вадини Хар”н нядни хэтыбадани ни юа”. Тики” сер” – Нянани мэна Нисяни сертабада” сер”. <sup>11</sup>Няни пунрыда”, Мань Нисяхани мэдм’, Нисями Нянани мэ. Тарцян’ ниб”нанда” җо” пунрю”, сертабада серо”ни сер’

пунрыда”. <sup>12</sup> Ненэся, ненэся нянда” мадм’: Маньзяв Нисяхани миңадм’. Ҕадьбята, Няни пунрёда Мань сертабада серони сертаңгу, тамна тикахат җарка серо сертаңгу. <sup>13</sup> Мань нюмми няд”мяць Нисяхадани җамгэ тикым’ хамбата”, Нисяни юн Нюнда сер’ җарма’ е”эмня Мань сертаңгув. <sup>14</sup> Ҕамгэрим’ Нюмми няд”мяць хамбата”, Мань сертаңгув».

### ***Сёнзямда Таңгумдамбада – Хэбидя Инд”***

<sup>15</sup> «Си”ми мэнебата”, Мань табеку”ни сер’ үэңгуда”. <sup>16</sup> Мань’ Нисями хынумдангув, тиканда Пыда җани несэй Сёнзям’ Таңгумдамбадам’ нянда” тата. Пыда нянанда” җоб’ мэнгү. <sup>17</sup> Пыда – ненэся’ Инд”. Я’ тир’ тер” нидо’ мание”, ехэрадо’, җадьбято’ пыдо’ Сита сейхандо’ ня”ма я”ма”. Пыдахавара” теневара”, Пыда нянанда” мэ, нянанда” мэнгү. <sup>18</sup> Еваконэ Мань сидда” нидм’ хаенгү”, нянда” тутадм’. <sup>19</sup> Я’ тир’ тер” Си”ми маниева җавыды ни җа”, пыдахавара” Си”ми манэтада”. Маньди иледм’, пыдара” җани’ иленгугда”. <sup>20</sup> Тики яляхана Мань Нисяханани мэвами, пыдара” Нянани мэвамда”, Мань нянанда” мэвами хамэдаңгурда”. <sup>21</sup> Хибя Табекуни ня”махая Табэку”ни сер’ иле, тики Си”ми мэне. Хибя Си”ми мэне, тикым’ Нисями мэненгугда. Мань җани’ тикым’ мэненгув, нянда Хар”н Пыхыдами манэ”лабтаңгув». <sup>22</sup> Кариот’ тер ниня җэдаюм’ – Иуда Иисусан’ ма: «Нум’ Ервава”, Пыдар Харт Пыхыдамд няна” манэ”лабтаван’ харваранё”, җамгэ я’ тир’ терха” манэ”лабтаван’ нир харва”?» <sup>23</sup> Иисус нянда ма: «Хибя Си”ми мэне, тики Вадини

нёракута. Нисями сита мэненгү, тадтикахад Мани<sup>1</sup> нянда тутани<sup>2</sup>, нянанда Иленгуни<sup>3</sup>. <sup>24</sup> Си”ми ниня мэненахав Вадини нида нёракут”. Хахата” тэворта вадахав” Мань нядни юэда ни” юа”, Си”ми юэдаравы Нисяходани юа”. <sup>25</sup> Нянанда” Мэвахани тики Вадини хэтыбин. <sup>26</sup> Сёнзямда” Таңгумдамбадахав – Хэбидя Инд”, Нисяни Мань нюмми няд”мяць юэдараванда. Сидда” хусувэй юамгэн’ тохолаңгу, нянда” ваде”мы Вадини мал’ тензибте сидда” нядаңгу. <sup>27</sup> Таңгабцом’ нянда” хаебидм’, Мань таңгабцоми нянда” тамбидм’, я’ тир’ тер” тотрев’ тикым’ нянда” нив тамбю”. Сейда” юёя” няркан”, юёя” пин”. <sup>28</sup> Пыдара” намдадаци”, Мань мадамзи”: «Мань няданда” хаядм’, тадтикахад нянда” юани’ тутадм’. Си”ми мэневы юэбта”, Нисяхани Хэвахани маймбаңгудаць. Йабцата Нисями Мань нядни ва”юа. <sup>29</sup> Теда’ Вади”ни сернэ хэвандо’ нерня, нянда” хэтын. Тиканда, тарем’ юэб”нанда, Няни пунрангуда”. <sup>30</sup> Нянанда” Лаханавани ёльц’ тянёмя, я’ тир’ ерв мале сехэрэмда тальня’ нэкалнада. Тарем’ юод” пыда Мань нянани юамгэхэртада янгу. <sup>31</sup> Я’ терхав” теневабато’ тара: Мань Нисями мэнев, ханзер” Мань Нисями Няни табекоса, Мань тарем’ юадм’. Юркыда”, тюкоход хэхэва”».

### 15-й пеляда

#### *Иисус – ненэся виноград пя*

<sup>1</sup> «Мань ненэся виноград пядм’, Нисяхавами виноград пи вадабада. <sup>2</sup> Мань нядни переня, хусувэй юодясяда пя’ таркам’ Пыда маторпида. Йодям’ ва-

дабадахав, тамна юка юдянда юэва' е"эмня, хусувэй пя' таркам' нярумдамбida. <sup>3</sup> Пыдара" нянда" ваде"мы Вадаха"нани мале нярумдавэда". <sup>4</sup> Нянани мэда", Мань ю" нянанда" мэнгудм'. Юдя' пя' таркада виноград пяхана ниб"нанда юа", харта юдям' юадимде нида пирас". Нянани ниб"нанда" мы", пыдара" юани' тарцяда" юэңгуда". <sup>5</sup> Мань виноград пядм', пыдахавара" пя' таркада". Хибя Нянани мэ, Мань тикахана мэдм'. Нянани мэнахав юка юдям' тамби. Тад ю" пыдара" Маньсиципой" юамгэхэртм' серта нида" пирас". <sup>6</sup> Нянани ниня мэнахав, хэвня' мовы пя' таркадарев', сэбэймда. Тарця пи" таркада би ненэця" ма"лахая, тун' моёпасетыдо', тухуна паранга". <sup>7</sup> Пыдара" Мань нянани мэбта", Вадини нянанда" юэбто', тикахана юамгэн' харвада", тикым' ханада", тарцядамда" ня"мангуда". <sup>8</sup> Юка юдям' тэврана юэбта", тадтикахад Мань тохоламбади"ни юэб"нанда", тикахана Нисяни юнм' юармдангура". <sup>9</sup> Ханзер" Нисями Мань Си"ми мэне, Мань тарем' сидда" мэнедм'. Пыдара" Мань мэнбцохонани мэда". <sup>10</sup> Нисяни табеку нёракуць Мэнбцохонанда мэдм': Пыдара" ю" Мань табекони нёракуп"нанда", Мань мэнбцохонани мэнгуда". <sup>11</sup> Маймбабцоми нянанда" юэва' е"эмня, сейда" маймбабцохона пан"ма' е"эмня тюку Вадини хэтыбин. <sup>12</sup> Мань табекоми тарця: Мань сидда" ханзер" мэнедм', нида" тарем' мэнейда". <sup>13</sup> Юани нита е"эмня иламда митя' мэнбцоход юарка мэнбцо янгу. <sup>14</sup> Мань нянда" табэдамбада Табекуни нёракуквабта", сава Нини юэ"нида"ам'.

<sup>15</sup> Сидда” Мань мале хабиңэ нидм’ нюмдебю”. Тад ю” хабихав ерванда џамгэм’ пэрмахад ерме. Нисяхадани намдавы сямян џамгэм’ нянда” мале ваде”ян. Надьбя”ни сидда” сава Нядни ваде”надм’. <sup>16</sup> Пыдана” Си”ми нидаць тэра”, Мань сидда” тэрадамзь. Я’ тирмна хэсь џоди тамбаванда” е”эмня, џодита” џоб’ танява’ е”эмня сидда” џабтадамзь. Тиканда Нисяхадани Мань нюмми няд”мяць џамгэ-тикым’ хамбата”, Нисями нянда” тата. <sup>17</sup> Нянда” тарем’ табекудм’: нида” мэнейда”».

***Я’ тир’ тер” Иисусан’ пунрёди  
џани’ питарпаңгу”***

<sup>18</sup> «Я’ тир’ тер” сидда” сэхэдабто’, теневабата” сава, неранда” няд Мань Си”ми сэхэда пяць. <sup>19</sup> Пыдана” я’ тирkad џэвы џэбта”, я’ тиркав харта џамгэмда мэненүгудась. Пыдахавара” я’ тирkad нида” џа”. Мань я’ тир’ терхат сидда” тэрадамзь, џадьбято’ я’ тир’ тер” сидда” сэхэда”. <sup>20</sup> Нянда” хэтвы Вадини тенейда”: <Хаби ервахаданда џарка ни џа”>. Ненэця” Мань си”ми питарпиць, пыдана” сидда” јани’ питарпаңгу”. Пыдо’ Мань вадини нёраку”мы” џэбто’, тиканда пыдана” вадида” јани’ нёракутыдо’. <sup>21</sup> Пыдонди, Мань нюмни е”эмня тики џамгэ мал’ нянда” сертаңгудо’, џабцакавандо’ пыдо’ Си”ми Нэдаравэми ехэра”. <sup>22</sup> Мань я’ тирт’ нивы џэб”ни ту”, няндо’ Вадини нивы џэб”ни вадес”, хэбяхадо’ нянандо’ янгудась, тедахав’ хэбяхамдо’ таялць нидо’ пирас”. <sup>23</sup> Си”ми сэхэдана Нисями јани’ сэхэдада.

<sup>24</sup> Нобкарт ненэць’ нивы сертабавы серо поңганандо’ нивы үэб”ни сертабю”, хэбяха нянандо’ яңгудась. Тедахав’ харто’ сырмы үэбто’ үод”, Си”ми сэхэда”, Нисями сэхэда”. <sup>25</sup> Набцакавандо’ пыдо’ ватохонандо’ падвы тюку вада” – «Хуркаси”-хараси” Си”ми сэхэдална”>\* мал’ үадимбато’ тара. <sup>26</sup> Сёнзям’ Таңгумдамбадам’ Нисяхадани нянда” үэдараңгудм’. Пыда ненэся’ Инд”, Нисяхадани үэда Инд”. Пыда тоб”нанда, Мань нямнани явнанда лаханаңгугу. <sup>27</sup> Сямян нюрте”эхэд Нянани мэдаци”, үадьбята” пыдара” үобтарем’ Мань нямнани явнанда лаханаңгуда”».

## 16-й пеляда

<sup>1</sup> «Няни пуурёбцомда” ё”моңгад тюку Вадини нянда” хэтыбин. <sup>2</sup> Ненэця” сидда” ма”люңгалава мякад питарта”. Тадтикахад тарця по миңа, сидда” хадабада” сидда” хадабто’, Нум’ ед’ сертабадаңэ тики серодо’ пэртыдо’. <sup>3</sup> Нисями ехэравандо’ нид, Си”ми ехэравандо’ нид, пыдо’ тарця үэнгү”ни”им’. <sup>4</sup> Тюку Вадини, ёльцяндо’ тэваб”, тензибтеванда” е”эмня хэтыбин. Тюку Вадини нерня нинась хэтыбю”, тарси” нянанда” нисядам’ мы”».

## *Хэбидя Индад’ манзая*

<sup>5</sup> «Тедахав’ Си”ми Нэдаравэхэни хандадм’. Хибяхартара” Си”ми ниню” хонрамбю”: «Ханя’ миңан?» <sup>6</sup> Нянда” хэтвы Вадахатани ида” воманё”. <sup>7</sup> Мань

---

\* 15:25 Нумд’ үэда сё 34:19, 68:5.

ненэсям’ нянда” хэтыбидм’, Мань хэвами ханяцей’ нянанда” сава. Ниб”нани хань”, нянда” Сёнзям’ Таңгумдамбада ни тут”, хэб”нани Мань нянда” үэдараңгув. <sup>8</sup>Тоб”нанда, я’ тир’ тер” хэбяха’ нямна, не-нэся’ нямна, Нум’ суд’ нямна вэнзер’ хамэдабцомдо’ тид” манэ”лабтаңгуда. <sup>9</sup>Хэбяха’ нямна мамб”нанда, Няни нива пуурёвадо’ – хэбяха. <sup>10</sup>Ненэся’ нямна мамб”нанда, Нисяхани Мимами – ненэся, пыдара” Си”ми тад нерня’ нига” манэт”. <sup>11</sup>Суденгова’ нямна мамб”нанда, тюку я’ тир’ ерв мале судевы. <sup>12</sup>Иб” нянда” Хэтувндахавами тамна үока үэбта үод”, тедахав’ пыдара” нянанда” хамэдава’ техэ. <sup>13</sup>Ненэся’ Индад’ тоб”, сидда” хуркари ненэсян’ тидхаленгү. Тад үо” Пыда харта няданда ни лаханаңгү”, намдорта вадири хэтыбангү, нерняңы хурка үэвам’ нянда” вадета. <sup>14</sup>Нядни вади ня”махая нянда” вадетыда, тиканда, тики’ сер’ Юнами үармдаңгуда. <sup>15</sup>Нисяни хусувэй үамгэ – Мань үамгэми. Үадьбя”ни тарем’ мадм’: «Инд” Нядни ханавнданда нянда” вадетада»».

*Маяндормы” и’ вэва үэбцо”  
маймбабцоуэ ханда”*

<sup>16</sup>«Тадри’ пыдара” Си”ми нига” манэт”, пон’ нисьмы”, Си”ми яңор’ манэтада”, [тад үо” Мань Нисяхани миңадм’]\*». <sup>17</sup>Үадьбято’ ханяңы Тохоламбадида нидо’ хонрамба пя”: «Пыда үавэда няна” ваде”ңа? Тюку Вадида ханзер” хамэдаб” сава: «Тадри’ пы-

---

\* 16:16 Ханяңы үудахана падвы падарка”на пады.

дара” Си”ми нида” манэт”, пон’ нись мы”, Си”ми яңор’ манэтада”, тад յо” Мань Нисяхани миңадм’?»<sup>18</sup> Пыдо’ тарем’ лаханорна”: «Ңамгэм’ тикахананда Пыда ваде”ңа: ‹Тадри’? Ңамгэ Ваде”мамда нива” хамэдамбю”». <sup>19</sup> Иисусхав ңамгэм’ Няданда хонраван’ харвавам’ хамэда, няндо’ ма: «Нида” нянда” хэтвы Вади”ни нямна хонрамбида”? Вадини тарцяцинё”: ‹Тадри’ пыдара” Си”ми нида” манэт”, пон’ нись мы”, Си”ми яңор’ манэтада”». <sup>20</sup> Ненэся, ненэся нянда” мадм’, пыдара” яртада”, ярм’ ңасилпаңгуда”, я’ тир’ терхав” маймбаңгу”. Ибеда” вэва ңэнгү”, ибета” вэва ңэбцо маймбабцоңэ ханда. <sup>21</sup> Ңацекым’ хомба ёльцянда тось, не маяндорна. Ңацекэмда хо”махава-хаданда майванда нид, неры маяндор”мидя юрыбид, тад յо” я’ тир’ ни’ ненэць’ соя”нив’. <sup>22</sup> Пыдара” յо” теда’ ибеда” вэва”, хуркавна յо” Мань сидда” ңани’ манэтадм’, сейда” майңгуд”. Маябцомда” хибяхарт няданда” нида март”. <sup>23</sup> Тики яляхана Си”ми ңамгэхэрт’ нямна нида” хонрамбаңгу”. Ненэся, ненэся нянда” мадм’, ңамгэри-тикым’ Нисяхадани Мань нюомми няд”мяць хамбата”, Нисями нянда” тикым’ тата. <sup>24</sup> Нерциубта’ Мань нюомми няд”мяць ңамгэхэртм’ нидаць хай”. Хаңада”, ня”маңгуда”, маймбабцора” нарка ңэнгү».

### *Христос я’ тирм’ пирда”левы*

<sup>25</sup> «Нянда” вади” хари мэць лаханасетыдм’, тедахав’ тарця по то, нянда” вади” хари мэць нидм’ лаханаңгү”. Тидпой” нянда” Нисяни нямна лаханаңгудм’.

<sup>26</sup>Тики яля’ пыдара” Мань нюомми няд”мяць ханаңгуда”. Мань нянда” тарем’ ниdm’ ман”: «Мань пыдара” е”эмнянда” Нисяхадани ханаңгудм’». <sup>27</sup>Си”ми мэневанда” е”эмня, Нумгад Ҥэвахани пунрёванда” е”эмня Нисями сидда” мэне. <sup>28</sup>Мань Нисяхадани я’ тирт’ тодамзь. Тедахав’ я’ тирм’ хае, Нисяхани хандадм’». <sup>29</sup>Тохоламбадида ма”: «Ти, тедахав’ тидпой” лаханан, хара явна нин лахан”. <sup>30</sup>Тедахав’ маня” теневава”, Пыдар хусувэй ҃амгэм’ теневан, Сит хонрана ненэць’ Нянанд ни тара”. Ҥадьбя”на” Пыдар Нумгад Товахаданд пунрыва”». <sup>31</sup>Иисус няндо’ ма: «Тедахав’ пунрыда”? <sup>32</sup>Ти, ёльцында миџа, ҃абџакаванда тодо’ яха” хэвара” хусувэнда” харта яханда хэва’ ёльць’ мале то. Мань Си”ми җопойңэ хаенгуда”. Хуркавна җод” Мань җопойдм’ ниdm’ җа”, Нисями Нянани мэ. <sup>33</sup>Нядни таңгабцом’ хованда” е”эмня тюку Вадини нянда” хэтыбин. Тюку я’ тиркана сидда” мая” җате”, хуркавна җо” пыхыдада” мэйрамбида”? Маньди я’ тирм’ пирда”левась».

## 17-й пеляда

### *Иисус’ туё”ма*

<sup>1</sup>Тики Вадида хэт”махаданда Иисус нув’ няю’ са-ңомда җэдара, вахальй”: «Нисёв”, ёльцында то”ма. Хасава Нюнд юнм’ җармداد, Хасава Нюр җод” Юнамд җармданғу”нив’. <sup>2</sup>Тад җо” җэсь җо”, Пыдар хусувэй хибям’ Ҥудахата ми”йдаси”, Нянда ми”мэхэта Пыда малсяда илам’ мит”нив’. <sup>3</sup>Малсяда илңгав, тикахав Пыдар Сит – ялнда җопой ненэся Нуvm’ теневава,

тадтикахад Пыдар юэдаравэмд – Иисус Христосм’ теневава нив’ юа”. <sup>4</sup>Няни табэдавы Манзаямд Ёльцевани сер’ Мань я’ ниня Пыдар Юнамд юармдав. <sup>5</sup>Нисёв”, тедахав’, невхы я’ мидеро”ма’ нерцюна Пыдар Сит ня’ мэ”мы Юнханани’ Сякананд Юнами юармда”ма.

<sup>6</sup>Пыдар я’ тиркад Няни тавы ненэцяңг” Нюомд хурка юэвам’ юадимдев. Тики ненэця” Пыдар ненэциедась, тедахав’ Мань Няни тайд. Пыдо’ Пыдар ваданд сер’ юа”. <sup>7</sup>Тедахав’, Пыдар Няни тавы хусувэй юамгэ’ Няданд юэвахад пыдо’ тенева”. <sup>8</sup>Няни тавы Вадид няндо’ хэтын, пыдо’ тики вади сёнзяндо’ мю’ пэмбидо’. Мань Няданд товами ненэсявна хамэдадо’. Пыдар Си”ми юэдараваханд пунрэяд”. <sup>9</sup>Мань пыдо’ е”эмняндо’ хынумдадм’. Я’ тир’ е”эмня ниидм’ хынумд”. Юпой, Пыдар Няни тавырит е”эмня хынумдадм’, тад юо” юэсь юо” пыдо’ Пыдар юавэд. <sup>10</sup>Хусувэй Мань юамгэми – Пыдар юамгэр, Пыдар юамгэр – Мань юамгэми. Тадтикахад Мань юнами сидто’ сер’ юарма. <sup>11</sup>Маньзяв мале я’ тиркана вунидм’ мы”, пыдъедо’ я’ тиркана ни”им’ мы”. Нари” Маньзяв Нянд мий”нидам’. Нисёв”, Пыдар Хэбидян! Няни тавыид Пыдар нюомд няд”мяць лэтамбан”. Мани’ сидни’ тотрев’ пыдо’ юобнзер’ юэя”. <sup>12</sup>Нянандо’ Мэвани мальңгана, Пыдар Няни тавы Нюомд няд”мяць сиддо’ ерамбидамзь, Мань лэтрэйн. Хэбидя Падар’ вада’ мал’ юадима’ е”эмня ханяңэхэртадо’ ни яңгув”, юпой, хавнданә тасла-выридо’ яңгума”. <sup>13</sup>Тедахав’ Мань Нянд мијадм’. Я’

тиркана тедари' Мэвахани тюку вадетини ваде"ян, тикандо' пыдо' техэ малханда Маймбабцоми ма-нэтадо'. <sup>14</sup> Пыдар Вадамд Мань няндо' тэврав, я' тир' тер" сиддо' сэхэда пя". Пыдо' ю" Мань Си"-ни тотрев' я' тиркад вуни" ю". <sup>15</sup> Сиддо' я' тиркад Ханаванд е"эмня нидм' хынумд", сямян вэвакоход сиддо' Лэтрамбаванд е"эмня хынумдадм". <sup>16</sup> Пы-до' юд" Мань Си"ни тотрев' я' тиркад вуни" ю". <sup>17</sup> Ненэсяхана нярумдан". Ненэсяхав Пыдар вадар ёэ"нив". <sup>18</sup> Пыдар ханзер" Си"ми я' тирт' юэдараасан, Мань ю" тарем' сиддо' я' тирт' юэдараадм'. <sup>19</sup> Пыдо' е"эмняндо' Хар"н Пыхыдами нярумдадм', тиканда пыдо' юани' ненэсяхана нярумы" юэнгу". <sup>20</sup> Пыдри-до' е"эмняндо' нидм' хынумд". Вадито' сер' Няни пунрёди" е"эмня юани' хынумдадм'. <sup>21</sup> Нисёв", хан-зер" Пыдар Нянани мэн, Мань ю" тарем' Нянанд мэдм', пыдо' ю" юбинзер' юэя". Пыдо' ю" юбтарем' Мани' нянани' мэя", тиканда я' тир' тер" Си"ми Пыдар няндо' юэдара"ман' пунраңгуд". <sup>22</sup> Пыдар Няни тавы юнм' Мань няндо' ми"навась, тикандо' Мани' Сидни' тотрев' пыдо' юбинзер' юэнгу"ни"им'. <sup>23</sup> Мань нянандо' мэдм', Пыдар Нянани мэн. Ти-канда пыдо' юули" юбинзер' юэнгу", я' тир' терхав" Пыдар Си"ми юэдараавамд хамэдаңгудо', ханзер" сиддо' Мань Си"ни тотрев' Мэневамд хамэдаңгудо'. <sup>24</sup> Нисёв", Мань харвабцоми тарця: Няни тавыид Мань мэсь яханани мэб"нандо' саванё". Си"ми я' мидеро"ма' нерня мэнелਯанаси", тиканда Нянани мэбто', Пыдар Няни тавы Юнами манэт"ни"им'.

<sup>25</sup> Нисёв”, Пыдар Ненэсян! Я’ тир’ тер” Сит тамна ехэраб” ю”, Маньзяв Сит теневадм’, пыдо’ ю” Пыдар Си”ми юэдара”махаданд юани’ тенева”. <sup>26</sup> Мань няндо’ Нюомд хурка юэвам’ юадимдевась, тамна тяха’ юадимденгув. Хурка мэнебцохона Си”ми Мэневар нянандо’ юэнгу, Мань юани’ нянандо’ мэнгудм’».

### **18-й пеляда Иисусм’ ня”ма” (Мт 26:47-56; Мк 14:43-50; Лк 22:47-53)**

<sup>1</sup> Вадида хэт”махаданда, Иисус тохоламбадида няць Кедронм’ нюбета тэл’ тяха’ хая. Таняна юди” пи” вадюлава танявы, Пыда тохоламбадита ня’ таня’ пакалъяд”. <sup>2</sup> Тики яхана Иисус тохоламбадита ня’ юб’ ма”люрцты”, юадьбята ю” Сита хусаравы Иуда тики ям’ юани’ теневадась. <sup>3</sup> Иуда, саю” мандалм’, юарка ханондани”, фарисей” манзарани няць тики ян’ то. Пыдо’ серекабт, ту’ лэё, мирв ня”амба то”. <sup>4</sup> Иисусхав, хусувэй юамгэ Нямнанда хадкэвахад тенева тарпы”, няндо’ ма: «Хибям’ пюрнада”?» <sup>5</sup> Пыдо’ Нянда ма”: «Назарет’ тер Иисусм’ пюрнава”». Иисус няндо’ ма: «Мань Тидм’». Лаханани” поңгана Сита хусаравы Иуда юбтарем’ ну. <sup>6</sup> Иисус няндо’ мано”-махад: «Мань Тидм’», пыдо’ пуня’ мэдо’, пулыто’ ни’ ха”мыд”. <sup>7</sup> Иисус юани’ хонрэйда: «Хибям’ пюрнада”?» Пыдо’ ма”: «Назарет’ тер Иисусм’ пюрнава”». <sup>8</sup> Иисус няндо’ ма: «Мань нянда” мадамзи”: «Мань Тидм’». Си”ми пюркавабта”, нини таня хэя”». <sup>9</sup> Хэтвы Вадита юадима’ е”эмня Пыда тарем’ мась. Вадада тарцясь:

«Няни тавэхэтат үоб картамдо’ нидамзь ёс”». <sup>10</sup> Симон Пётркав’ палыда танявы. Палымда нэкалкая үарка ханондана’ хабим’ лада, тика вэняңы хамда сапа. Тики хаби нюмда Малх үэвь. <sup>11</sup> Иисус Пётарт’ ма: «Палыр сөнгандада паклед, Нисяни тавы хыдяхад нэрмандами үэрпа”ни вэвав’?»

*Иисус’ үарка ханондана’ сяканы ну”ма*  
*(Мт 26:57-58; Мк 14:53-54; Лк 22:54)*

<sup>12</sup> Тадтикахад саю” мандал”, ёнар” саю’ ерв, иудей” манзарана” Иисусм’ ня”мадо’, сярадо’. <sup>13</sup> Нюрте”э’ Сита Аннан’ хана”. Тики ненэць’ Каиафа’ пухуця’ нися үэвь. Каиафахав тики по’ үарка ханондана-ñэ таравы. <sup>14</sup> Каиафа иудейха” тарця и’ үудм’ хэтвы: «Нока ненэцие” екававна, үопой ненэць’ хабта сава».

*Пётр’ Иисусхад таяло”ма*  
*(Мт 26:69-70; Мк 14:66-68; Лк 22:55-57)*

<sup>15</sup> Иисус’ пумна Симон Пётр яльй”, тадтикахад үани үопой тохоламбадада үани’ Пумнанда хая. Тики Иисус’ тохоламбадахавм’ үарка ханондана теневавэда. Пыда Иисус’ сер’ үарка ханондана’ маряд’ мю’ тю. <sup>16</sup> Пётркав нё’ пи’ няна нусь хай. Тики’ пуд үарка ханонданам’ теневана Иисус’ тохоламбада тарпы”. Нё’ сим’ лэтмбада не хабихина лаханакуро”махаданда Пётарм’ тюледа. <sup>17</sup> Нё’ сим’ лэтмбада не хаби Пётарт’ вахальй”: «Такы Ненэця’ үоб” тохоламбадада нин үа”?» Пётр тарем’ ма: «Нидм’ үа”. <sup>18</sup> Тецьванда нид манзарана”, хаби”

тум’ пяставы”, ту’ хэвхана нусь пыхыдадо’ юдаби”. Пётр үани’ хэвханандо’ нусь пыхыдамда юдабида.

***Нарка ханондана’ Иисусм’ хонрамба”ма***  
***(Мт 26:59-66; Мк 14:55-64; Лк 22:66-71)***

<sup>19</sup> Нарка ханонданахав Иисусм’ Тохоламбадита нямна, тадтикахад үамгэ’ нямна сиддо’ Тохоламбавамда хонрамби. <sup>20</sup> Иисус нянда тарем’ ма: «Мань тидпой” я’ тир’ терк” лаханадамзь. Иудей” үобт’ ма”люрма’ яха”на – ма”люнгалава мяд’ мюния, Хэбидя Хардахана үоб’ тохоламбасетын. Талехэва няндо’ үамгэхэртм’ ниdm’ вадецету”. <sup>21</sup> Үамгэ Си”-ми хонрамбин? Үамгэм’ Вадесо”мами намдормэхэт хонрад. Үамгэм’ Вадесо”махадани пыдо’ тенева”. <sup>22</sup> Тики Вадида хэт”махаданда, хахая Хэвхананда нувы үопой манзаранадо’ Иисусм’ Падухунда пигтарчада, тадтикахад тарем’ ма: «Үамгэ тарем’ нарка ханонданан’ лаханан?» <sup>23</sup> Иисус нянда ма: «Вэнзер’ лаханавы үэб”нани, вэнзер’ Лахана”мами хэтдава. Сававна лаханавы үэб”нани, үамгэ’ е”эмня Си”ми ладыбин?» <sup>24</sup> Анна сяро”мы Иисусм’ Каифам’ нюбета нарка ханонданан’ үэдараада.

***Пётр’ Иисусхад янор’ таяло”ма***  
***(Мт 26:71-75; Мк 14:69-72; Лк 22:58-62)***

<sup>25</sup> Симон Пётркав тамна ту’ хэвхана нусь, пыхыдамда юдаби. Ненэця” сита хонра”: «Пыдар үоб” Пыда тохоламбадада нин үа”?» Пётр пыхыдамда пуня’ таялпа вахалъй”: «Нидм’ үа?». <sup>26</sup> Нарка ханондана’

њоб” хабида Пётарт’ ма: «Ҙоди” пи” вадюлава яхана Иисус’ хэвхана мань сит нисядм’ манэс”?» Тики лаханана хаби’ ня’ хам’ Пётр палыхына сападась. <sup>27</sup> Пётркав џани’ таялы. Таминда ю”, тики’ пуд харад хоркы тёрей”.

***Иисус’ Пилат’ сяканы ну”ма***  
***(Mt 26:1-2, 11-14; Mk 15:1-5; Lk 23:1-5)***

<sup>28</sup> Иудей” Каиафахад Иисусм’ Рим’ ерв’ ервода марят’ ханадо’. Хубтыхы ќэвы. Пыхыдадо’ сяблавонггад, Пасха хэбидя яля’ ќаварм’ ќамандо’ е”эмня пыдо’ маряд’ мю’ ни” тю”. <sup>29</sup> Пилат няндо’ тарпы”, тарем’ хонарку: «Тюку ненэцям’ ќамгэ’ е”эмня вомдартамбира”?» <sup>30</sup> Пыдо’ нянда ма”: «Вэвако ненэць’ нивы ќэбта ѣа”, нянд вунзява” тэвраңгу”. <sup>31</sup> Пилат няндо’ ма: «Нянанда” ханара”, харта” серота” сер’ судера”. Иудей” вахалъяд”: «Маня” нянана” хибяхартм’ хада ни серос”?». <sup>32</sup> Иисус ханзер” хавамда вадеца, хэтвы Вадита сер’ ќеванда е”эмня, пыдо’ ќадьбято’ тарем’ маць. <sup>33</sup> Тики’ пуд Пилат марьта мю’ ќани’ тю, Иисусм’ нянда ханада, хонрада: «Пыдар иудей” паранодан?» <sup>34</sup> Иисус нянда ма: «Тики вадид харт няданд хэтыбадид ни” ѣа”? Йули”, ќани” хибяри” Мань нямнани нянд лаханавэкы”?» <sup>35</sup> Пилат тики вадахата тарем’ вахалъий”: «Мань иудейдм”? Пыдар янд тер” ќарка ханондани няць нянни Сит таць. Ѕамгэм’ хадкэпясан?» <sup>36</sup> Иисус ма: «Мань Паранодадавами тюку я’ тирkad ни ѣа”. Тюку я’ тирkad ќэвы ќэбта, Манзарини Мань си”ми иудей” ервха” ми”монгадандо’

нися”ам’ пёдангу”. Тедари’ Мань Параңодадавами тюкоход ни пере”». <sup>37</sup> Пилат Нянда ма: «Пыдар па-раңоданава!» Иисус ма: «Пыдар тарем’ мананё”, Мань паранодадм’. Манъзяв ненэсям’ ңадимдеванзь соядамзь, я’ тирт’ тодамзь. Ненэсяхад ңэда хусувэй хибя Мань вабцами намдорңа». <sup>38</sup> Пилат Нянда ма: «Ненэся, тики ңамгэ?»

*Иисусм’ хаванзь ми”ма*

(Мт 27:15-31; Мк 15:6-20; Лк 23:13-25)

Тики вадида хэт”махаданда иудейха” ңани’ тар-паванда сер’ вахалтый”: «Манъзяв тюку Ненэцяңгана ңамгэхэрт вэвам’ нидм’ манэс”. <sup>39</sup> Пасха хэбидя яляхана пыдара” нянда” мань ңоб” ненэцям’ сярвахад ңэда-рамбасетыдамнё”. Тарем’ харвабата”, иудей” парано-дам’ нянда” ңэдараңгув?» <sup>40</sup> Тиканда ненэця” ңани’ тёреяд”: «Пыда нёя ңа”, Вараввам’ ңэда”». Вараввахав вэвако мандалёди” ненэцие” поңгад ңобто’ ңэвы.

## 19-й пеляда

<sup>1</sup> Тикахавахад Пилат Иисусм’ ханада, садаванзь табэдада. <sup>2</sup> Саю” ңэтторта пя’ таркахад ңэва’ ниня мэта сюртия ңамгэм’ пангална”, тиким’ Ңэванда ни’ серибтедо’, нярморте”э ембдярм’ Ниндя сериб-те”. <sup>3</sup> Тадтикахад Някунда хэхэя тарем’ лаханорңа”: «Иудей” паранода, ңари” тяха’ мэд!» Тики” ямбха”на Сяканда ладорпидо’. <sup>4</sup> Пилат ңани’ тарп”махаданда ненэцяңг” ма: «Теда’ мань нянда” тарпраңгув. Тев-неваванда” няюмна Нямнанда мань вэвам’ нидм’

хомбю”». <sup>5</sup> Тики’ пуд, Иисус үэтторта пя’ таркахад сюртявнэ пангалмы үамгэм’ Үэванда ниня мэць, нярморте”э паным’ мэць, тарпы”. Пилат ненэцяңг” ма: «Ти, Тики Ненэць». <sup>6</sup> Үарка ханондана”, манзаранидо’ Иисусм’ манэ”мандо’ сер’ тарем’ тюрыць пэяд”: «Лярць’ пян’ тебарт! Лярць’ пян’ тебарт!» Пилат няндо’ ма: «Ханара”, харта” лярць’ пян’ тебарңара”. Үари” манъязван Вэвамда нидм’ ху”». <sup>7</sup> Иудей” Пилатан’ тарем’ ма”: «Маня” ватова” таня. Тики ватохонана” Пыда хабта тара. Тад յо” Пыда Харта Пыхыдамда Нум’ Нюнэ сертабида». <sup>8</sup> Пилат тарця вади намдванда сер’ тамна ханяцей’ сейда хая. <sup>9</sup> Пилат марьта мю’ үани’ тю, Иисусм’ хонра: «Ханяд үан?» Тики вадахата Иисус үамгэхэртм’ ни хэт”. <sup>10</sup> Пилат Нянда ма: «Мань нянни үамгэ нин лахан”? Пыдар ехэранакэн, үабцакаванд Сит лярць’ пян’ тебарць ватоми таня, тадтикахад Сит үэдара үани’ ватоми таня». <sup>11</sup> Иисус тики вадахата тарем’ ма: «Тю”уд тарця ватом’ нивы үэб”нанд ня”ам”, Мань нянани ватор таросяңгусь. Үадьбята үарка хэбяахав Си”ми нянд ми”мэхэна үа». <sup>12</sup> Тики Иисус’ вади” пуд, Пилат Иисусм’ үэдаван’ харбилада. Тарем’ үэбта үод”, иудей” нянда тарем’ тюрылыд”: «Үэдарааб”нанд пыдар Рим’ паранода”\* сава нян нин үэнгү”. Хусувэй хибя пыхыдамда паранодаңэ сертабада, Рим’ паранода’ тяха’ няю’ нятна». <sup>13</sup> Пилат,

---

\* 19:12 Тид” кесарьнэ пады. Рим’ паранодам’ кесарьнэ нюмдебидо’.

тарця вади намд”махаданда, Иисусм’ пин’ тарпрада, харта суденголава ян’ ңамды”. Тики я нюомда «Пэ Сехэры» ңэвы, еврей’ вадавна «Габбадам’» нюбе”мы. <sup>14</sup>Тики яля Пасха’ нерциона хамекова яля ңэвы. Яля’ ер” ңэвы. Пилат иудейха” тарем’ ма: «Параңодара”ти». <sup>15</sup>Ненэцяңгав” тарем’ тюрыңа”: «Ханад, ханад, лярць’ пян’ тебарт!» Пилат няндо’ хонарку: «Параңодамда” лярць’ пян’ тебартав?» Ңарка ханондана” ма”: «Рим’ паранода’ хавна маня” ңани несэй паранодава” яңгу». <sup>16</sup>Тадтикахад Пилат Иисусм’ лярць’ пян’ тебарманзь саюху” ми”ңада.

*Иисусм’ лярць’ пян’ тебаро”ма*  
(Mt 27:32-44; Mk 15:21-32; Lk 23:26-43)

Саю” Иисусм’ ня”махая, ханадо’. <sup>17</sup>Иисус Харта лярць’ пям’ мине, «Ңэвэйця’ Лым’» нюбета ян’ хая. Тики я еврей’ вадавна «Голгофам’» нюбе”ңа. <sup>18</sup>Тики яхана Сита лярць’ пян’ тебарңа”, Нянанда тамна сидя ненэцям’ тодо’ Хэувунанда тебарңа”. Иисусхавм’ еркы лярць’ пян’ тебарңадо’. <sup>19</sup>Пилат Иисус’ нямна ңэда вади пада, тадтикахад лярць’ пян’ падвэмда ңыдада. Вада” тарця ңэвы”: «Назарет’ тер Иисус – Иудей” Паранода». <sup>20</sup>Иисус’ ңыдёсь’ я марkad ңаха”на нивы ңа”, тиканда, ңока иудей” тики вади толабавыдо’. Тики еврей’ вадавна падвы, Рим’ тер’ вадавна падвы, грек’ вадавна падвы. <sup>21</sup>Иудей” ңарка ханондана” Пилатан’ тарем’ ма”: «Иудей” параноданэ нёр падыбю”. Пыда Харта пыхыдамда иудей” параноданэ нюмдебавамда пад”». <sup>22</sup>Пилат няндо’

ма: «Мале ханзер” падав, тарем’ ңэңгу”нив”. <sup>23</sup>Саю” Иисусм’ лярць’ пян’ тебаро”махадандо’ Ембдяро-да ханэйдо’, тет ян’ помнандо’ тяръядо’, хусувэдо’ ембдяро” пелям’ хана. Пыдо’ мюй Имбытата җани’ ханадо’. Тики имбыткав сэдонзяда, тю”уд паңгал-мы ямб үэвы. <sup>24</sup>Помнадо’ тарем’ лахана”: «Тюку ңамгэрихивм’ нёхова” ңадас”, ханяңэ”на” ңамгэнэ ха”мава’ е”эмня матокава”». Хэбидя Падаркана пад-да вада” тюковна ңадимя”: «Ембдярони помнандо’ тяръядо’, Имбытани е”эмня помнандо’ матота”»\*. Саю” тики вади” сер’ ңа”. <sup>25</sup>Иисус’ үыдёсь’ лярць’ пя’ хэвхана Небяда, Небянда неня, Клопа’ пухуця – Мария, Магдала’ тер Мария нувы”. <sup>26</sup>Иисус’ саңон’ Небяда ха”мы”, хэвхананда нуна мэнена Тохоламба-дамда җани’ манэ”манда сер’ Небяханда вахалъй”: «Неңэй, пыдар хасава нюр тики, ти». <sup>27</sup>Тики’ пуд, Тохоламбадаханда ма: «Небяр ти мэна». Тикиринда յо” Тохоламбадада Иисус’ небям’ нянанда ханада.

### *Иисус’ лярць’ пя’ ниня яңгуво”ма*

<sup>28</sup>Сер” серото’ сер’ хая”, Иисус тикахад тенева, тамна тяха’ Хэбидя Падаркана падда вади” тикав-на үэвам’ тарця вадаха”на ёльцеда: «Ит’ харвадм’»\*. <sup>29</sup>Уксусхана\* панта хыдя тикахана нувы. Губкам’ уксусхана санибтедо’, иссопам’ нюбета пякоця’

---

\* 19:24 Нумд’ үэда сё 21:19.

\* 19:28 Нумд’ үэда сё 68:22.

\* 19:29 Тики мирцяда уксуснэ хэвы няръяна ябе и” үэвы.

таркан' сярахая\*, Иисус' ня' варан' тебребтедо'.  
<sup>30</sup> Укссусм' Йаманда сер' вахальй": «Явнанда хая». Тики' пуд Йэвада таси' ха"мы", индцялма. <sup>31</sup> Тики яля – Хамекова яля\* юэвы. Тиканда иудей" ервота" еврей" ныланава яляхана вэ' хэвы" лярц' пя' ниня юыдё волтамбавыдо'. Тад ю" тики еврей" ныланава яля юарка хэбидя яля юэвы. Йэдо' малява' е"эмня, тадтикахад лярц' пяхад сиддо' ха"аврава' е"эмня Пилатм' хонра". <sup>32</sup> Саю" то", нюортэ"э' Иисус' хэвхана юыдёда юб" ненэця' юэ маля", тики' пуд нябиом' юэ юани' малядо'. <sup>33</sup> Иисус' хэван' тэвыд", тарем' сырпто' Пыда янгумы, тиканда Йэда нидо' маль". <sup>34</sup> Йоб" саю наряхана Хэвдыда си"йда. Хэвдэхэтата вэя хамдумава, и" хамдумава. <sup>35</sup> Тики серо тикахана сырмы ненэць' ненэсявна ваде"ядась. Пыда тенева, манэ"мыда, ваде"мы вадида ненэся", пыдара" пунраванда" е"эмня ю" ваде"мы" юэ"ни"им'. <sup>36</sup> Хэбидя Падаркана тарем' пады: «Йобкарт Лэхэртада ни мардод"»\*. Тики вада" явнандо' хая". <sup>37</sup> Хэбидя Падаркана юэда юани" вада" тарця": «Пыдо' Сидермэхэндо' сырта"»\*.

---

\* 19:29 Мк 15:36.

\* 19:31 Тики еврей" си"ив яля' толырка"на матдомдэй яля, луца' си"ив яля' толырка"на самлянзимдей яля.

\* 19:36 Египетхад хэ"мя 12:36; Толыр" 9:12; Нумд' юэда сё 33:21.

\* 19:37 Захария 12:10.

*Иисусм' сюро”ма*  
(Мт 27:57-61; Мк 15:42-47; Лк 23:50-56)

<sup>38</sup>Тики” серо” пуд, Аримафея’ тер – Иосиф Иисус’ пыхыдм’ ханава’ нямна Пилатм’ хонра. Иосиф Иисус’ тохоламбада ңэбта ңо”, иудейха” сейнда пинава’ нид тале Иисусхана тохолковы. Пилат пуня’ ни ңа”. Иосиф хая, Иисус’ пыхыдм’ ханада. <sup>39</sup>Никодим ңобтарем’ ё”йда смирнам’, алоэм’ ңобт’ тахара”ми няхар” юд’ мян’ килограмам’ сода то. Сяхангав’ Никодим Иисусан’ пи’ турмы. <sup>40</sup>Иисус’ пыхыдм’ ханади’. Пыди’ иудей” сюрва’ мэсы”мана Пыхыдамда ё”йда тахара”махана подадавы тохочяха”на юйдади’. <sup>41</sup>Иисус’ ңыдёсь’ яхана ңоди” пи” вадюлава я танявы. Ңоди” пи” вадюлава яхана едэйвана сертавы пэ хой’ хоркадё” пэмб” танявы. Тики яхана хибяхарт нивы сюру”. <sup>42</sup>Тики яля иудей” ныланава яля’ хамекова яля ңэвы, тики пэ хой’ хоркадё” пэмб” хахая ңэвы. Ңадьбяти’ Иисус’ пыхыдм’ тикан’ мэди’.

**20-й пеляда**  
*Яүор’ илел”мы Иисус*  
(Мт 28:1-10; Мк 16:1-8; Лк 24:1-12)

<sup>1</sup>Еврей” си”ив яля’ толырка”на нюртей яля\* ңэвы. Мария ңули” хубтакохона тамна тид ңэсь, пэмбад’ ңэсь’ ян’ хая. Тарем’ сырпата, пэмбад’ ңэсь’ я’ си-хид ңарка”я пэ хэвня’ мэвы ңэвы. <sup>2</sup>Тикиринда ңо”,

---

\* 20:1 Луци” си”ив яля’ толырка”на сибимдей яля – воскресенье.

Симон Пётарк', Иисус' мэнена тохоламбада' няю' сюрмба хая, нянди' вахалъй": «Нум' Ервава" пэмбад' юэс' яхад ханавэдо', ханя' мэвахандо' маня" ехэрава"». <sup>3</sup> Тики вадита пуд, Пётр, няби Тохоламбадада пэмбад' юэс' ян' хаяха'. <sup>4</sup> Пыди' юбкана сюрбыхы', нябиом' Тохоламбадахав Пётрkad мерець сюрмби, пыда нянда нерня' пэмбад' юэс' ян' тэвы". <sup>5</sup> Таси' вэдерманда сер' яхана юседани – хальмерм' пэбта"ми манэ"џа. Пэмбад' юэс' я' мюхув' ни тю". <sup>6</sup> Пуданда Симон Пётр то, пэмбад' юэс' я' мю' тю. Тарем' сырпата, яхана юседани – хальмерм' пэбта"ми манэ"џа. <sup>7</sup> Тики' хавна пэбта"ми" хэвнякуна Иисус' юэва' ниня юэвы юкасям' манэ"џа, тики юкас' харта яхана яңга тамдалавы. <sup>8</sup> Тиканда нерде тэввьюм' Тохоламбадада пэмбад' юэс' я' мю' юани' тю. Тики серо манэсо"махаданда пунрэй". <sup>9</sup> Тад ю" пыди' Хэбидя Падаркана падда вади тамна нидинзь хамэда". Хэбидя Падаркана Иисус ха"махаданда яңор' илелпата тарась. <sup>10</sup> Тадтикахад Иисус' тохоламбадаха' юани' пырдари' мэс' яханди' сальяха'.

*Иисус' Магдала' тер Мариян' үадиво"ма  
(Мк 16:9-11)*

<sup>11</sup> Марияхав пэмбад' юэс' я' хэвхы пиняна нусь ярна. Ярманда сер' таси' пэмбад' юэс' ян' вэдерна.

<sup>12</sup> Тарем' сырпата, сэр" паны мэта сидя нув' юне ядэлана, Иисус' пыхыд' юседа"ма яхана юамдыхы". Юбьюм' Иисус' юэва' юэ"мя' няюна мэ, нябиом' Нэта юэ"мя' няюна мэ. <sup>13</sup> Пыди' нянда вахалъяха':

«Неңэй, ңамгэ ярџан?» Пыда нянди' ма: «Нум' Ервань пыхыдм' ханавы». Ңули" нив хамэдамбю", екар" ханя' мэдо'». <sup>14</sup> Тики вадида хэт"махаданда маха' ня' сылы", маханда няна Иисус нувы. Тарем' ңо", Тики Иисус ңэвам' нида хамэда". <sup>15</sup> Иисус нянда ма: «Неңэй, ңамгэ ярџан? Хибямд пюрџан?» Мария ихинянда Сита ңоди" пи" вадюлава' манзаранаңэ пэрџа. Ңадьбыта Нянда тарем' вахалъ": «Ервэй, пэмбад' ңэс' яхад пыдар Иисус' пыхыдм' хэвня' ханавы ңэбат, ман"ма, ханя' мэсар? Мань ханаңгув». <sup>16</sup> Иисус нянда ма: «Мария!» Мария пуня' Нянда сыло"махаданда еврей' вадавна вахалъ": «Раввуни!» Тики ваданда хамэди" тарця: «Си"ми тохоламбадами». <sup>17</sup> Иисус нянда ма: «Си"ми нён ня"амбю". Маньди тамна Нисяхани тэувувдавэйдм'. Няха"ни хань", тарем' ман", Мань Нисяхани танаңгув", пыдара" Нисяханда" танаңгув", Мань Нумгани танаңгув", пыдара" Нумганда" танаңгув"». <sup>18</sup> Магдала' тер Мария хая, Иисус' тохоламбадаха" Нум' Ервм' манэсо"мамда ваде"ңа. Иисус' нянда ваде"мы вади няндо' хэтыда.

### *Иисус' тохоламбадахата үадиво"ма*

<sup>19</sup> Тикири си"ив яля' нюрте"э яля' пэвсюмя' няна, Иисус' тохоламбада" иудейха" сейто' пинава' нид нёндо' си пакалмыдо'. Иисус таня' то, поңгандо' нульй", тадтикахад вахалъ": «Таңгабцоми нянанда" ңэя!» <sup>20</sup> Тики Вадида хэт"махаданда Ңудида, Ңэда, Хэвдыда, няндо' манэ"лабтэйда. Тохоламбадида Нум' Ервамдо" манэ"мандо' сер' маид". <sup>21</sup> Иисус ңани' няндо' ма:

«Таңгабцоми нянанда” юэя. Ханзер” Нисями Си”ми юэдараса, Мань юани’ сидда” юэдарамбидм”.<sup>22</sup> Тики Вадида хэт”махаданда Индта няндо’ пуць ма: «Хэбидя Индадм’ ня”мара”.<sup>23</sup> Хибяри’ хэбяхы ха”аврамбабата”, тики” хэбяха” ха”маңгуд”. Хибяри’ хэбяхы хаебта”, тикахана тики” хэбяха” хаевы” юэнгу”».

### **Фома’ нива пунрёва**

<sup>24</sup> Юкад вата сидяхад юбто’ Фома, пэрабцада Яхас юэвы. Иисус’ турма’ мальңгана пыда нянандо’ нивы мы”.<sup>25</sup> Тад пуна Иисус’ тохоламбада” нянда ма”: «Маня” Нум’ Ервава” манэ”юаваць». Пыда няндо’ тарем’ ма: «Нудаха”ната юэда еся теби” мерю манэ”-мадавэй”, тики мерёхо” юудани тарка’ тебувдавэй”, Хэвдэхэнда юудани тебувдавэй’ нидм’ пунрангут”.<sup>26</sup> Сидндет яля’ хэ”мяхад, Иисус’ тохоламбада” юани’ мяд’ мюня мэвы”, Фома нянандо’ мэвы. Нё’ си” паклёб” ю”, Иисус таня’ то, поңгандо’ нулъй”, тадтикахад вахалтый”: «Таңгабцоми нянанда” юэя!»<sup>27</sup> Тики’ пуд Фоман’ ма: «Нуданд таркам’ тальняку’ тад, Нудини манэс”. Нудар тад, Хэвдэхэни тебдед. Тад нерня’ ниня пунрёдан нён ю”, пунрёдан юа”».<sup>28</sup> Фома Нянда ма: «Нум’ Ервами, мань Нумми».<sup>29</sup> Иисус нянда ма: «Си”ми манэ”манд сер’ Няни пунрэйн? Си”ми манэ”мадавэй’ Няни пунравэхэв ненэсянда ябда».<sup>30</sup> Иисус Тохоламбадита сыртан’ юока хуркари ненадо серо серта. Ханяны” сер” тюку падарканы падувдавэй”.<sup>31</sup> Иисус’ Христос’ юэваханда пунраванда” е”эмня, Нум’ Ню’ юэваханда пунраванда”

е”эмня тарця” сер” пады”. Тикан’ пунрабта” Пыда нюомда няд”мяць илам’ ня”мангуда”.

## 21-й пеляда

### *Иисус’ си”ив тохоламбадаханда үадиво”ма*

<sup>1</sup>Тад пуна Иисус Тивериадам’ нюобета то’\* хэвхана тохоламбадахата ёани’ ёадимя. Иисус’ ёадиво”ма тарця юэвы. <sup>2</sup>Таняна ма”лёвыдо’ ти”: Симон Пётр, Яхасм’ нюобета Фома, Галилеяхад переня Кана’ тер – Нафанаил, Зеведей’ хасава нюху”\*, тадтикахад тамна сидя Иисус’ тохоламбадаха’. <sup>3</sup>Симон Пётр няндо’ ма: «Мань ёрманзь хаядм’». Пыдо’ нянда тарем’ ма”: «Маня” ю” нянанд ёобтарем’ тутава”». Тадтикахад хая”, тамиndo’ ю” юано’ мю’ тияд”. Тики пи’ ёамгэхэртм’ ни” хада”. <sup>4</sup>Хубтаңэ хэ”мяхаданда, Иисус то’ вархана нувы. Тохоламбадида Иисус юэвамда нидо’ тумда”. <sup>5</sup>Иисус няндо’ ма: «Ёацекые”, халя таня?”» Пыдо’ Нянда ма”: «Яңгу». <sup>6</sup>Пыдахавада няндо’ тарем’ вахалый”: «Поңгамда” юанонда” маханяңы хэван’ мора”, тиканда халям’ хадаңгуда”». Пыдо’ поңгамдо’ модо’. Халя’ юка” юэва’ нид поңгамдо’ тюхулць я”мадо’. <sup>7</sup>Тадтикахад Иисус’ мэнена тохоламбада Пётарт’ тарем’ ма: «Тюкоховава” Нум’ Ервава”нё”». Симон Пётркав, Нум’ Ерв юэвамда намдванда сер’, тю”уй панымда ёнэнда тяха’ сярахая, ит’ санэй”. Пыда тю”уй панэсявысь. <sup>8</sup>Тад ёани тохоламбадахав” панта

---

\* 21:1 Галилея то.

\* 21:2 Иаковхা’ Иоаннхা’ (Мк 1:19; 3:17).

поңгамдо' и"ймня нюдерць я' няю' җанута хая". Тад ю" пыдо' ид' вар' няд җаха"на нивы" мы", юр' мян' метр' пиркана мэвы". <sup>9</sup> Я' ни' тана"махадандо' еса-барта ту' ясо манэ"җа", ту' ясо" ниня халя юседавы, тики' хавна нянь' танявы. <sup>10</sup> Иисус няндо' ма: «Тандая' хадавы халэда" тэврэйда"». <sup>11</sup> Симон Пётр җано' ни' тий", тадтикахад җарка халяха"на панта поңгам' ян' нюхулема. Ҙокаханда поңга' мюния юркад вата сам-ляңг ю" няхар" халя җэвы. Таңок халяхана пан"пата җо", поңгадо' нивы җадду". <sup>12</sup> Иисус вахальй": «Таля' җадов", җорҗада"». Ҙобкарт Тохоламбадада Сита хонра я"ма, ханяңэхэртадо' ни ман": «Пыдар хибян?» Пы-до' Нум' Ерв Ңэвахаданда тенева". <sup>13</sup> Иисус няндо' то, няным' ня"махая няндо' ми"җада, халям' җо" җани' няндо' ми"җада. <sup>14</sup> Иисус' ха"махаданда яңор' иле-ло"манда пуд, тохоламбадахата теда' Ңадиво"мада няхаромдэй Ңадиво"мада җэвы.

### *Хувони җавламбю"*

<sup>15</sup> Ңаворо"махадандо' Иисус Симон Пётарм' хонра: «Иоанн' хасава ню – Пётарм' нюбета, пыдар няхатат җаркавна Си"ми мэнен?» Пётр тарем' ма: «Нум' Ервав, тарем' җэ"нив', Пыдар Сит мэневахадани теневананё"». Иисус нянда ма: «Хуво"ни сую" җавламбан"». <sup>16</sup> Нябимдей' Иисус Пётарм' җани' хонрада: «Иоанн' хасава ню – Пётарм' нюбета, Си"ми мэнен?» Пётр Нянда ма: «Нум' Ервав, тарем' җэ"нив', Пыдар Сит мэневахадани теневананё"». Иисус нянда ма: «Хуво-ни ерамбан"». <sup>17</sup> Няхаромдэй' Пыда җани' хонрада:

«Иоанн’ хасава ню – Пётарм’ нюбета, Си”ми мэнен?» Пётркав няхаромдэй’ Иисус’ хонаркован’: «Си”ми мэнен?» – ида вома. Тиканда тарем’ вахальй”: «Нум’ Ервав, Пыдар хусувэй ёамгэхэд теневананё”, Сит мэневахадани теневананё”. Иисус нянда ма: «Хувони ёавламбан”. <sup>18</sup> Ненэся, ненэся нянд мадм’, юацекы ненэць’ ёэванд малыңгана, нимд харт сярахая ханя’ харвасетын, таня’ минзетын. Вэсеймгавабат юудид вэңгалангун, юани несэй ненэць’ нимд сярангугу, ханя’ нин харва”, таня’ сит ханангугу». <sup>19</sup> Тики Вадита хараха”на Иисус Пётр’ ханзер” хавам’ ваде”юа. Пётр тики хавахананда Нум’ юнм’ юармдангугу. Тики Вадида хэт”махаданда, Иисус Пётарт’ ма: «Пумнани яд”!»

### *Иисус’ мэнена тохоламбада*

<sup>20</sup> Пётр пуня’ сылы”. Тарем’ сырпата, Иисус’ мэнена тохоламбада пумнанди’ ялмы”. Сяхангав’ пэвсюмя’ няна ёавормандо’ ёльцыңгана, тики тохоламбада Иисус’ лэмбаран’ ёэвамда тильтехэя Иисусм’ хонрамбись: «Нум’ Ервава”, хибя Сит хусараңгугу?” <sup>21</sup> Пётр сита манэ”манда сер’, Иисусм’ хонра: «Нум’ Ервава”, тюку нями ханзер” юэнгугу?». <sup>22</sup> Иисус Пётарт’ ма: «Мань тарем’ харваб”нани, Товани юэсонд’ иле хаёд”нив’. Пыдар тикахана ёамгэ сел таня? Пыдахавар Пумнани яд”». <sup>23</sup> Некас”\* помна тарця вада” нялкара”: «Тики тохоламбада ни хангугу?». Иисусхав

---

\* <sup>21:23</sup> Нумд’ пунрёда” хасава” помнандо’ нидо’ тарем’ нюмдебавы”.

тарем' вунзя ман": «Пыда ни хангү"». Пыдахавада тарем' ма"нисяв': «Мань тарем' харваб"нани, Товани үэсонд' иле хаёд"нив'. Пыдар тикахана үамгэ сел таня?»

<sup>24</sup>Тики тохоламбада тики иле"ми үадимде"нидав', тики' нямна нив' падан". Маня" тенева, манэ"-лабтамбадида ненэся". <sup>25</sup>Тики' хавна Иисус' үани сертавэда үока. Тики' нямна серото' сер' паднаб", мань ини ядэррабцохона тарця, таңок падвы падаркат тюку я' тиркана таңго я яңгудась.



## **Вади” хамэди”**

**Алоэ –** Тики үамдэд’ вэбам’ няялкая мирета ё”йда сибякоңэ сертабавэдо”. Тики сибяко таминда үамдэд’ нювм’ нюмданда мэ”ңада. Вэ’ хэвы ненэця’ пыхыдм’ сюрма’ нерня ё”йда сибякохона подадавы тохоцяхана юйдамбавэдо’ (Ин 19:39).

**Арам’ вада –** Тики вада невхы еврей’ вадахад пере, тянёмбовна араб’ тэнзм’ мэта вада’ няку’ үа. Тики вадахана Невхы Нум’ Ватохона үэда Даниил’ падвы падар’ пеля пады. Иисус’ илева’ мальңгана Палестина я’ тер” хусувэй яля’ лахана мэта вададо’ үэвы.

**Виноград –** Үодясавэй пя. Үодяхатата ябе идм’ сертаби”. Виноград пи” вадюлава, виноград’ тарка, няданда вадюрта үодя”, тадтикахад үодяхад сертавы ябе и” Нум’ Падаркана үамгэхэв хара явна үэда пыдикабтаңэ үоб’ үадиберңа”. Виноград пи” вадюлава Израиль’ ненэцие” пыдикабтаңэ падсеты (Мф 7:16; Ин 15:1).

**Илело”ма –** Едэй Нум’ Вато’ үадиво”ма мальңгана еврей’ тэнзм’ мэти” үокаюм’ пелядо’ пудана суденгова яляхана хусувэй ненэця’ яңор’ илелман’ пунрёвы”. Иисус’ яңгумы ненэцие яңор’ илебте”мяда, Харта

илело”мада сямянхат ңарка мутра сер” ңэвы” (Мф 22:30-31; Ин 21:14).

**Илия – Ңоб**” юнда ядэрта Нум’ Вади вадета ңэвы. Маймбабцо Юнхана падда” сер” ңадимя’ нерциюна 800 по’ тяхана илевы. Иудей” Пудана Суденгова Яляхана Илия’ тован’ пунры” (Ин 1:21).

**Иссоп** – Лярцьнена ңамдэ”, иудей” нибтараб”нандо’ мэтадо’ ңэвы. Ханондана” тики ңамдэ’ вэбам’, таркамда хан’ вэян’ палабтамбавэдо’, тадтикахад ненэцям’, хуркари ңавори няромандо’ е”эмня тики икана нибтарпа пюбарпавэдо’ (Ин 19:29).

**Манна** – Нумгад ңэда яңгня ңавар. Еврей” Египет яхад хэб”нандо’, тет ю” по’ вэнго яхана ёндавандо’ мальңгана Нум’ няндо’ нумгад етё’ тарця ңаварм’ пыдабставы (Ин 6:31).

**Матнава мэсы”** – Еврей” тарця ватодо’ танявы: ңаябэй хасава ңацекы’ соя”махаданда сидндетимдей яляхана лэ”морта мал’ ниня ңэда хобам’ мадабавэдо’ (Ила’ ңадиво”ма 17:9-14).

Тики ватом’ Аврааман’ Нум’ ми”мэда. Иисус’ я’ ниня илева’ мальңгана матормы ңацекым’ тики яля’ таминда нюмдебавэдо’.

Матнава мэсы” еврей’ тэнзри’ ненадумд”ма ңэвы, ңадьбято’ сиддо’ «Матнава мэсыдм’ мэ”мэнэ» нюмдебавы”, ңани тэнзм’ мэти, Нуув’ ехэрани «Матнава мэсыдм’ ниня мэ”мэнэ» нюмдебавэдо’.

Павел’ падвы падаркана тарем’ пады: «Едэй Нум’ Ватохона ненэцянгавм’ Иисус Христосан’ пунрёб-цори ңэдабида». Ңамгэри тэнз ңэвахав, тадтикахад

Матнава мэсыдм’ мэ”мэхав тедахав’ юхат ныхыди’ яңгу (Ин 7:22; Рим 4:10).

**Мэнебцо** – Едэй Нум’ Ватохона мэнебцо ненэцям’ нярин’ сюртембава ни ја”, мэнебцохов тарця: ненэць’ юни нянда е”эмня пыхыдамда нида сянд”, нянда е”эмня хусувэй юамгэмда, пыхыдахартамда миць пирта. Сямян юарка мэнебцохов Нум’ мэнебцо: ненэцие” е”эмня Нюомда – Иисус Христосм’ ханџэ ми”мы (Ин 13:35; 15:13).

**Нувм’ теневава** – Нум’ Падаркана падда тюку вада Нувм’ теневабцори ни ја”, неноховавна Нум’ вато’ сер’ илехэя, тадтикахад Сита хахаялтембахая, хусувэхэ”на Нянанда мэва (Ин 17:3; 1 Ин 4:8).

**Нум’ Ху’ Сую** – Нум’ Моисей’ сер’ Израиль’ терха” тарця Ватом’ ми”мы: Хэбидя Хардахана манзарана ханондана” хусувэй хубтахана, хусувэй пэвсюмняна ху’ сую’ ханџэ Нумд’ тэврамбавы”. Ханџэ тэвравы сую’ вэя Нумд’ ненэцие хахаялтембавы. Тики серканандо’ Израиль’ тер” хэбяхыдо’ Нум’ ха”авраванда е”эмня Нянда хынумдавы”. Хэхэдангода Иоанн Иисусм’ Нум’ Ху’ Суюнэ нюомдебавэда. Иисус’ я’ тир’ тер” ханџэ хэвамда нерня ваде”мэда (Ин 1:29).

**Нумгана юбинзер’ мэва** – Тюку вада’ хара хамэдита тарця: «Ненэсявна пунрёда иланда ямбан’ Нувм’ тене, тадтикахад Ватонда сер’ иле, туёць Нянанда лаханакурңа». Нумгана юбинзер’ мэвахав Христосан’ пунрёва’ сер’ тэворта (Ин 3:21; 1 Фес 1:1).

**Нум’ Мя”Хэбидя яля** – Иудей” хэбидя яля. Тики хэбидя яляхага еврей” харто’ мято’ хаехэя, мя-

то’ хэвхана пя’ таркахат үум’ мятамдо’ мярсеты”. Хэбидя ялэ” си”ив яля’ ямбан’ үаха”на Египетхад тарп”махадандо’ вэнго яхана ханзер” иле”мямдо’ тензибтехэя тики үум’ мяка”нато’ илесеты” (Ин 7:2).

**Пудана яля / Судеңгова яля** – Тюку ил’ сусава’ яляда. Ханяңы” еврей” үахат хавы ненэцие” яңор’ илелман’ пунрёвы”. Пыдо’ ихиняндо’ хусувэй ненэць’ ханзер” иле”мямда ваде”ма’ е”эмня Нум’ сят’ нулты”. Едэй Нум’ Ватохона үани’ тарем’ пады, үопой үобкарт’ ненэць’ тики яляхана харта серка”ната пыхыдамда нига үэдангу”. Иисусм’ ханүэ мэць пыхыдамда үэда пиртада (Ин 6:39-40).

**Раввуни** – Еврей’ вадавна хамэдита тарця: «Сямянхат үарками». Еврей’ тэнз Нум’ Ватом’ тохоламбадаха” тарем’ лаханасетвы” (Мк 9:5; Ин 20:16).

**Рим’ параңода** – Рим параңодадава’ үэвахана мэна ерв. Мунгнанда мэндида”: я’ үаркта” үэдакы”, паралюда” үэдакы”, нюдямбой я’ ерв” үэдакы”, Пилатха’ Иродха’ то”лаха ерв үэдакы”. Тики’ то”лаха ерв «Юлия Цезарь» нюмгад кесарьүэ нюмдеба пявыдо’ (Мф 22:17-21; Ин 19:12).

**Самария’ тер** – Иисус’ я’ ниня илеванда мальнгана Самария яхана илевы ненэця”.

Самария’ тер” иудей” тогтрев’ Моисей’ Ватом’ нёдавы”. Ханяңэхбидо’ Иерусалимхана Нумд’ нивы” туёс”, Гаризимам’ нюбета хойхана үэда сямян үарка хэбидя яхандо’ туёманзь ханмы”. Иудейха’, Самария’ терха’ үобня’ нивэхэ’ нят”, ниidi’ ненэся пунрёбцоход хэвня’ хэвныүэ толабавыди’ (Ин 4:9).

**Самария я – Самария Палестина’ үоб” үарка пеляда.** Иерусалимхад үэрм’ няюна џа, Галилея яхад ядембада я’ няюна џа. Сяхангав’ Палестина Ассирия паранодадава’ я’ пелянэ хэвь. Та’ мальнгана хуркари ненэцие” тэнз” Самария ян’ товы”. Тикахана хаёвы еврей” нюто’ ню”, хэвняд товы” ненэця” Самария я’ тернэ хая” (Ин 4:4).

**Смирна – Мирета,** ё”йда юр”, ядембада яхана вадёдана үамдэд’ хадэкад сертабада. Тики едясялмдеңгода пардоннэ мэцетыдо’, хальмерм’ сюрма’ нерня хальмерм’ пэбта”ми масарпа мэцетыдо’. Нюдя Азия’ няна үэда үарка ту үано’ нулнгалава тэмдорць’ харад үобтарем’ «Смирна» нювм’ мэ”џа (Ин 19:39; Мф 2:11).

**Соломон Тюнгалава – Хэбидя Хардахад яля’ тарп’ няна үэда үока” ямб саликасавэй синдавы тюнгала-ва. Таняна үока ненэць’ ма”лё пир”мэдо’ (Ин 10:23).**


**Сянава – Едэй Нум’ Ватохона үоб’ таняна Нум’ нямна үэда вада.** Тики вада хамэдита тарця: «Нум’ инда ядан’ ненэцяңг” мипада сейм’ пандамбада сава үамгэ, сававна манзарава’ е”эмня Мипадада ни џа”, сава үавори сертава’ е”эмня Мипадада үани’ ни џа”. Сянавахав ненэцие тидхалембада Моисей’ Ватоход янга. Моисей’ Ватохона хусувэй хибя серта сер’ таславы үэнгу. Сянавахав хамэдита хусувэй ненэця’ илнгана џа: сёнзя’ мюня үэбта үод”, и’ үукана үэбта үод”, үудахана үэбта үод”. Сямянхат үарка сянавахав Нумганы үэда малсяда ил’. Тикэхэв Иисусан’ пунрёдарихи” нянгарнгана (Ин 1:14).

**Таңгабцо – Едэй Нум’ Ватохона тики вада сайнор-ма’ яңгувари’ нямна ни җа”, тики’ хавна хамэдабцода хусувэй җамгэ танява’ нямна җа, сёнзя’ мий таңгава’ нямна җа. Еврей’ тэнзм’ мэта” тарем’ тороватавы”: «Таңгабцор таняя!» (Ин 14:27).**


**Хара явна үэда лахарё – Хара явна үэда лахарё лаханана’ и’ үудм’ ненадумд”мам’ няд”мяць җадимдембидা. Иисус Христос ненээции тохоламбабата үоб’ мэта мэсыта (Ин 16:29).**

**Хэбидя Харадм’ Несэймда”ма хэбидя яля – Тики хэбидя ялямдо’ иудей” «Ханукаңэ» нюмдебидо’. Иудей” Хэбидя Хардамдо’ Нувм’ хэрөтбамбада са-юхут маро”махадандо’ несэймдехэя нибтрамэдо’. Тики яляхад Несэймданго”ма хэбидя ялядо’ җадимя. Тики сер” Иисус’ това’ нерцюна 138 похона хадкэ”мя нюртей Маккавей’ падаркана тетимдей пеляхананда пады (тики падар” Нум’ Падаркад ни пере”) (Ин 10:22).**

**Ху – Нюдяко нямдотана я’ сармик, Палестина я’ тер” хоровасавэй’, козасавэй’ җобнзер’ вадабавэдо’. Козахад манэць, ху” ервандо’ мунд’ намдорт”, ха-ран’ ниня” харвана” я’ сармик”. Ҙадьято’ Нумд’ пунрёди, Нум’ Вади минреняха” инзелени хуво” то”лаханэ пэръядо’ (Мф 9:36; 12:11-12).**



Иисус Христос'  
я' тир' ниня илева'  
мальңы Иерусалим мар”



Тирионеон лабтая

Хэбдя Харад' хэрд,  
падир' няны хэвдэр'  
(Ярда' харад' хэвдэр')

Израиль' тер" харад  
(Хасев харад)  
Хаэрал' падир'  
няны нё"  
Хэбдяхат  
хэбдя я  
Хэбдя я  
Ханондалава

Антония  
мёева

Нэрг' няны нё"

Пиняны харад  
(Израиль' тер' ниня юэди" харад)

Мюняны харад  
(Нани я' тер тики мю' тись ни серос")

Мюняны харад  
(Нани я' тер тики мю' тись ни серос")


Пиняны харад  
(Израиль' тер' ниня юэди" харад)

Параюода' синдёда тюнгалава

Солот  
нё"  
Соломон синдёда тюнгалава

Кердрон лабтая

Иисус Христос' я' тир'  
ниня илева' мальнгы  
Иерусалим' Хэбдя Харад



**Иоанн' падвы  
Маймбабцо Юн**

*Евангелие от Иоанна  
на ненецком языке*

Институт перевода Библии  
101000 Россия, Москва, Главпочтамт, а/я 360

Подписано в печать 2.10.2014  
Формат 84×108 1/32. Печать офсетная. Усл. печ. л. 5,46  
Тираж 3000 экз. Заказ №

Отпечатано в ООО «Чебоксарская типография № 1»  
428019, г. Чебоксары, пр. И. Яковlevа, 15.  
Тел.: 8(8352)28-77-98, 57-01-87  
Сайт: [www.volga-print.ru](http://www.volga-print.ru)